

## Naqqiut nr. 2

Naqqiutip taarserpaa naqqiut 2. September 2019-meersoq

*(Naqqiutikkut iluarsineqarpoq aalajangersagaq § 45, imm. 1-imut nassuaammut kukkanumik  
innersuussineq)*

Siunnersummut nassuaatit

**Nassuaatit nalinginnaasut**

**1. Aallarniut**

**1.1. Siunnersummut pingarnertut tunngaviusut**

Siunnersuut pingarnertut isigineqassaaq tunuliaqutaralugu paasinninneq Kalaallit Nunaanni ilinniartunut inissianik ingerlatsineq aalajangiisuusumik pingaruteqartoq piginnaanngorsaaviusumik ilinniartitaanerni, innuttaasunut namminernut ataasiakkaanut, aammalu inuiaqatigiinnut ataatsimut isigisumik pingaruteqartumik. Ilinniagaq pitsaasoq suliffeqalernissamut inuiaqatigiinnilu peqataanermut aqqutissiuussisussaq innuttaasunut namminernut ataasiakkaanut inuiaqatigiinnullu pitsaasumik qularnaveeqquisiusuusarpoq atugarissaarnermut aamma toqqisisimanermut. Ilinniartitaaneq, suliffeqarneq aamma aningaasat isertitat inuiaqatigiinni atugarissaartuni aalajangiisuusumik inissisimapput, ilutigisaanillu ilinniagaqarneq annikinnerulersitsisarluni inuttut inuiaqatigiit avataanni inissisimalernissamut, taamalu aamma isumaginninnikkut ikorsiissutit annertusiartornissaasa pinngitsoornissaanut. Inuiaqatigiillu tamatumunnga atatillugu inuit ilinniagaqarnissaannik soqutigisaqaannanngillat, kisiannili ilutigisaanik pingaruteqartumik ingerlatsisutut inissisimallutik, aaqqissuussinermi, neqerooruteqartarnermi aqutsinermilu suliassaqarfimmii tassani, taamalu nunami nunatsitut ittumi inuiaqatigiit siamasissumik nunassiffisagaanni aamma ilinniartunut inissiat ilaallutik.

Aamma Naalakkersuisut 2018-imut Ilinniartitaanermut Pilersaarutaanni II-mi takuneqarsinnaavoq Naalakkersuisut 2017-imi ilinniagaqarnersiutit aamma ilinniartut ineqarfiinut ineqarnermut akiliutit aaqqissusseqqiffagalugit sulinermik aallartitsisimasut, taakkulu aqqutigalugit ilaatigut ilinniagaqarnersiutinut ilinniartullu ineqarfiinut ineqarnermut akiliutinut tunngatillugu akinik iluarsiinerit aningaasarsianillu iluarsiinerit ilanngunneqarumaartut. Naalakkersuisut aalajangersimapput tamanna siunissami inatsisitigut naleqqussaanermi ilaassasoq. Tassani ilinniartut ilaasa aningaasaqarniarnikkut sanngiinnerusut iluaquserniarnissaat siunertarineqarpoq. Tassunga atatillugu takuneqarsinnaavoq ilaatigut ineqarnermut tapiissutinut ataqtigiissillugu ineqarnermut akiliutini annertuumik aningaasartuuteqarfiusumi aaqqiissutissamik nassaarniartoqassasoq.

Aammattaaq ilinniartut ineqarfisigut piginnaasat atuuttut iluaqtiginerisa pitsaanerulernissaanik kissaateqarneq saqqummiunneqarpoq, ilaatigut ilinniartut ineqarfii ni najugaqtartut inuusunnerusut annertunerusumik ineeqqanik ataatsimullu atortussanik avitseqatigiittassasut. Peqatigisaanik uparuuarneqarluni ilinniartut ineqarfii nut ineqarnermut akiliutip appasippallaarnera, ukiunilu arlaqartuni iluarsiivigineqarsimanani, aammalu ineqarnermut akiliut illup pitsaassusaanut angissusaanullu sanilliullugu iluarsiivigineqarsimanngitsoq kiisalu inoqutigiit aningaasarsiaannut naleqqusagaasimanngitsoq. Nuummi Sisimiunilu ilinniartut ineqarfii aappariittunik 2012-imi misissuisoqarnerani assersuutigalugu paasinarsisimavoq 6 %-it inoqutigiittut 500.000 koruunit qaangerlugit aningaasarsiaqarsimasut.

Tamatuma nanginneratut ilinniartut ineqarfii pillugit nalunaarutip atuuttup nutarterneqarnissaa pisariaqartinneqalersimavoq (Namminersornerullutik Oqartussat nalunaarutaat nr. 18, 1. november 2007-imeersoq), tassungalu atatillugu kissaatigineqarluni iluarsaassinerup pissusaata malitsigisaanik inatsisip qaffasissusaatigut iluarsiisoqassasoq. Aammattaaq suliassaqarfimmi inatsisikkut iluarsaaneq inuiaqatigiit suliassaqarfip pingaaruteqartutut naliliinerannut atatillugu aamma isagineqartussaalluni.

## 1.2. Inatsisip piareersarnerani pingaarnertut taasariaqartut

Februar 2018-imi ilinniartut ineqarfii pillugit isumasioqatigiinnej ingerlanneqarpoq, naalakkersuisoqarfii attuumassuteqartut, ilinniarfeqarfii iliniartullu kattuffiat ILI ILI peqataallutik, taannalu pissutaalluni siunnersuutip oqaasertalersorneranut annertuumik iluaqutaalluni. Isumasioqatigiinnermi siunertaq tassaasimavoq ilinniartut ineqarfii pillugit inatsisissap pingaarnertut imarisassai sinaakkutissallu pillugit oqallinneq, tassunga ilanngullugit aningaasartuutiviit aamma isertitat tunngavigalugit ilinniartut ineqarfii ineqarnermut akiliuteqartarnissap piviusunngortinnissaanut periarfissanik eqqartuineq.

Isumasioqatigiinnermi immikkut pingaaruteqarsimavoq misilitakkat, kissaatit sulinermilu pisariaqartitat tamarmik ilaatinneqarnissaat siunertalarugu soqutigisaqartut tamarmiusut peqataatinnissaat. Isumasioqatigiinnermi suliassaqarfimmi malittarisassaliорnerit atuuttut misissorneqarput, misissoqqissaarneqarlutik malittarisassallu piviusumik ilinniartunut, ilinniarfeqarfinnut ilinniartullu ineqarfii nik ingerlatsisunut naleqqiullugu atorneqarnerinut assersunneqarlutik.

Maannakkut malittarisassanik misissuinermut atatillugu isumasioqatigiinnermi taakkunani iluaqutasut ajoquatasullu oqallisigineqarput, tassunga ilanngullugit pingaarnertut ajornartorsiutaasartut suunerisa paasineqarneri. Peqatigisaanik aningaasartuutiviit isertitallu tunngavigalugit ilinniartut ineqarfii ni ineqarnermut akiliut qanoq piviusunngortinnejqarsinnaanersoq oqallisigineqarluni. Aamattaaq paasineqarsinnaalluni malittarisassatigut tunngaviusut suliassaqarfinnik tamanik, sumiiffimmuit sumiiffimmuit atuuttunut pissutsinut assigiinngitsorujussuarnik isumaginnippasinnatik. Tamanna tunuliaqataralugu kissaatigineqarpoq suliassaqarfimmi siunissami inatsisissaq

pisariaqartitsinerit naammassineqarnissaannut pisariaqartitsinertigut aamma isumalluutitigut najukkani annertoorujussuarnik assigiinngitsoqarneranik paasisaqarnermik aallaaveqassasoq. Peqatigisaanillu nalunaarutigineqarluni ilinniartut ineqarfisigut piginnaasatigut ineriartitsiuartoqaraluartoq piginnaalersitsisumik ilinniarnermik pissarsinissamut naleqqiullugu ilinniartut ineqarfisigut pisariaqartitsinerup aporfiusup annikillisineqarnissa siunertalarugu suli ukiuni arlalissuarni tulleriaarinissamik pisariaqartitsisoqarumaartoq.

Tamatuma saniatigut siunnersummut aamma ilaatinneqarput kaammattuutit arlallit Kalaallit Nunaanni ilinniartut ineqarfiiunik ingerlatsiviit tamarmiusut taamanikkullu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup akornanni maj 2015-imi ilinniartut ineqarfifit pillugit Nuummi ataatsimiinnermi saqqummiunneqartut.

## **2. Siunnersummi immikkoortut pingaarcerit**

a) Inatsisitigut aalajangersakkat atuuttut

Ilinniartut ineqarfiiinut tunngasut inatsisitigut maannakkut malittarisassaqartinneqanngillat taamaallaalli nalunaarutikkut, ilinniartut ineqarfifit pillugit Namminersornerullutik Oqartussat nalunaarutaat nr. 18, 1. november 2007-imeersukkut (ilinniartut ineqarfii pillugit nalunaarut). Nalunaarut inissianik attartorneq pillugu Inatsisartut peqqussutaanni nr. 2, 12. maj 2005-imeersumi § 3, imm. 1, nr. 3-mik tunngaveqarpoq, Inatsisartut inatsisaatigut nr. 17, 8. juni 2017-imeersukkut kingullermik allanggortinneqartoq.

Attartorneq pillugu inatsimmi § 3, imm. 1, nr- 3-mit takuneqarsinnaavoq attartorneq pillugu inatsit ilinniarnermut atatillugu ilinniartunut Namminersorlutik Oqartussanit imaluunnit kommuninit atugassanngortinneqartunut inissianut atuutinngitsoq.

Aammattaaq imm. 3-mi aalajangersakkamit takuneqarsinnaavoq taamatut inissiaqarneq pillugu KANUKOKA isumasiorsinnarlugu Naalakkersuisut malittarisassanik erseqqinnerusunik aalajangersaasinnaasut, tassunga ilanngulligit attartornermik isumaqatigisummut tunngatillugu pinngitsoorani naammassineqartussat piumasaqaatillu.

Malittarisassat allakkut attartorneq pillugu peqqussutissamut siunnersuutip UPA 2005-imi pingajussaaneerlugu suliarinerani allangguutissatut siunnersuutitut ikkunneqarput, tassa ilinniartut ineqarfiiinut tunngasuni malittarisassanik aalajangersaasinnaanermut sukkannerpaamik tunngavissamik pilersitsisoqarnissaanik pisariaqartitsisoqarmat.

Aalajangersakkanut nassuaatinit takuneqarsinnaavoq taakkununnga pissutaasoq " iliniartut ineqarfiiinut tunngasuni malittarisassanik pissarsisoqarnissaai pillugu Inatsisartut Ombudsmandiannit Inatsisartut Kukkunersiuinermut Ataatsimiitaliaannit inassuteqarneq. Siunnersuutip kingunerisaanik peqqussummut ilaatinneqanngillat Namminersornerullutik Oqartussat kommunilluunniit ilinniartunut ineqarfifini attartornerit, tamatumalu malitsigisaanik maannakkut periuseq naapertorlugu ilinniartut ineqarfiiunik attartornermut atatillugu ineqarnermut tapiissusiinissaq ajornarluni".

Imm. 3-mi piginnaatitsinermut aalajangersakkamut naleqqiullugu nassuaatinit takuneqarsinnaavoq "Naalakkersuisut Kalaallit Nunaanni Kommunit Kattuffiat isumasioreerlugu ilinniartut ineqarfiiut tunngasuni malittarisassanik aalajangersaasinnaasut assersuutigalugu attartornermik isumaqtigiiissutip isumaqtigiiissutigineranut, atorunnaarsinneranut, attartorneqartup atorneqarnera, torersuutitsineq attartorneqartullu aserfallatsaolineqarnernut tunngasut. Kiisalu oqaaseqaatini ersippoq siunertaasoq Namminersornerullutik Oqartussat atugassanngortitaanni inissiani ineqarnermut akiliutit aningaasanut inatsimmi aalajangersarneqartassasut, communalbestyrelsillu ataasiakkaat atugassanngortitaanni inissiani ineqarnermut akiliutinik communalbestyrelsit aalajangersaasassasut".

Tamatuma saniatigut konto pingaardeq 40.02.01 Ilanniagaqartut ineqarfisa allaffeqarfiaita ataatsimut kontuanut oqaasertaliussanut nassuaatini allassimalluni:

"Ilanniagaqartut ilanniagaqartut inaanni najugaqartut ineqarnermut aningaasartuutissaasa annertussusissaat oqaasertaliussatigut aalajangersarneqarput. Akit qummut iluarsiivigineqarnikuunngillat 1990-ikkulli naajartulernerani. Tamanna akigititanik iluarsiisarneq pillugu inatsit atuutsilerneqarneranut atatillugu isumaliutigineqassaaq".

Ilinniartut ineqarfiiut tunngasunik imarisaatigut malittarisassaqtitsineq ilinniartut ineqarfii pillugit Namminersornerullutik Oqartussat nalunaarutaanni nr. 18, 1. november 2007-imiippoq.

Ilinniartut ineqarfii pillugit nalunaarummi § 2, imm. 1-imit aamma § 3, imm. 1-imit takuneqarsinnaavoq ilanniagaqartunut inissiaritinneqartuni inissiamik tunniussisarnermi piumasaqaataavoq ilanniagaqartoq ilanniagaqarnersiuteqarnermik malittarisassat malillugit iliniartitaanermi tapiiffigitissinnaasumi ilinniarnerminik ingerlatsissasoq aammalu attavigineqarnissamik piumasaqaatinik naammassinnissasoq, tak. ilanniagaqarnersiutit pillugit Namminersorlutik Oqartussat nalunaarutaat nr. 9, 19. juli 2017-imeersoq aamma ilanniagaqarnersiutit pillugit Inatsisartut inatsisaat nr. 12, 22- november 2011-meersoq.

Aammattaaq tulleriaarinermi malittarisassat atuuttut nalunaarummi § 2, imm. 2-5-imit takuneqarsinnaallutik. Tassunga atatillugu pingaaruteqartumik tunngaviuvoq Namminersorlutik Oqartussat ilinniartunut ineqarfutaanni ilinniartut ineqarfiiini inissiamut naleqqiullugu ilinniartut avataaneersut qaffasinnerpaatillugit salliutinneqartarneri. Taamaallilluni ilinniartutut paasineqarput ilinniarnerup aallartinnissaa sivikinnerpaamik ukiunik marluk sioqquillugit illoqarfiup ilinniarfiusup avataani inuit nalunaarsorneqartarfiannit najugaqareersimasut.

Tamannalu allatigut kommunimiit ilinniartunik tulleriaarinermi kommunit ilinniartunut ineqarfiiut tunngatillugu communalbestyrelsinit aalajangersarneqartunut najoqqutassianut assersuunneqassalluni.

Kommunit Namminersorlutilu Oqartussat ilinniartunut ineqarfisa akornanni suliassat agguarneri Namminersorlutik Oqartussani kommuninilu nalinginnaasumik suliassat agguarnerinut naapertuuppoq, taanna naapertorlugu nuna tamakkerlugu ilinniartuni soqutigisat Namminersorlutik Oqartussanit isumagineqarlutik, kommunillu nammineq iliniartutiminnik salliutitsillutik. Tulleriaarinermik malittarisassat pingaartumik illoqarfanni ilinniarfeqarfiusuni ilinniartut ineqarfifi inissianik amigaateqarnermut atatillugit isigineqassapput. Tassunga ilanngutissaq illoqarfimmi iliniarnerup naammassineqarnissaa siunertaralugu illoqarfimmi ilinniarfeqarfiusumi allami inissiamik qulakkeerinninniarluni ilaquaqarani attaveqarfeqarnaniluunniit iliniartumut avataaneersumut annertoorujussuarmik sapernarnera.

Aammattaaq maluginiarneqassaaq ilinniartut ineqarfifi inissiamik initaartinneqarnissamut inatsisitigut piumasaqaateqarfiusumik malittarisassat atuuttut ingerlanneqanngimmata, tassunga ilanngullugu iliniartunut aalajangersimasunut illusimatitsinermut naleqqiullugu.

Aammattaaq ilinniartut ineqarfifi inissiaq qanoq ittoq, pissusaanut angissusaanulluunniit naleqqiullugu ilinniartut ineqarfifi najugaqartut ataasiakkaat pissarsiarisinnaaneraat nalunaarummi malittarisassaqtinnejarnani. Aammattaaq tamanna ilinniartut ineqarfisiigut tatisimanninnermut atatillugu isigineqassalluni, taamaattumik pitsaassuseqartumik initaartitsinissamut malittarisassanik siumoortumik aalajangersaanissaq sapernarluni. Taamaattumik ilinniartut ineqarfifi inissiaq qanoq ittoq neqeroorutigineqarsinnaanersoq pillugu apeqqut ingerlatsivinni piviusumik ingerlataqarnermut atavoq.

Malittarisassat atuuttut tamatuma saniatigut illoqarfanni ilinniarfeqarfiusuni illusimatitsinissamut piviusumik pisariaqartitsisoqarnissaa pillugu piumasaqaateqanngillat.

Peqatigisaanik ilinniartut ineqarfii pillugit nalunaarummit takuneqarsinnaavoq ilinniartut ineqarfifi inissiaq sivilunerpamik ukiumut ataatsimut akuersissutigineqartartoq, tamannalu illoqarfanni ilinniarfeqarfiusuni ilinnigaqarluni najugaqarnermut atatillugu, assersuutigalugu ukiunik arlalinnik sivilususeqartumut atatillugu nutaamik qinnuteqarnissamik pisariaqartitsilluni.

Tamatuma saniatigut nalunaarut ilinniartut ineqarfifi aqtsineq pillugu malittarisassanik imaqarpoq, malittarisassat atuuttut naapertorlugit ilaatigut tessaniillutik Ilinniartut ineqarfifi aqtsisoqarfiup ataatsimut allaffia (KAF) aamma ilinniartut ineqarfifi aqtsisoqarfiit, ilinniartut ineqarfifi inissianut ataasiakkaanut atassuteqartut.

Peqatigisaanik nalunaarummiipput najugaqartut siunnersuisoqatigiivinik akissarsiaqartinneqanngitsunik pilersitsinissamut periarfissaq pillugu malittarisassat.

Aammattaaq attartorneq pillugu isumaqatigiisummik isumaqatigiissuteqarnissaq pillugu malittarisassanik aamma ineqarnermut akilummik akiliinissamik, aningasanut inatsisikkut aalajangersarneqartussamik, aalajangersaasoqarpoq, aamma qularnaveeqqusiiineq pillugu aalajangersakkanik. Aammattaaq ilinniagaqarnersiutinik ilinniartut ineqarfiini najugaqartup tigusineranut atatillugu ingerlaannartumik ineqarnermut akiliutip ilanngaatigineqarnissaanut periarfissaq pillugu aalajangersagaqarpoq. Periarfissarli taanna piviusumik atorneqarnani. Taamaattoqartillugu ilinniartut ineqarfiini najugaqartut assigiinngitsut akornanni immikkoortitsisoqartussaalluni. Ilinniartut ineqarfiini najugaqartut, ilinniagaqarnersiutinut taarsiullugu ilinniarnermut atatillugu suliffimmannermut akissarsiaqartut akissarsianiit toqqaannartumik ilanngaaffigineqarsinnaanngillat taamaaqataanillu qiortakkanik peqarunnaartunut ilinniartut ineqarfiini najugaqartunut tamanna atuulluni. Aammattaaq aaqqissuussineq atorneqartoq tunngaviusumik paasissutissanik taaneqartut immiunnerinut atatillugu teknikkikkut killeqartitsisoqarluni. Tamatuma nanginneratut uparuaneqassaaq ineqarnermut akilummik akiliisarnermik 2017-imi misissuinermit takutinneqarmat ilinniartut ineqarfiini najugaqartunit arfineq pingasuusunut tallimat piffissaq eqqorlugu ineqarnermut akilummik akiliineq ajortut, 25 %-ii ineqarnermut akilummik akiliineq ajortut aamma qaammatit marluk missaannik piffissami akiligassatigut kinguaattoortoqartartoq akiligassanili akilinngisat agguaqatigiissillugit 1.800 kr.-iusut. 2017-imi ineqarnermut akiliummi kinguaattoorutit appasinnerpaat 165 kr.-iusimapput qaffasinnerpaarlu 8500 kr.-iusimalluni.

Tamatuma saniatigut nalunaarummiipput aserfallatsaaliineq, iluarsaassineq aamma ilinniartut ineqarfiini inissiamik atuineq pillugu malittarisassat kiisalu atuisinnaatitaanerup allanut tunniunneqarnera pillugu malittarisassat.

Aammattaaq ilinniartut ineqarfianni najugaqartup aamma ilinniartut ineqarfiinik aqtsisoqarfiup attartornermik isumaqatigiisummik taamaatitsisinnaanerat imaluunniit atorunnaarsitsisinnaanerat pillugu malittarisassat erseqqissut aalajangersarneqarsimallutik.

Peqatigisaanik nalunaarummiippoq sumiginnaaneq pissutigalugu ilinniartut ineqarfiinik aqtsisoqarfiup taamaatitsinissamut tunngaviusut ikinnerpaamik allakkatigut marlunnik mianersoqqusinissaq pillugu aalajangersagaq.

Tamatuma saniatigut nalunaarummi atuuttumi takuneqarsinnaavoq ilinniartut ineqarfiinik aqtsisoqarfik attartornermik isumaqatigiisummik taamaatitsinermut atorunnaarsitsinermulluunniit atatillugu ilinniartut ineqarfiini najugaqaqqinnissaanut ilinniartut ineqarfianni najugaqartup sumiginnaasimasup najugaqarsinnaanermiit mattunneqarallarnissa isumagisinnaagaa. Taamaappat piffissaliussamut aalajangersariikkamut aalajangersarneqassaaq, ilinniartut ineqarfiani najugaqartup ilinniartut Ineqarfiinut aqtsisoqarfimmut isumannaagassani unitsissallugit piffissamiit qaammatit pingasut qaangiutsinnagit.

Kiisalu ilinniartut ineqarfii pillugit nalunaarummiillutik immikkut ittut malittarisassat ilinniartut ineqarfianni najugaqartup nuunneranut atatillugu isiginiarneqartussat kiisalu oqartussanut akisussaasunut naammagittaalliuuteqarsinnaaneq pillugu aalajangersakkat.

Aammattaaq oqaatigineqassaaq nalunaarummi atuuttumi taamaallaat pineqarmata Namminersorlutik Oqartussat ilinniartunut ineqarfii, naak inatsisitigut tunngavissiineq aamma kommunini ilinniartut ineqarfiini malittarisassaliornissaq periarfissaatinneqaraluartoq. Kommunilli 2006-imi ukiakkut nalunaarutigaat ilinniartut ineqarfii pillugit nalunaarummut ilaarusunnatik. Tamatuma saniatigut oqaatigineqassaaq kommuninit pigineqartunik ilinniartut ineqarfiinik ikittuinnarnik taamaallaat peqarmat.

## b) Siunnersuut

### 2.1 Nalinginnaasumik

Siunnersuummi pingaernertut siunertaq tassaavoq suliassaqarfimmi ullutsinnut naleqqunnerusunik inatsisiliornissaq. Aammattaaq siunnersuummut ilisarnaataalluni aaqqissugaanermigut imarisamigullu malittarisassanik misilitakkanillu atuuttunik annertuutigut tunngaveqarmat.

Tamatuma saniatigut siunnersuummi siunertaavoq allaffissornikkut malittarisassanut atuuttunut taartaasussanik ilinniartut ineqarfiinut inatsisitigut tunngavissamik qulakkeerinninnissaq. Peqatigisaanik siunertaasimavoq qulaani taaneqartumi isumasioqatigiinnermi nalunaarutigineqartunut kaammattuutinut naapertuuttunik suliassaqarfimmi pisariittunik paasiuminartunillu malittarisassaliornissaq.

### 2.2 Atuuffia

Siunnersuutip ilinniartut avataaneersut suli salliutippai. Tamanna imatut erseqqissarneqarpoq siunnersuummi § 1, imm. 1-imi aalajangersarneqarluni Inatsisartut inatsisaat manna ilinniartut ineqarfiini utaqqiisaasumik attartornermut atorneqarpoq, ilinniarnerminnut atasumik ilinniagaqartunut illusimaffissamik pisariaqartitsisunut avataaneersunut tamanna pillugu qinnuteqarnikkut Namminersorlutik Oqartussanit atugassanngortinnejartut. Tamanna kommunit Namminersorlutilu Oqartussat akornanni suliassanik agguassinermut naapertuuppoq, kommunit Namminersorlutilu Oqartussat ilinniartunut ineqarfiisa akornanni suliassat agguarneri Namminersorlutik Oqartussani kommuninilu nalinginnaasumik suliassat agguarnerinut naapertuuppoq, taanna naapertorlugu nuna tamakkerlugu ilinniartuni soqutigisat Namminersorlutik Oqartussanit isumagineqarlutik, kommunillu nammineq iliniartuutiminnik salliutitsillutik.

Tassunga ilanngutissaq ilinniartut nunaqavissut illoqarfimmi ilinniagaqarfiusumi attaveqaatit saniatigut aamma illoqarfimmi ilinniarfeqarfiusumi inissatigut periarfissanik ujartuinissamut pitsaanerusumik periarfissaqarneri.

Siunnersuummi § 1, imm. 2-mi ilinniartup avataaneersup nassuaataa ilinniartut ineqarfii pillugit nalunaarummi § 2, imm. 4-mit ingerlatitseqqinneruvoq.

Peqatigisaanilli § 1, imm. 1-im, imm. 3-mut innersuussisoqarpooq, tassani aalajangersarneqarluni Naalakkersuisut immikkorluinnaq pisoqartillugu, tassunga ilanngullugu inooqatigiinnikkut pissutsit pingaartumik eqqarsaatigalugit, aamma inissaqartitsinikkut tamanna akuerineqarsinnaappat, avataaneersuunngitsumik piffissamut killeqartumut ilinniartut ineqarfii utaqqiisaasumik ineqartinneqarsinnaasut.

Tamatuma saniatigut siunnersuummi qinnuteqartunik arlaannaatigulluunniit tulleriaarisoqanngilaq, taamaalillunilu iliniartitaaneq qanoq ittoq pineqartup aallartiffigisaa arlaatigut pingaaruteqarnani. Tamanna ilinniartut ineqarfii pillugit nalunaarummi § 2-mi malittarisassanut atuuttunut naleqqiullugu allannguineruvoq. Tamatumunnga tunngavilersuut tassaavoq ilinniartut ineqarfii pisinnaatitaanermut tunngatillugu ilinniartitaaneri assigiinngitsut tamarmik assigiimmik pingaaruteqartutut isigineqartut. Taamaattorli siunnersuummi § 4, imm. 1, nr. 3-mut naleqqiullugu ilinniartut ineqarfii inissiamik tunineqarnissamut piumasaqaataalluni Naalakkersuisut aalajangersimasumik najugaqarnissamik piumasaqaammit immikkut ittumik akuersisinnaasut, tak. imm. 1, nr. 2, pineqartup pissusiviusut malillugit Kalaallit Nunaanni najugaqvinnera upernarsarneqarsinnaappat, naak Kalaallit Nunaata avataani pisortatigoortumik aalajangersimasumik najugaqaraluarluni. Siunnersuummi § 7-im, imm. 1, nr. 2, innersuussinissamut tulleriaarinissamullu piumasaqaatit pillugit malittarisassanik Naalakkersuisut aalajangersaanissamut pisinnaatitaapput.

Aammattaaq meeqqat aamma aappat/inooqatigisat ingiaqataasut immikkut malittarisassaqartinnerat siunnersuummi § 19-imut nuunneqarput. Tamanna inuit taakku ilinniartunut allanut unammilleqatigiittutut isigineqannnginnerinik tunngaveqarpooq, tassa taakku ilinniartut ineqarfii inissiamik pissarsisinnaanerat ilinniartup aalajangersimasup kingunerimmagu.

Tamatuma saniatigut tamanna pillugu kaammattuut tunuliaqutaralugu siunnersuummi § 2-mi aalajangersarneqarpooq ilinniartut ineqarfii inissiamik initaartinneqarneq ilinniarnerup sivisussusianut naapertuuttumik piffissamut pissasoq. Tamanna isumaqarpooq ilinniartut ineqarfian ni najugaqartup ilinniarneq tamaat ilinniartut ineqarfian ni inissiamik atuisinnaanini naatsorsuutigisinnaagaa, tassungalu aamma ilaallutik kinguaattoornerit, ilinniartut ineqarfian ni inissiap pigiinnarnissaanut Inatsisartut inatsisaanni piumasaqaatit naammassineqartuarneri tunngavigalugu, tassunga ilanngullugu ilinniarnermik ingerlataqartuunissaq pillugu piumasaqaat.

Siunnersuummi § 1, imm. 1-im erseqqissumik aalajangersarneqarpooq ilinniartut ineqarfian ni inissiamik tunineqarnissamut illusimaffissamik pisariaqartitsisoqassasoq. Siunnersuummi § 5-im aamma aalajangersarneqarpooq ilinniartoq illoqarfimmil ilinniarfeqarfiusumi inissiamik allamik atugassaqartoq imaluunniit aappaasoq inooqataasorluunniit sulisunut inissiamik

atugassinneqarsimappat ilinniartut ineqarfianni inissiamik atugassinneqarnissamut imaluunniit taassuma atatiinnarnissaanut pisinnaatitaaffeqanngitsoq. Aamma taamaappoq sulisitsisoq ilinniarnermut atatillugu suliffimmiiinnissamut isumaqatigiisummut atasumik ilinniartumut atugassanngortitamik inissiamik tunineqarpat, imaluunniit illusimaffissamik pisariaqartitsineq ilinniartup nammineq atugaanut naatsorsuutigineqartariaqarpat.

Tamanna inatsisit atuuttut illusimaffissamik pisariaqartitsivinnermik ingerlataqannginnerannut atatinneqassaaq. Malittarisassat atuuttut taamaalillutik ilinniartut ineqarfianni najugaqartup ilinniartut ineqarfiini inissiami najugaqarsinnaanera peqatigisaanillu pineqartup illoqarfimmi ilinniarfeqarfiusumi tassani ilinniartut ineqarfianni najugaqartup attartortitaanik inissiamut akisussaalluni.

Inatsisartut inatsisaata maannamut Namminersorlutik Oqartussat ilinniartut ineqarfiini inissianik taamaallaat malittarisassaqartitsivoq, kisiannili siunnersummi § 3-mi periarfissiisoqarluni communalbestyrelsit isumasioreerlugit kommunit ingerlataannik ilinniartut ineqarfii pillugit malittarisassanik Naalakkersuisut aalajangersaasinnaallutik.

2.3 Ilinniartut ineqarfianni inissiamik tunineqarnissamut atatiinnarnissaanullu pinngitsoorani naammassisassat

Ilinniartut ineqarfianni inissiamik tunineqarnissamut atatiinnarnissaanullu pinngitsoorani naammassisassat siunnersummi §§ 4-6-imik takuneqarsinnaapput.

Nutaatut siunnersummi § 4, imm. 1, nr. 1 aamma 2-mi atassuteqarnermut piumasaqaatinik aralalinnik aalajangersaasoqarpoq, ilinniagaqarnersiutit pillugit Inatsisartut inatsisaanni aalajangersarneqartut atassuteqarnissaannut piumasaqaatinut naapertuuttut. § 4, imm. 1, nr. 3-mi aamma erseqqissarneqarpoq ilinniartitaanermi tapiiffigitinneqarsinnaatitaasumi imaluunniit ilinniartitaanermi ilinniagaqarnersiutit pillugit Inatsisartut inatsisaat naapertorlugu ilinniagaqarnersiuteqarfiusussatut Naalakkersuisut aalajangiiffigaanni ilinniartoq tiguneqarsimassasoq ilinniarnermillu ingerlatsissasoq.

Tamatuma saniatigut § 4, imm. 1, nr. 4-mi aalajangersarneqarpoq aamma piumasaqaataasoq ilinniartut ineqarfianni inissiamik siusinnerusukkut atuinerminiit akiligassatigut akilinngisaqarsimassanngitsoq imaluunniit ilinniartut ineqarfianni inissiamik atuinerminut akiitsoqassanngitsoq, tassunga ilanggullugu sumiginnaanerup malitsigisaanik, tamanna akiliisarnissamut isumaqatigiisummi ilinniartoq eqqortitsinngippat.

Aammattaaq siunnersummi § 4, imm. 2, 3 aamma 5-imik atassuteqarnissamut piumasaqaammut, najugaqarnissamut piumasaqaammut aamma ilinniarnermik ingerlataqartuunissamik piumasaqaammut tunngasut immikkut ittumik akuersisarnissamut aalajangersakkat ikkunneqarput.

Siunnersuummi § 4, imm. 4-mi aalajangersarneqarpoq ilinniartut ineqarfianni inissiamut pisinnaatitaaffik atorunnaassasoq, imm. 1-imik piumasaqaat ataaseq arlallilluunniit naammassineqarunnaarpata.

Pinngitsoorani naammassineqartussat taaneqartut saniatigut piumasaqaataavoq ilinniartoq inissiamik allamik akisussaaffeqassanngitsoq, tamannalu siunnersuummi § 5-imik erseqqinnerusumik malittarisassaqartinneqarluni, Inatsisartut inatsisaatut atuuffianut tunngasuni immikkoortumi qulaaniittumi eqqartorneqartut.

Kiisalu siunnersuummi § 6-imik erseqqissarneqarluni aamma pinngitsoorani naammassineqassasoq ilinniartut ineqarfianni inissiamik tunineqarnissamut atatiinnarnissaanullu attuumassuteqartunik taassumalu akilerneqarneranut paasissutissanik tamanik ilinniartoq Naalakkersuisunut paasissutissiissasoq.

#### 2.4 Aqtsineq najugaqartullu siunnersuisoqatigiivi

Sumiiffinni pisariaqartitsinernut pissutsinik ataqtigiiittoqarnissaa ataqtigiissarisoqarnissaalu qulakkeernissaat siunertaralugu ilinniartut ineqarfiinik aqtsisoqarfiup aaqqissugaaneranut akisussaat erseqqissumik agguarneri malittarisassallu eqaannerusut aalajangersarnissaat siunnersuummi pingarluinnartutut isigineqarsimapput. Tamanna naapertorlugu siunnersuummi § 8-mi nuna tamakkerlugu iliniartut ineqarfiinik aqtsiviup imaluunniit najukkani amerlanerusuni ilinniartut ineqarfiinik aqtsisoqarfinnik pilersitsisoqarnissaanut periarfissiisoqarpoq. Siunnersuummi aamma allaffisornerup allanut suliassangortinnissaa siunertaralugu tunngavissamik erseqqissumik ikkussisoqarpoq.

Tassunga atatillugu ilisimatitsissutigineqarsinnaavoq Naalakkersuisut ullumikkut ilinniartut ineqarfiinik aqtsisoqarfinnik arfineq marlunnik peqarmata, ilinniartut ineqarfiini inissiat 1700-t sinnerlugit ataatsimut piginnaasaqartut. Ilinniartut ineqarfiini inissiat kalaallit nunaanni illoqarfinni ilinniarfeqarfiusuni naligiittumik agguarsimapput.

Siunnersuummi aamma § 9-mi ilinniartut ineqarfii pillugit malittarisassanik aqtsinermut suut ilaunerinik erseqqissaasoqarpoq, tassunga ilanngullugu najugaqartut soqutigisaasa isumagineqarnissaasa erseqqissarneri. Tamanna najugaqartut siunnersuisoqatigiivi pillugit siunnersuummi § 12-imik aalajangersakkamik taperneqarpoq, ilinniartut ineqarfiinut nalunaarummi § 10-mik ingerlatitseqqinnerusoq. Tassunga atatillugu siunnersuummi § 8, imm. 5-imik najugaqartut siunnersuisoqatigiivini immikkut sulinerup ilaatigut akissarsiaqarfiunissaa pillugu malittarisassanik aalajangersaanissamut tunngavissiisoqarpoq.

Siunnersuummi § 10, imm. 1-mi ilinniartut ineqarfiini ataasiakkaanut tamanut malittarisassanik Naalakkersuisut aalajangersaasinnaapput. Aalajangersagaq ilassusigaavoq pisinnaatitsisummik imm. 3-mi, taamaattumillu nalunaarusiornikkut ersarinnerusunik maledruagassiortoqarsinnaalluni, ileqqorissaarnissamut tunngasut sunik imaqqasanersut.

Ilinniartut ineqarfiinut nalunaarummi § 6-imik malittarisassat atuuttut malillugit ilinniartut ineqarfiinik aqtsisoqarfiiq ataasiakkaat tamarmik ilinniartut ineqarfiannut pineqartumut malittarisassanik aalajangersaassapput tamatumalu saniatigut ilinniartut ineqarfiat pillugit malittarisassanik aalajangersaasoqarsinnaalluni.

Malittarisassanik aalajangersaanissaq pillugu piumasaqaat taamaalilluni atorunnaarpoq. Tamanna malittarisassanik piviusumik taamaallaat peqarsimaneranik atatillugu isigineqassaaq, ileqqoreqqusat amerlanertigut najoqqutassiaallutik suliffeqarfimmut ilinniartut ineqarfiinut attuumassuteqarneq ajortut aalajangersimasumut atasuusut.

Siunnersuummi § 11-mi ilinniartut ineqarfiinik aqtsisoqarfiiup ilumini utaqqisut allattorsimaffiinik ingerlataqarsinnaaneranut aamma utaqqisut allattorsimaffianni inissisimanissamut piumasaqatit tamanut saqqummiunnissaannut periarfissiisoq. Kingullertut taaneqartoq nutaajuveq kisiannili ilinniartut ineqarfiinut nalunaarummi § 8-mik ingerlatitseqqinnej pineqarluni.

2.5 Attartornissamik isumaqtigiissuteqarneq aamma ineqarnermut akilummik, atuinermut qularnaveeqqutinillu aalajangersaaneq akiliisarnerlu  
Siunnersuummi § 13-imik aalajangersarneqarpoq attartornermut isumaqtigiissumik isumaqtigitoqassasoq, taassuma ilusissaanut piumasaqaat, taanna qaqugukkut atsiorneqarsimassanersoq aamma malittarisassat tunniunneqarsimanissaat pillugu piumasaqaat.

Siunnersuummi § 17-imik ineqarnermut akiliut qaqugu akilerneqarsimassanersoq, aamma akiliineq qanoq pisinnaanersoq aamma ineqarnermut akiliut aamma atuinermut akiliut ilinniartup ilinniagaqarnersiutaanit ilanngaatigineqarnissaanut tunngavissaq pillugu aalajangersakkanik aalajangersaasoqarpoq. Tamanna annikitsumik allangnuuteqartillugu ilinniartut ineqarfiinik nalunaarummi § 12-imik aamma § 15-imik ingerlatitseqqinneruvoq. Ileqqusullu periaatsit naapertorlugit aamma erseqqissarneqarpoq ineqarnermut akiliutissaq siumoortumik akilerneqartartussaasoq.

Siunnersuut nutaatut ilinniartut ineqarfianni najugaqartup ineqarnermut akiliinissaa aamma kiassarnermik, innaallagissamik, gassimik imermillu atuinermut akiliinissaa pillugu aalajangersakkamik § 15-imik imaqarpoq.

Siunnersuut aamma nutaatut § 16, imm. 1-imik ineqarnermut akiliutip aalajangersarneqarnerani pissutsit suut eqqarsaatigineqarnissaat pillugu aalajangersakkamik imaqarpoq.

Aammattaaq nutaatut § 16, imm. 2-mi ineqarnermut akiliut procenti aaqqiissutissaq aamma maannakkorpiaq aningasarsiat pillugit Inatsisartut inatsisaat naapertorlugu ukiumoortumik procenti aaqqiissutissamik iluarsineqartassasoq aalajangersarneqarpoq.

Tamatuma saniatigut § 15, imm. 2-mi aalajangersarneqarpoq kiassarnermik, innaallagissamik, gassimik imermillu atuinermut akiliineq ilinniartut ineqarfianni najugaqartup piviusumik atuinera tunuliaqutaralugu pisassasoq aamma ilinniartut ineqarfianni inissiap pissusaa inissiamit taamatut angitigisumit nalinginnaasumik annertunerusumik atuinermik pisariaqartitsissappat atuinermi akiliummi naleqqiussinikkut appartsisoqassasoq.

Kiisalu siunnersuummi § 14-imni aalajangersarneqarluni nutsernermi pisussaaffimminut qularnaveeqqutit ilinniartut ineqarfianni najugaqartoq qularnaveeqqutinik akiliisassasoq. Taanna allannguueteqartillugu ilinniartut ineqarfianut nalunaarummi § 13-imik ingerlatitseqqinneruvoq, tassani aalajangersarneqarluni attartornermik isumaqatigiisummik isumaqatigiisuteqarnermi ilinniartut ineqarfianni najugaqartoq nutsernermi ilinniartut ineqarfianni najugaqartup pisussaaffiinut qularnaveeqqutit qaammammut ataatsimut ineqarnermut akiliummut naapertuutumik qularnaveeqqutinik akiliissasoq.

Ineqarnermut akiliutip aalajangersarnera pillugu aalajangersakkami siunnersuutigineqartumi pingarnertigut siunertaq tassaavoq ilinniartut ilaannut aningaasaqarnikkut sanngiitsunut nukittorsaanissamik periarfissamik pilersitsinissaq. Tamanna pissaaq ilinniartut ineqarfianni najugaqartumi taassumalu inoqtigisaani isertitatut pissutsit eqqarsaatigalugit.

Atuinermut akiliinissaq eqqarsaatigalugu tamanna ilinniartut atuinermut tunngatillugu aningaasartuutinut ilisimasaqarnerunissaannut kajumissaateqarnermik tunngaveqarpoq. Naliliisoqarpoq ullumikkut ilinniartumut ataatsimut naleqqutinngitsumik qaffasissumik atuisoqartartoq, tamannalu annerusumik ilinniartup atuinermintut nammineq akiliisannginneranik tunngaveqarluni. Tamanna pillugu malittarisassanik aalajangersaanermi ilinniartut ineqarfii niissiat ilai ilinniartut ineqarfii niessianit allanit kiassassallugit akisunerunersut sillimaffigineqassaaq. Atuisup akiliisarnissaata eqqunneqarnerata aamma kingunerissavaa ilinniagaqarnersiutini akigititaasut taamaattoqassappat qaffanneqartariaqassasut, tassa ilinniagaqartut taamaanngippat ullumikkumiit aningaasanik ikinnerusunik atugassaqalissammata.

Aalajangersakkalli pineqartut kingusinnerusukkut aatsaat piviusunngortinneqarumaarput, tak. siunnersuummi § 53, aalajangersakkanut innersuussisoqarluni. Tamanna suliassaqarfinni allani suliniutit eqqaanartut aallartinneqarsimanerinut atatillugu isigineqassaaq, tak. ataaniittooq. Malittarisassat piviusunngortinneqarneri, tassunga ilanngullugu aalajangersimasunik malittarisassaliorneq, suliniutinut taakkununnga eqqaanartunut naleqqiullugu ataqtigisiqarneqassammata taamaattumillu taakku inerneqarneri utaqeqassallutik.

Tassunga ilanngutissaq suliassap paasiuminaatsuunera, tassunga ilanngullugu soqatigisaqaqatigiinnik allanik qanimat suleqateqarnissamik pisariaqartitsineq, taamaattumik tulluarnerpaatut nalilerneqarluni malittarisassaliorneq taanna immikkoortutut

suliniutigineqassasoq maannakkut siunnersuutikkuunngitsoq. Tamanna taamaattumik naatsorsuutigineqarpoq Namminersorlutik Oqartussat inissiaataasa kommuninut tunniunneqarnissaasa pilersaarusiornernut atasumik immikkut sammineqassasoq. Taamaattorli pingaartutut isigineqarluni malittarisassaliornissamut pingaarnertigut tunngaviusunut Inatsisartut isummernissaat, taamaattumik taakku siunnersuummut ilanngunneqarlutik. Peqatigisaanik siunnersuummi § 18-imi aalajangersakkamik ikkussisoqarpoq, taanna naapertorlugu ineqarnermut akiliutip naatsorsornissaa pillugu malittarisassanik aalajangersaaqqullugit Naalakkersuisut peqquneqarlutik, tassunga ilanngullugit isertitatigut killilersuineq, qularnaveeqqusiiineq, ineqarnermut akiliummik aamma kiassarnermik, innaallagissamik, gassimik imermillu atuinermut akiliinissaq pillugit, tassunga ilanngullugu atuinermi akiliinermi naleqqiussinikkut appartitsineq pillugu. Naggasiullugu § 53-imut innersuussisoqarpoq, tassani imm. 1-imi aalajangersarneqarluni §§ 15-ip, 16-ip aamma 18-ip taakkulu malitsigisaanik malittarisassat atulersinneqartut atuutilerfissaat piffissaq Naalakkersuisunit aalajangersarneqarluni. Aammattaaq § 53, imm. 2-mi aalajangersarneqarluni ineqarnermut akiliutip angissusaa aamma qularnaveeqqusiiinerup angissusaa § 15-ip § 16-ip atuutilernissaasa tungaanut aningaasanut inatsisikkut aalajangersarneqassasut. Kiisalu § 53, imm. 3-mi aalajangersarneqarluni § 15-ip atulersinnissaasa tungaanut kiassarnermik, innaallagissamik, gassimik imermillu atuinermut aamma akiliisoqassanngitsoq.

Taamaattumik siunnersuutip akuerineqarnera ineqarnermut akiliutip akilernissaanut naleqqiullugu ingerlaannartumik allannguisoqassanngilaq, taamaallilluni taanna aningaasanut inatsimmi malittarisassaqartinneqassalluni, tamanna pillugu malittarisassanik aalajangersaasoqarnissaata tungaanut. Qularnaveeqqusiiineq aamma, tamanna pillugu erseqqinnerusunik malittarisassanik aalajangersaasoqarnissaata tungaanut, aningaasanut inatsimmi aalajangersarneqassaaq, aamma kiassarnermik, innaallagissamik, gassimik imermillu atuinermut akiliisoqassanani, tamakku pillugit malittarisassat atuutilernissaasa tungaanut.

**2.6 Ilanniartut ineqarfian inissiap angissusaa qanoq issusialu**  
Siunnersuummi § 19, imm. 1-imi aalajangersarneqarpoq ilinniartut ineqarfian inissiamik initaartitsinermi ilinniartut ineqarfian najugaqartumut peqataasut inoquitiit amerlassusaat sillimaffigineqassasut, ilinniartup meerai 18-it inorlugit ukiullit, aappaa inooqataaluunniit ilinniagaqarnersiutini tamanna pillugu malittarisassat naapertorlugit akiliunneqarlutik angalasinnaatitaappata. Tamanna ilinniartut ineqarfianut nalunaarummi § 2, imm. 5-imik ingerlatitseqqinneruvoq, unali allaassutaalluni maannakkut erseqqissarneqarluni ilinniartut ineqarfian inissiaq sorleq ilinniartumut neqeroorutigineqarnissaanut naleqqiullugu tamanna taamaallaat pingaaruteqarluni.

Peqatigisaanik malittarisassat atuuttut naapertorlugit siunnersuummi § 19, imm. 2-mi erseqqissarneqarpoq ilinniartut ineqarfian inissiap aalajangersimasumik angissuseqarnissaanut pissuseqarnissaanullu, imaluunniit taanna pequtilersugaasimassanersoq

imaluunniit pequtilersugaasimassangitsoq pillugu ilinniartut ineqarfianni najugaqartoq piumasaqarsinnaanani.

Siunnersuummi § 20-mi qanoq ilinerani ilinniartut ineqarfianni inissiaq atugassannngortinneqassanersoq taannalu qanoq pissuseqassanersoq pillugu aalajangersakkamik aalajangersaasoqarpoq. § 21 naapertorlugu ilassutit maleruagassiortoqaqqissinnaavoq ilinniartut ineqarfiata pitsaassusissaanut tunngasunik attartornerup aallartinnerani, tamatumanissaaq peqqutinut, atortorissaarutinut, aammalu assersuutigalugu matuersaat tunniunneqarnissaat pillugit, aammalu § 22-mi amigaatit pillugit malittarisassanik aalajangersaasoqarluni. Aalajangersakkat taakku annikitsunik allannguuteqartillugit ilinniartut ineqarfiinut nalunaarummi § 17, imm. 3-5-imik ingerlatitseqqinnerupput.

## 2.7 Aserfallatsaaliineq iluarsaassinerlu

Peqatigisaanik siunnersuutip kingunerisaanik akuliunnertut iluseqartutut misigineqarsinnaasunik malittarisassanik arlalinnik inatsisinik tunngavissaqartitsisoqalerpoq. Tassunga assersuutigalugu ilaapput aamma ilinniartut ineqarfiinik aqtsisoqarfiup assersuutigalugu ilinniartut ineqarfianni inissiami ajoqsiisoqartillugu ilinniartut ineqarfianni inissiamik alakkaasinnaaneq. Aserfallatsaaliineq pillugu apeqqummut naleqqiullugu malittarisassani atuuttuni aaqqissuussineq ingerlateqqinnejqarpoq, taanna naapertorlugu immikkoortut ataatsimoorfiusut aamma kuuffinnut, kiassarnermut, innaallagissamut, gassimut imermullu il.il. teknikkikut ikkussukkanik aserfallatsaaliineq ilinniartut ineqarfiinik aqtsisoqarfiup pisussaaffigilerlugit.

Aammattaaq ilinniartut ineqarfianni inissiami ajoqsiinerit ingerlaannartumik ilinniartut ineqarfianni najugaqartumit ilinniartut ineqarfiinik aqtsisoqarfimmut nalunaarutigineqartassallutik.

Taakku saniatigut ilinniartut ineqarfiinik nalunaarummi atuuttumi ilinniartut ineqarfianni inissiap tiguneqarnerani eqqiarneqarsimangippat illorsorneqarsinnaasumillu pitsaassuseqanngippat ineqarnermut akiliummi naleqqiussisumik appartitsisoqarsinnaanera pillugu malittarisassaq siunnersummit peerneqarpoq. Tamatumunnga pissutaavoq aalajangersakkap atorneqanngisaannarsimanera aamma aalajangersakkap inissiaqarnermut pissutsit ilaannut ilinniartut ineqarfiini inissianut naleqqiullugu tulluanngitsunut atassuteqarnera.

2.8 Ilinniartut ineqarfianni najugaqartup ilinniartut ineqarfianni inissiamik atuinera Ilinniartut ineqarfianni najugaqartoq malittarisassat atuuttut malillugit attartornermut isumaqatigiissut malillugu allanut ilinniartut ineqarfianni inissiamik atuissanngilaq. Ilinniartut ineqarfianni najugaqartup taamaalilluni inissiaq attartortissanngilaq imaluunniit najugaqartitsinani ilinniartut ineqarfiinik aqtsisoqarfik akuersiteqqaarnagu. Ilinniartut ineqarfianni najugaqartoq aamma ilinniartut ineqarfianni inissiamik akuerineqaqqaarnani

allanngueqquaanngilaq aamma ilinniartut ineqarfianni malittarisassanik atuuttunik eqqortitsinissamut akisussaalluni, tamatumunnga assersuutigalugu ilinniartut ineqarfianni najugaqartup pulaartui.

Aamma matuersaat tamarnerini assersuutigalugu sapaatip akunnerata naanerini ilinniartut ineqarfianut isersinnaajunnaarneq pissutigalugu assersuutigalugu pigaartumik aggertitsinissamik pisariaqarttsisoqarnerani immikkut ittumik sullissinernut akiliinissaq pillugu apeqqummik malittarisassaliortumik aalajangersakkamik nutaamik ikkussuisoqarpoq.

## 2.9 Atuisinnaassutsip allanut tunniunneqarnera

Tassani peqarput atuisinnaatitaanerup allanut tunniunneqarneranut tunngasunik malittarisassanik atuuttunik ingerlatitseqqinneq. Taamaattorli aalajangersakkamik nutaamik ikkussisoqarpoq, taanna naapertorlugu ilinniartut ineqarfianni najugaqartoq, inoqutigiinnut ilaallutik meeqqat 18-it inorlugit ukiullit, aappaasoq imaluunniit inooqataasoq, ilinniagaqarnersiutit pillugit malittarisassani tamanna pillugu malittarisassat naapertorlugin akiliunneqarlutik angalasinnaatitaasut, ilinniartut ineqarfianni najugaqartup illoqarfiup ilinniarfeqarfiusut avataani sivikinnerpaamik qaamatini marlunni ilinniarnermut atatillugu suliffimmiinnerani imaluunniit atuarfimmieinnerani piffissani ilinniartut ineqarfianni inissiamik siunissami tigumminnissinnaalerlutik.

Ilinniartulli ineqarfianni inissiamik atuisinnaatitaaneq malittarisassani atuuttunisulli ilinniartut ineqarfianni najugaqartup aappaanut imaluunniit inooqataanut imaaliallaannaq suli tunniunneqarsinnaassanngilaq, tassa tamanna pillugu immikkut qinnuteqarnissamik tunngaveqassammat.

## 2.10 Taamaatitsineq atorunnaarsitsinerlu

Attartornermut isumaqtigiiissut atorunnaassaaq, soorlu manna tikillugu malittarisassanut naleqqiullugu taamaattoq, taamaatitsinermi imaluunniit atorunnaarsitsinermi.

Ilinniartut ineqarfianni najugaqartup ilinniartut ineqarfianni najugaqarnissamut pinngitsoorani naammassineqartussat naammassiunnaarpagit ilinniartut ineqarfianni najugaqartumik taamaatitsinissamut ilinniartut ineqarfiinik aqtsisoqarfik pisussaavoq, tassunga ilanngullugu ilinniarneq naammassineqarpat imaluunniit unitsinneqarpat, taamaalilluni ilinniartut allat ilinniartut ineqarfianni inissiamik iluaquteqarsinnaallutik.

Atorunnaarsitsinermulli tunngaviussaaq ilaatigut annertussuseqartumik sumiginnaaneq. Aammattaaq nutaamik immikkoortiterineq ilanngunneqarpoq, taanna naapertorlugu attartornermut isumaqtigiiissut taamaallaat ingerlaannartumik sunniuteqartumik atorunnaarsinnejqarsinnaalluni, sumiginnaaneq pineqarpat, persuttaanerit imaluunniit ikiaroornartut tassunga ilaallutik.

Aammattaaq pisariillisaasoqarpoq taamaalilluni ilinniartut ineqarfian ni najugaqartup sumiginnaanerata malitsigisaanik ilinniartut ineqarfianik aqutsisoqarfiup taamaatitsineranut atatillugu siunissami taamaallaat ataasiaannarlugu mianersoqqusisoqarsinnaalluni.

Siunnersuutip aamma imaraa peqataaqqusajunnaarneq pillugu malittarisassat allanngortinneqarneri, ikiaroornartut persuttaanerilluunniit akuutinneqarlutik sulianut naleqqiullugu taamaallaat maannakkut atorneqarnissaat siunersuutigineqarluni.

#### 2.11 Ilinniartut ineqarfian ni najugaqartup inissiamiit nuunnera

Ilinniartut ineqarfian ni najugaqartup nuunneranut tunngatillugu aalajangersakkanik iluarsaassinermut atatillugu malittarisassanik pisariillisaasoqarpoq, tamatumunnga pingaartumik pissutaalluni ilinniartup ilinniarfimmiinnerata naanerata kinguninngua illoqarfimmik ilinniarfeqarfiusumik qimatsisarnera. Taamaattumik assersuutigalugu nuunnissaq sioqqullugu ilinniartut ineqarfian ni inissiamik peqatigiilluni misissuisoqarnissaa pillugu piumasaqaateqarnissaq ajornakusoorluni.

Aammattaaq ilinniartut ineqarfian ni najugaqartup qimataanik pigisanik peersinissaq immaqalu tunisaqarnissaq pillugu malittarisassanik aalajangersaasoqarluni.

#### 2.12 Naammagittaalliuuteqarneq

Aammattaaq naammagittaalliuuteqarsinnaanermut naleqqiullugu erseqqissaasoqarpoq, tassa maannakkut, soorlu ilinniagaqarnersiutinut aamma taamaattoqartoq, aalajangersaasoqarsimammat oqartussanit il.il. aalangangiiffigineqartut aalangangiinerit pillugit taamaallaat naammagittaalliorqarsinnaalluni.

#### 2.13 Atortuulersitsineq

Siunnersuutip piffissami atulersinnissaa ulloq 1. august 2020-mut aalajangersarneqarpoq. Ineqarnermut akiliummut aamma atuinerit malittarisassanut tunngasut aalajangersakkat aatsaat piffissami kingusinnerusumi atulersinneqassasut siunnersuutigineqarpoq, tak. qulaani aallarniutaasumi tamanna pillugu allatat.

### **3. Aningaasaqarnikkut allaffissornikkullu pisortanut kingunerisassat**

Immikkoortumi aallaqqaasiussami soorlu allanneqartoq siunnersummi siullermik siunnerfigineqarput suliassaqarfimmi malittarisassanut atuuttunut naleqqiullugu iluarsaassinerit tulluarsaanerillu arlallit, atortunut pigineqartunut naleqqiullugu imaallutik pitsaanerusumik atuisoqarnissaanik annertunerusumik isiginninnerusoqarluni. Siunnersuut taamaattumik aningaasaqarnikkut allaffissornikkulluunniit pisortanut kinguneqartitsinngilaq, pissutigalugu inatsisip atuuttup malitseriigaanik pisussaaffiusut sinnerlugit kommuninut imaluunniit pisortani oqartussanut allanut siunnersuut pisussaaffiliinngimmat.

### **4. Aningaasaqarnikkut allaffissornikkullu inuussutissarsiuteqartunut sunniutissai.**

Siunnersuut inuussutissarsiortunut aningaasatigut kinguneqartussatut ilimagineqanngilaq.

## **5. Avatangiisinut, pinngortitamut inuillu peqqissusaannut kingunerisassat**

Siunnersuut namminermi inuit peqqissusiannut naleqqiullugu annertunerusunik kinguneqartitsinngilaq. Ilinniartut ineqarfianik ingerlaavartumik ineriertortitsinermi taamaattoq inuit peqqissusaannut tunngasunik allatigut suliniuteqartoqarsinnaavoq.

## **6. Innuttaasunut kingunerisassat**

Siunnersuummi siunertaavoq malittarisassat pillugit pitsaanerusumik ilinniartunut paasisaqartitsinissaq. Tamatuma saniatigut siunnersuutip siunertaraa ilinniartut ineqarfianut tunngasutigut pisariillisaanissaq aamma ilinniartunut iluaqtaasumik pisuussutit pigineqareersut pitsaasumik iluaqtiginissaasa qulakkeerneqarnissaa.

## **7. Kingunerisinnaasai annertuut allat**

Siunnersuut pingaarutilinnik allanik kinguneqassasoq naatsorsuutigineqanngilaq.

## **8. Oqartussaasut kattuffiillu il.il. tusarniaavigineqarnerat**

Siunnersuut piffissami 5. april 2019-imiit 10. maj 2019-imut [www.naalakkersuisut.gl](http://www.naalakkersuisut.gl) -imi Naalakkersuisut tusarniaanermi nittartagaani tusarniutigineqarsimavoq.

Tusarniaanermi atortut aamma tusarniaaffigineqartunut ukununnga toqqaannartumik nassiunneqarsimapput: Naalakkersuisut Siulittaasuata Naalakkersuisoqarfia

Aningaasaqarnermut Naalakkersuisoqarfik

Ineqarnermut Attaveqarnermullu Naalakkersuisoqarfik

Pinngortitamut, Avatangiisinut Ilisimatusarnermullu Naalakkersuisoqarfik

Peqqissutsimut Naalakkersuisoqarfik

Aalisarnermut Piniarnermut Nunalerinermullu Naalakkersuisoqarfik

Inuussutissarsiornermut Suliffeqarnermullu Naalakkersuisoqarfik

Isumaginninnermut Inatsisinillu Atuutsitsinermut Naalakkersuisoqarfik

Aatsitassanut Suliffeqarnermullu Naalakkersuisoqarfik

Sulisitsisut (GE)

SIK

Kommune Kujalleq

Kommuneqarfik Sermersooq

Qeqqata kommunia

Kommune Qeqertalik

Avannataa Kommunia

NUSUKA

IMAK

AK

Nanu Børn

Meeqqat Inuunerissut

MIPI – Meeqqat Inuuusuttuaqqallu pillugit ilisimasaqarfik

Inuit Pisinnatitaaffii pillugit Siunnersuisoqatigiit

Inuit Pisinnatitaaffiinut Institutti

Knud Rasmussenip Højskolia

Sulisartut Højskoliat

NPK

Avannaani Ilanniarnertuunngorniarfik

Qeqqani Ilanniarnertuunngorniarfik

Kalaallit Nunaanni Teknikimik Ilinniarfik (KTI)

Campus Kujalleq

INUILI

Kalaallit Nunaanni Imarsiorermik Ilinniarfik

NI-Nuuk

Peqqinnissamut Ilinniarfik

Ilisimatusarfik

Perorsaanermik Ilinniarfik

Savaatilinngorniat Ilinniarfiat

Eqqumiitsuliorermik Ilinniarfik

ILI ILI

Avalak

ASG

Siunnersuisartunik Ilinniarfik

MIO

Tusarniaanerup naammassereernerani tusarniaavigineqartunit ukuninnga akissutit tiguneqarput:

Ineqarnermut Attaveqarnermullu Naalakkersuisoqarfik, Inuit Pisinnatitaaffiinut Institutti aamma Avannaata Kommuniani Majoriaq, Sulisitsisut (GE), Naalakkersuisut Siulittaasuata Naalakkersuisoqarfia, Innarluutilinnut Illersuisoqarfik, Isumaginninnermut Inatsisinillu Atuutsitsinermut Naalakkersuisoqarfik, Meeqqat Illersuisuat aamma Kommune Kujalleq. Taakku saniatigut Ineqarnermut Attaveqarnermullu Naalakkersuisoqarfik, Inuit Pisinnatitaaffiinut Institutti aamma Avannaata Kommuniani Majoriaq allapput siunnersummut oqaaseqaateqarnatik.

Tusarniaanermut akissutit siunnersummi ataasiakkaanik allannortitsisariaqarnernik kinguneqarsimapput. Meeqqat Illersuisuannit tusarniaanermi akissut tunuliaqutaralugu siunnersummi § 33-mut nassuaatini ilassutigineqarpoq aalajangersakkamut aamma pissutaasoq inuup ajoqusersinnaanera ilinniartut ineqarfianni inissiami ilinniartullu inissiaqarfiani ajoqsiineq kisimi pineqarnani. Aammattaaq GE-p tusarniaanermi akissutaata nanginneratut kingumut kukkunersuisoqaqqissimavoq. Aammattaaq Naalakkersuisut Siulittaasuata Naalakkersuisoqarfia tusarniaanermi akissutaata malitsigisaanik siunnersummut nalinginnaasumik nassuaatini immikkoortoq siulleq titarnerlu siulleq peerneqarlutik. Kiisalu aammattaaq oqaatigineqassaaq siunnersuutip inaarsarneqarnerani

nalilerneqarsimammat pissusissamisuussasoq aalajangersakkat ilaasa allaffissornikkut aqunneqartuunissaat, taamaattumillu allannguiteqartitsisoqarluni § 10, imm. 2, aamma 3, § 19, imm. 2, § 20, imm. 2 aamma § 21-im.

	Tusarniaavigneqartoq	Nassuaatit	Ilanngullugitsuliarineqarput	Tunngavilersuineq
1	Ineqarnermut Attaveqaqatigiinnermullu Naalakkersuisoqarfik	Naalakkersuisoqarfittsiunnersuut pillugu oqaaseqaateqanngillat.	Naamik	Allannguinissamut tunngavissiinngilaq.
2	Inuit Pisinnaatitaaffiinut Institutti	Institutti oqaaseqaateqanngilaq.	Naamik	Allannguinissamut tunngavissiinngilaq.
3	GE	Sulisitsisut GE siunnersuutip imarisaanut oqaaseqaateqanngillat, kisianni uparuarlugu siunnersuut kukkunersiorlugu atuarneqartariaqartoq.	Aap	Siunnersuut kukkunersiorluni atuaqqinneqarsimavoq.
4	Naalakkersuisut Siulittaasuata Naalakkersuisoqarfia	Siunnersuutip piareersarneranut attuumassuteqanngin-nera pissutigalugu siunnersuummi nalinginnaasumik nassuaatini immikkoortoq siulleq titarnerlu siulleq peerneqartariaqarput	Aap	Nalinginnaasumik nassuaatini immikkoortoq pineqartoq oqaaseqaat naapertorlugu allanngortinneqarpoq, tassa nalinginnaasumik nassuaatini immikkoortut pingajuanni tamarmiusumi siunnersuutip tunuliaqutaanut tunngasuummat.
5	Innarluuti-llit illersuisoqarfiat	Kikkut tamarmik piginnaalersitsisumik ilinniagaqarnissamut periarfissaqarnissaasa	Naamik	Allannguinissamut tunngavissiinngilaq.

		qulakkeerusunneqarnera akuerineqarpoq taamaalilluni aamma inuit innarluutillit ikiuutinik ilinniartut ineqarfii ikkussuinissaannut periarfissaq eqqarsaatigineqarluni, tak. § 33.		
5.1	Innarluuti-llit illersuiso-qarfiat	§ 33 isumaqarnarpoq allaffissornikkut teknikkikkullu annertuumik pisariusoq. Annilaangassutigaarpus akuersisoqarnissaa pillugu qinnuteqarniarnermi allaffissorneq pisariusoq inuit innarluuteqartut qinnuteqarnissamut tunuarsimaartitsissasoq, suleriaatsip sivisunera paasiuminaanneralu pissutigalugu.	Naamik	<p>Tassani pineqarpoq ilinniartut ineqarfii pillugit nalunaarummi atuuttumi § 30-im "pisinnaanermik-aalajangersakkatut" taaneqartumik ingerlatitseqqinneaq. Tassani pineqarpoq ilinniartut ineqarfianni najugaqartoq ikuutinik il.il. ikkussuinikkut ilinniartut ineqarfianni inissiami allanguinissamut akuersisummik ilinniartut ineqarfianik aqutsisoqarfimmut qinnuteqarsinnaanerat.</p> <p>Suleriaaseq sivisusutut pisariusutullu nalilerneqanngilaq, tassa tassani taamaallaat ikkussugassat suut ikkussuuneqarusunnersut ilinniartut ineqarfianik aqutsisoqarfimmut nassuaanissaq pineqarmat.</p> <p>Aammattaaq annertunerusunik allanguineq ilinniartut</p>

				ineqarfianni inissiami aamma ilinniartut ineqarfiaita illutaanut annertuumik ajoquisiisinnaaneranut taamaalillunilu siunissami ilinniartut ineqarfianni najugaqartussanut ajoquisiisinnaaneranut innersuussisoqarluni.
5.2	Innarluuti-llit illersuiso-qarfiat	Nuunnerup kingorna inissiap aallaqqaammut isikkuatut pilerseqqinnissaanik ilinniartut ineqarfianni najugaqartup isumaginninnissaa teknikkikut sapernartutut aninggaasatigullu oqimaatsutut isikkoqarpoq.	Naamik	Tassani pineqarpoq ilinniartut ineqarfianik aqutsisoqarfik aalajangersimasumik naliliinerup kingorna ilinniartut ineqarfiani inissiamik annertunerusumik allanguisoqarnissaanut akuersisoqarnissaanut piumasaqarsinnaalluni inissiap aallaqqaammut isikkuatut pilerseqqinnejassasoq aammalu kommunalbestyrelsip akuliunneratigut ikuuitit ikkusuunneqarnerat sioqqullugu ilinniartut ineqarfiani inissiap utertinnissaanut aninggaasartuutinut qularnaveeqqusiiisoqarluni.  Kommunip akuliunnera pillugu apeqqut isumaginninnermi malittarisassatigut malittarisassaqartinnejeqar- poq.

				Pilerseqqinnejarnissaanut piumasqaat aamma utaqqisaasumik illusimatitsinerup pineqarnera, aamma ilinniartut ineqarfianni inissiap piffissap ungasinngitsup iluani ilinniartut ineqarfianni najugaqartumut nutaanut atugassanngortinnejarnis- saa, qularnanngitsumik assinganik pisariaqartitsinngitsoq, tassunga ikkussukkat akornutaasinnaaneri tunuliaqutaralugu isigineqassaaq.
5.3	Innarluuti- llit illersuiso- qarfiat	Ilinniartut ineqarfianni inissiap tulluarsarnissaanut periarfissap pigiinnarnissaa siunnersuutigineqarpoq, aallaqqaammullu isikkuanut pilerseqqinissaanut piumasqaat peerneqarluni	Naamik	Tamanna ilinniartut ineqarfiani najugaqartunut allanut ilinniartut ineqarfiani inissiamik tigusisussamut naleqquqtiisanngilaq. Aammattaaq tusarniaanermi akissummut nr. 5.1-imut aamma 5.2-mut oqaaseqaatinut innersuussisoqarpoq.
5.4	Innarluuti- llit illersuisoqar- fiat	Nutaanik sanaartornermi ilinniartut ineqarfisa ikinnerpaamik 10 %-ii inunnut innarluutilinnut atugassanngortinnejarnis- saaat inatsisitigut Naalakkersuisunit qulakkeerneqassasoq siunnersuutigineqarpoq. Taamaaliornikkut inuit innarluutillit	Naamik	Oqaaseqaatip imarisaa 100 %-imik naammassineqarsimavoq, tassa sanaartornermi malittarisassanit atuuttunit takuneqarsinnaammat nutaamik sanaartornerit imatut illut innarluutilinnit atorneqarsinnaasunngorlu- git ilusilerneqassasut.

		inooqataanermi ilanngutitinneqarnerat ilinniartutullu inuunermi peqataasinnaanerat qulakkeerneqarsinnaa- voq.		
6	Isumagin- ninnermut Inatsisinillu Atuutitsi- nermut Naalakker- suisoqarfik	Ilinniartut ineqarfiini ineqarnermut akiliutip aalajangersarnissaanut piumasaqaatit pillugit aalajangersakkaniq aalajangersaasoqarnera pitsaasuuvvoq.  Aammattaaq tulluarluni ilinniartut ineqarfianni ineqarnermut akiliut akigititatut tulluarsarnissaannut procenti malillugu iluarsineqartassasoq.	Naamik	Oqaaseqaatit siunnersuummik allanganuinissamut pissutissaqalersitsinngillat.
6.1	Isumagin- ninnermut Inatsisinillu Atuutitsi- nermut Naalakker- suisoqarfik	Ineqarnermut akiliutip naatsorsornissaanut najoqquqtaasaq erseqqissoq aalajangersarneqalerpat ilinniartut ineqarfiini ineqarnermut akiliut appasiskoq isiginiarneqassasoq kaammattuitigineqar- poq. Ineqarnermut akiliut maannakkut appasissumiittoq pisariaqartumit sivisunerusumik ilinniarnissamut ilinniartunut kajumissaarivoq. Peqatigisaanillu naleqqunnani innuttaasut allat	Naamik	Nassuaat ineqarnermut akiliutip aalajangersarnissaanut malittarisassanut, tak. § 18, atassuteqarpoq, aatsaat piffissami kingunerusukkut piviusunngortinneqartus- sat, tak. § 53. Tassanngali oqaatigineqassalluni amma ilinniartut ineqarfianni najugaqartup isertitaani pissutsit amma ilinniartut ineqarfianni inissiap qanoq ittuunera naatsorsuinermut ilaatinneqarumaarmata. Peqatigisaanik oqaatigineqassaaq ilinniartut ineqarfiat utaqqiisaasumik

		nuussanik isertitaqartut nalinginnaasumik ineqarnermut akiliummik akiliisassasut, ilinniartut akikinnerujussuarmik ineqarnermut akiliisarlutik.		illusimaffiummat. Taamaalilluni piffissani ilinniarnermik ingerlatsiviusumi ineqarnermut akiliutit pitsaasumik qaffassusillit iluaqtigineqarsinnaallutik.
6.2	Isumagin-ninermut Inatsisinillu Atuutitsi-nermut Naalakker-suisoqarfik	Ilinniartitaanermut, Kultureqarnermut Ilageeqarnermullu Naalakkersuisoqarfipiup sillimaffigisariaqarpaa assersuutigalugu ilanngaateqarnikkut sulineq akilersinnaasariaqassa- soq. Ineqarnermut akiliutit isertitanit iluarsineqartarnera taamaalilluni akissarsiaqarluni sulinnginnissamut kajumissaatitut atorneqassanngilaq.	Naamik	Nassuiaatit ineqarnermut akiliutip aalajangersarnissaanut malittarisassanut, tak. § 18, atassuteqartinneqarput, aatsaat piffissami kingunerusukkut piviusunngortinneqartus- sat, tak. § 53. Tassunga oqaatigineqassaaq ineqarnermut akiliummik akiliinerup qaffassisusia aallaaviatigut ilinniartup ilinniarnini pissutigalugu ulloq naallugu suliffeqarsinnaannginnera- nut atassuteqarmat. Ilinniartut ineqarfianni ineqarnermut akiliut assersuutigalugu ilinniagaqarnersiutinut assersunneqarnerani siunertaavoq piffissami ilinniarflusumi suliffeqarnani ilinniartut ilinniarnerminik aallussinissaanik qulakkeerinninniarpoq.
6.3	Isumagin-ninermut Inatsisinillu Atuutitsi-nermut	Ilinniartitaanermut, Kultureqarnermut Ilageeqarnermullu Naalakkersuisoqarfik § 4, imm. 1, nr. 4-mut immikkut	Naamik	Aalajangersagaq immikkut akuersinissamut malittarisassamik imaqarpoq, taamaattoqartillugu ilinniagaqartoq ilinniartut

	Naalakker-suisoqarfik	akuersinissamut periarfissamik ikkussisariaqarpoq, ilinniagaqartoq allatigut inissiamik qulakteerinnissatillugu siusissukkut akiitsoqalinnginnissaq siunertaralugu.		ineqarfianik aqutsisoqarfimmi akiliisarnissamik isumaqtigiissuteqassallu-ni taannalu eqquutsissallugu. Tamatuma saniatigut aalajangersagaq annertuumik akiligassatigut kinguaattoorfiusunik ajornartorsiutinut taaneqartunut siunnersuummi nassuaatit tunuliaqutaralugit isigineqassaaq.
6.4	Isumagin-ninnermut Inatsisinillu Atuutitsi-nermut Naalakker-suisoqarfik	Siunnersuummi §§ 14-ip, 15-ip aamma 18-ip aamma taakku naapertorlugit malittarisassat atulersinneqartut piffissami atuutilerfissaannut tunngasunik ikaarsaarnermi aaqqissuussisoqarnissaa siunniunneqarnera akuerineqarpoq, tak. § 53.	Naamik	Oqaaseqaatit siunnersuummik allannguinissamut pissutissaqalersitsinngillat.
6.5	Isumagin-ninnermut Inatsisinillu Atuutitsi-nermut Naalakker-suisoqarfik	Ineqarnermut akiliutip aalajangersarnissaanut piumasqaatit nutaat malitsigisaatut ilinniartut ineqarfianik inissiani ineqarnermut akiliutit qaffasinnerunerisa kingunerisinnavaa ineqarnermut tapiissutinut aninggaasartuutit	Naamik	Taanna apeqqut aatsaat §§ 15-ip aamma 16-ip atulersinneranut atatillugu isummerfigineqartussaas-saaq.  Tassunga oqaatigineqassaaq ineqarnermut tapiissutit pillugit malittarisassat ineqarnermut akiliutip iluarsineqarneranut

	<p>qaffasinnerulerneri. Inatsisissatut siunnersuummut nalinginnaasutut nassuaatinut taanna ilanngunneqassaaq. Tamatuma saniatigut inatsisissatut siunnersuutip kingunerisinnaallugu ineqarnermut tapiissutit pillugit inatsisini allanguisoqarsinnaa- voq, tamannalu aamma nalinginnaasumik nassuaatinuit takuneqarsinnaasaria- qarluni.</p>		<p>ilaatinneqassanersut siunnersuummi isummertoqanngimmat.</p> <p>Nalinginnaasumik nassuaatinuit takuneqarsinnaavoq aalajangersakkat taaneqartut immikkoortuni allani suliniutit eqqaanartut pissutigalugit kingusinnerusukkut aatsaat piviusunngortinneqarumaa rtut. Tamanna isumaqarpoq malittarisassat piviusunngortinnneri, tassunga ilanngullugu aalajangersimasunik malittarisassaqartitsineq, suliniutinut eqqaanartunut taakkununnga naleqqiullugu ataqatigiissitsinissaq utaqqineqartariaqartoq.</p> <p>Peqatigisaanillu nassuaatinuit aamma takuneqarsinnaalluni taamatut malittarisassaliorneq suliniutitut immikkoortutut isigineqassasoq siunnersuummut matumunnga ilaanani tamannalu Namminersorlutik Oqartussat inissiaataasa kommuninut tunniunneqarnissaannik pilersaarusrornermut atatillugu immikkut</p>
--	--	--	---

				sammineqarnissaa naatsorsuutigineqassalluni.
6.6.	Isumagin-ninnermut Inatsisinillu Atuutitsi-nermut Naalakker-suisoqarfik	Aammattaaq nassuaatini nalinginnaasuni ilinniartut ineqarfiit pillugit inatsisip taassuma nutaap aamma ineqarnermut tapiissutit pillugit inatsisip akornanni ataqatigiittoqarnera pillugu immikkoortoq annikitsoq ilanngunneqarluni.	Naamik	6.5-imi nassuaatinut oqaaseqaatinut qulaaniittunut innersuussisoqarpoq.
6.7	Isumagin-ninnermut Inatsisinillu Atuutitsi-nermut Naalakker-suisoqarfik	Tamatuma saniatigut inatsisisatut siunnersuutip kingunerisaatut ineqarnermut tapiissutit pillugit inatsisini allanguuteqartoqassalluni, tamanna aamma nassuaatini nalinginnaasuni takuneqarsinnaasaria- qarluni.	Naamik	6.5-imi nassuaatinut oqaaseqaatinut qulaaniittunut innersuussisoqarpoq.
7	Meeqqat Illersuisuat	Inunnut ataasiakkaanut inuaqatigiinnullu tamarmiusunut iluaquatasussamik piginnaasaqalersitsismik ilinniarnissamut qulakkeerininniarner- mut atatillugu Nunatsinni ilinniartut ineqarfiinut tunngasut aalajangiisuunerannik nassuerutiginninneq aallaavigalugu siunnersuusiorqarnera Meeqqat Illersuisuata	Naamik	Siunnersummik allanguinissamut tunngavissiinngilaq.

		naammagisimaarinninni oqaatigaa.		
7.1	Meeqqat Illersuisuat	18-it inorlugit ukiullit ilinniartut qanoq siunnersuummut ilaatinneqarpat?	Naamik	18-it inorlugit ukiullit ilinniagaqartut ilinniartut 18-it sinnerlugit ukiullit assigalugit assigiinnik pisinnaatitaaffeqarput. Innersuussinissamut tulleriaarinissamullu piumasqaatinik aalajangersaaneq pillugu siunnersummi § 7-imut allatigut nassuaatinit takuneqarsinnaavoq ilinniartunut immikkoortunut aalajangersimasunut, tassunga ilanngullugit ilinniagaqartut 18-it inorlugit ukiullit, ilinniartut ineqarfiini inissianik aalajangersimasunik tunineqarnissaannut aalajangersagaq atorneqarsinnaasoq. Tamanna assersuutigalugu tassaasinnaavoq ilinniartut ineqarfiini inissiat immikkut nakkutigineqartut.
7.2	Meeqqat Illersuisuat	§ 16-imi tassungalu nassuaammi inoquitiiglii marlunnik pilersuisoqarnera taamaattussatut tiguneqarsinnaanera aarlerinarsinnaavoq.	Naamik	Ataatsimit amerlanerusunik pilersuisoqarnera pillugu aalajangersakkami naatsorsuutigineqanngilaq. Imm. 1-imi nr. 3 "tassunga ilanngullugu inoqatigiinni isertitatigut pissutsit" taamaattumik imatut

				paasineqassanngilaq aalajangersakkamik pilersuisut arlallit tunngavigineqartut.
7.3.	Meeqqat Illersuisuat	Ilinniartut ineqarfianni najugaqartup inoqutit ilagisaasa amerlassusaat akiliunneqarluni angalanissamut pisinnaatitaanermut qanoq ataqatigiinnera siunnersummi § 19-im nassuaatiniluunniit erseqqisumik allaaserineqarsimannigilaq.	Naamik	Siunnersummi § 19-im ilinniagaqarnersiutit pillugit malittarisassanut innersuussisoqarpoq. § 19- imut nassuaatinit takuneqarsinnaavoq tamanna pillugu malittarisassat erseqqinnerusut ilinniagaqarnersiutit pillugit Namminersorlutik Oqartussat nalunaarutaat nr. 9, 19. juli 2017- imeersumit takuneqarsinnaasut. Aalajangersakkamut aalajangersimasumut naleqqiullugu nalunaarummi § 37-mut innersuussisoqassaaq, tassani meeqqanut aappaasunullu imaluunniit inoqataasunut akiliunneqarluni angalanerit pillugit malittarisassat erseqqissut aalajangersarneqarlutik.
7.4	Meeqqat Illersuisuat	Siunnersummi § 33- mut nassuaatit aalajangersagaq aamma inuup ajoquusersinnaaneranik pissuteqarnera pillugu ilassummik imaqartariaqarpoq ilinniartut ineqarfianni inissiami aamma ilinniartut ineqarfiata	Aap	Oqaaseqaat ilanngunneqarpoq, tassa aalajangersagaq aamma inuup ajoquusersinnaaneranut atatillugu isagineqassamat.

		illutaata ajoquserneqarnissaat kisimi pineqarnani.		
7.5	Meeqqat Illersuisuat	Siunnersuummi § 40- mut naleqqiullugu meerartaarnermut atatillugu sulinngiffeqarallarnerup nalaani naartusumut suut atugassaasut aaqqiinerit allat suuneri pillugit paasissutissiisoqarnis- saanik ujartuisoqarpoq.	Naamik	Tassunga oqaatigineqassaaq ilinniartut ineqarfiani inissiat ilinniartunut avataaneersunut atugassanngortinnejarma- ta. Ilinniagaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-imeersumi § 38- mit takuneqarsinnaavoq ilinniagaqartoq naartunermut atatillugu sulinngiffeqarallassappat illoqarfisami naartunermut inatsisip ingerlanneqarnissaa siunertaralugu illoqarfisaaanut akiliunneqarluni angalanissaa akuersissutigineqassasoq. Tamatuma saniatigut aalajangersakkamit takuneqarsinnaavoq naartunermut atatillugu sulinngiffeqarallarnerup naanerata kingorna illoqarfimmut ilinniarfiusumut utimut ilinniartoq aamma angalatinneqassasoq.
7.6	Meeqqat illersuisuat	Meeqqat Illersuisuat siunnersuummut tapersersuivoq.	Naamik	Oqaaseqaat siunnersummik allannguinissamut pissutissaqalersitsinngilaq.
8	Kommune Kujalleq	Malittarisassanut atuuttunut tunngatillugu	Naamik	Tassunga oqaatigineqassaaq

	<p>siunnersuummi nassuaatinut nalinginnaasunut naleqqiullugu, tak. ilinniartut ineqarfii pillugit Namminersornerullutik Oqartussat nalunaarutaat nr. 18, 1. november 2007- imeersoq, ilinniartut ineqarfiiinut tunngasuni malittarisassanik aalajangersaanissamut attartorneq pillugu peqquusummi tunngavissaqartoq kommunimit qularutigineqarpoq. Nalunaarut atuuttoq taamaattumik Namminersorlutik Oqartussat ilinniartut ineqarfiiinik piginnittuunerisa malitsigisaanik inissiinermik isiginninnertut taamaallaat tunngaviusinnaapput.</p>	<p>Inatsisartut inissianik attartorneq pillugu inatsisartut peqqussutaanni nr. 2, 12. maj 2005- imeersumi imm. 1, nr. 3 naapertorlugu § 3, imm. 3- mi UPA 2005-imi piginnatitsinermik aalajangersakkamik aalajangersaammata. Aalajangersakkamit takuneqarsinnaavoq Naalakkersuisut Kalaallit Nunaanni Kommunit Kattuffiat isumasioreerlugu malittarisassanik erseqqinnerusunik aalajangersaasinnaasut, tassunga ilanngullugu ilinniarnermut atasumik Namminersornerullutik Oqartussani aamma kommunit ilinniartunut atugassanngortinneqartu- nut inissianut tunngasut piumasqaatit naammassisassallu.</p> <p>Aalajangersagaq UPA 2015-imi attartorneq pillugu peqqussutip aappassaaneerneqarnera- nut atatillugu allannguutissatut siunnersuutikkut ikkunneqarpoq. Tassunga atatillugu allannguutissatut siunnersuummut nassuaatinut atatillugu tamatuma kingunerissagaa "Naalakkersuisut Kalaallit</p>
--	--	---

				Nunaanni Kommunit Kattuffiat isumasiooreerlugu inissiat pillugit malittarisassanik aalajangersaasinjaasut, tassunga ilanngullugu ilinniarnermut atasumik ilinniartunut atugassanngortinnejartuni ilinniartut ineqarfii ineeqqat inissiallu. Naalakkersuisut ilaatigut inissianik taamatut ittunik innersuussineq, attartortitsineq, attartornermi iluarsiisoqarnissaanik kalerriinissaq, iluarsaassinerit, attartorneqartunik atuineq, attartorneq, taamaatitsineq, atorunnaarsitsineq, nuunneq, qularnaveeqqusiiermik akiliineq, innaallagiaq, imeq kiassarnerlu il.il. pillugit malittarisassanik aalajangersaasinjaallutik". Taamaattumik ilinniartut ineqarfii pillugit nalunaarummut atuuttumut tunngaviusoq piginnaatitsineq pillugu qularutissaqanngilaq.
8.1.	Kommune Kujalleq	Kommuni isumaqanngilaq attartorneq pillugu peqqusummik tunngaveqarluni kommunit ilinniartut ineqarfii inissiat pillugit nalunaarummi	Naamik	Tusarniaanermi akissummut nr. 8-mut qulaani oqaaseqaammut allanneqartumut innersuussisoqarpoq. Aammattaaq oqaatigineqassalluni kommunit pigisaat

		malittarisassanik aalajangersaasoqarsinna asoq tamannalu aamma inissiisarnermik isiginninnermi tunngaveqarsinnaanngit soq.		ilinniartut ineqarfii pillugit malittarisassanik aalajangersaasoqanngim- mat. Ilinniartut ineqarfii pillugit nalunaarummi atuuttumi Namminersorlutik Oqartussat pigisaat ilinniartut ineqarfii kisiisami malittarisassaliorfigineqass asut taamanikkut Naalakkersuisuusimasut aalajangersimapput. Tamanna pivoq tamanna pillugu taamanikkut KANUKOKAp aperinerani akissuteqarmat nalunaarummut ilaanissaq tulluartutut isigineqanngitsoq.
8.2	Kommune Kujalleq	Ilinniartut ineqarfiiinut tunngasuni inatsisitigut iluarsisoqarniarluni Naalakkersuisut suliniuteqarnerat kommunimit tikilluaqquneqarpoq.	Naamik	Oqaaseqaat siunnersuummik allanganuinissamut pissutissaqalersitsinngilaq.
8.3	Kommune Kujalleq	Inatsisip taamaallaat Namminersorlutik Oqartussat pigisaat ilinniartut ineqarfiiinik malittarisassaliornera kommunimit naammagisimaarneqar- poq.	Naamik	Oqaaseqaat siunnersuummik allanganuinissamut pissutissaqalersitsinngilaq.
8.4	Kommune Kujalleq	Kommunimit siunnersuutigineqaru- suppoq Namminersorlutik Oqartussat pigisaat ilinniartut ineqarfiiin	Naamik	Siunnersuummit takuneqarsinnaavoq ilinniartut ineqarfiiin piginnaasat taamaallaat ilinniagaqartunit atorneqassasut. Tamatuma

		sinneqartut pigineqarsinnaasut kommuninut atugassanngortinneqar- qarsinnaassasut.		saniatigut siunnersuummi § 1, imm. 3-mit takuneqarsinnaavoq immikkorluinnaq pisoqartillugu, tassunga ilanngullugu inooqatigiinnikkut pissutsit pingaartumik eqqarsaatigalugit, aamma inissaqartitsinikkut tamanna akueringeqarsinnaappat, avataaneersuunngitsumik piffissamut killeqartumut ilinniartut ineqarfii utaqqiisaasumik ineqartinneqarsinnaasoq. Tamatuma assingaa immikkorluinnaq pisoqartillugu illoqarfimmi ilinniarfeqarfiusumi nunaqavissut ilinniartut illusimatinneqarsinnaasut.
8.5	Kommune Kujalleq	Kommuni isumaqanngilaq § 3 ingerlateqqinneqartaria- qartoq. Kommunit pigisaannik ilinniartut ineqarfii pillugit nalunaarutikkut malittarisassaliortoqar- sinnaaneranut aalajangersagaq ammaassivoq tamannalu kommunip tungaaniit noqqaasoqarnani pisinnaanera kommunip tunngaviatigut eqqarsarnartuutillugu. Kommunit pigisaannik ilinniartut ineqarfii	Naamik	Piginnaatisinermut aalajangersagaq atuuttoq, ulloq 1. juli 2005-imi atulersinneqartoq taamaaqataanik imaqartoq ukiunit 14-imi aalajangersakkat atuussimaneranit atorneqarsimanngilaq. Aamma aalajangersakkap oqaasertaanit takuneqarsinnaavoq aalajangersakkap atorneqarnissaanut tunngaviusoq kommunit ilanngutinneqarnissaat.

		pillugit malittarisassat kommunit ilanngutitinnerannik tunngaveqartunissaa nassuaatinit takuneqarsinnaagaluar- toq kommuniniit noqqaasoqarneratigut aalajangersakkap taamaallaat atorneqarsinnaaneranut tamanna qularnaveeqquisiinertut kommunimit isigineqanngilaq.		
8.6	Kommune Kujalleq	§ 3-mut nassuaatini "Namminersorlutik Oqartussat ilinniartunut inissiaataat pillugit malittarisassatut annertutigisumik kommunini ilinniartunut ineqarfiiit malittarisassaqaqtinneqa ssasut" allanneqarnera kommunimit isumaqatigineqanngilaq. Taamaattumik siunnersuutigineqarpoq aalajangersagaq peerneqassasoq imaluunniit oqaasertai allangortinneqarlutik, taamaalluni kommunini ilinniartunut ineqarfinnik qitiusumiit malittarisassaqaqtitsineq kommunit noqqaanerisigut taamaallaat pisinnaassasoq aamma inatsit	Naamik	§ 3-mi erseqqissumik malittarisassaliorstinnaa- nermut ilaatinneqanngilaq Inatsisartut Naalakkersuisunut piginnaatitsisinnaaneran- nut naleqqiullugu nalornissuteqarnissaq. Tassunga ilanngutissaq nalunaarutikkut immikkut malittarisassaliorneq kommuni pissutsit pissutaasinnaasut ataasiakkaat eqqarsaatigisassat atorlugit ilusilersorneqarsinnaassa- soq.

		annertusineqarluni kommunini ilinniartut ineqarfíni inissiat tamakkiisumik ilaannakuusumilluunniit ilaatinneqalerlutik.		
8.7	Kommune Kujalleq	<p>§ 5-ip § 40-mut assersuunneranut naleqqiullugu kommuni isumaqarpoq sulisunut inissiamut pisinnaatitaaffiup aamma ilinniagaqarneq aqputigalugu inissiamut pisinnaatitaaffiup akornanni ataqatigiissitsineq eqqarsarnartuuusoq, tassa kikkut inissiamut innersuussinissamut pisussaaffeqarnerat pillugu sulisitsisut aamma ilinniartut ineqarfínut innersuussisartut oqartussat akornanni tulluanngitsumik oqallinnermik kinguneqarsinnaammat.</p> <p>Pisumi tassani inissiaq qanoq kissaatiginerlugu atorfeqartup ilinniagaqartullu nammineq toqqarsinnaasariaqar- paat. Tamatuma saniatigut sulisunut inissianut utaqqisoqarnerata malitsigisaanik atorfeqartup</p>	Naamik	<p>Oqaaseqaat siunnersuummi pingaarnertut immikkoortut arlaannut naleqqiullugu paatsoorermik tunngaveqarunarpoq.</p> <p>Taamaalilluni siunnersuummi pingaaruteqarluinnartuu- voq illusimaffissamik pisariaqarttsisoqarnissaa.</p> <p>Taamaalilluni inissiamut allamut periarfissaqaraanni, tassunga ilanngullugu assersuutigalugu sulisunut inissiaq, taamaaqataanik pitsaasumik inisisimanngitsumut ilinniartumut allamut ilinniartut ineqarfiani inissiamik pisinnaatitaaffik nuunneqassaaq.</p> <p>Inuaqatigiit taamaalillutik ilinniartut ineqarfiani inissiamik amigaateqarneq pissutigalugu ilinniartut ilinniarnerminnik unitsitsiinnarnissaannut akissaqanngillat, ilinniartut allat sulisunut inissiamut periarfissaqartut sulisunut</p>

		utaqqiisaasumik illusimatinneqarnerani pissutsinut aalajangersakkami sillimasoqarunarnani.		inissiamut taarsiullugu iliniartup periarfissaanut ilinniartut ineqarfiani inissiamik najugaqarnissaq suli toqqarusemmassuk.
8.8	Kommune Kujalleq	§ 8, imm. 3-mut naleqqiullugu tamanna pillugu tamakkiisumik ilaannakuusumilluunniit Naalakkersuisut allakkatigut isumaqatigiissuteqarnik kut ilinniartut ineqarfii pillugit aqtsinermik ilaatigut kommunalbestyrelsirut isumagisassangortinne qarsinnaaneranut naleqqiullugu kommunimit tunngavigineqarpoq kommunit pineqartut taamaattoqartillugu suliaq pillugu ningaasatigut taarsiiffigineqassasut.	Naamik	Aalajangersakkamit takuneqarsinnaavoq tamanna taamaallaat pisinnaasoq tamanna pillugu allakkatigut isumaqatigiissuteqarnik- kut, apeqquit attuumassuteqartut tamarmik, tassunga ilanngullugu ningaasaqarnermi pissutsit, ilaatinneqarnissaat tunngavigineqarluni.
8.9	Kommune Kujalleq	Inunnut innarluutilinnut ikiorsiisarneq pillugu inatsisisatut siunnersummut, maannakkut Inatsisartut suliarisaannut naleqqiullugu § 33 ersernerluttoq kommuni isumaqarpoq. Inatsisisatut siunnersuut taanna ilaatigut § 45-mik imaqarpoq, taanna naapertorlugu ikiorsiinerit suut kommunalbestyrelsinit	Naamik	Siunnersuut § 33-mi taamaallaat pineqarpoq ilinniartut ineqarfianut tunngasut taassumalu kingunerisaanik ilinniartut ineqarfiani najugaqartoq, immikkut atortunik pisariaqartitsisoq, tamanna pillugu ilinniartut ineqarfianik aqutsisoqarfimmiit siumoortumik akuersissummit pissarsereernermigut tamakkuninnga ikkussuisinnaatitaavoq.

		<p>neqeroorutigineqassangersut imaluunniit neqeroorutigineqarsinnanersut pillugit Naalakkersuisut malittarisassanik erseqqinnerusunik aalajangersaasinnaallutik, tak.</p> <p>aalajangersakkami nr. 5.</p>		<p>Inatsisissatut siunnersuummi tassani § 45-mi nassuaatini innersuussiffigineqartumi pineqarpoq piginnaatitsinissamut aalajangersagaq, taanna malillugu ikorsiinerit suut kommunalbestyrelsinit ikorsiissutigineqarnissaat pillugu nalunaarutikkut Naalakkersuisut aalajangersakkanik erseqqinnerusunik aalajangersaasinnaallutik. § 45-p siunnersuummi § 33-mut naleqqiullugu attuumassuteqarsinnaanera inatsisissatut siunnersuummi § 45-p atorneqarnissaat pillugu aalajangiisoqartinnagu qulaajarneqarsinnaanngilaq.</p>
9	Aningaasa-qarnermut Naalakker-suisoqarfik	Siunnersummut oqaaseqaateqanngilaq.	Naamik	Siunnersummik allannguinissamut tunngavissiiningilaq.
10	SIK	<p>Nalunngilarput tamanna pillugu periarfissat marluinnaasut, tassalu init mikinerit kisurmaanit atorneqartussat 850 kronillit, kiisalu init anginerit ilaqtariinnut atugassiat kisermat akiliutaasa marloriaataannik akeqarput. Init ilaat qimaannnarneqarsima-</p>	Naamik	<p>Tamatumunnga oqaatigineqaannaassaaq siunner-suutip siunnerfigerpiarmagu atugassarititaasunik siamasinnerusunik nali-lersuisarnermi tunngavilinnik allaaveqarnissaq ineqarnermut akiliummik aalajangersaasarnermi. Tamatumunnga atatillugu siunnersuummi § 16, imm. 1-imut innersuussisoqas-saaq, tassani nalunaarne-</p>

		sarput qalipanneqaratik, ilaallu allatigut aserfallatsaaliugaasimas aratik, ilaat mikisuararsuupput ilaallu anginerungaarlutik.		qarmat pissutsit suut isiginiarneqartussaaneri, ineqarnermut akiliummik aalajangersaasarnermi.
10.1	SIK	Kapitali 8 § 27 ineqartup akisussaaffi ersarissut ineqarfinni tamani ineqartunit tamanit takuneqarsinnaanngorlugit ersarissumik allassimanissaat inassutigaarput. Tamakkua aalajangersakkat malinneqarnerinik nakkutilliususatut kapitali 4-mi allaqqasut, tassalu ineqartut siunnersuisoqatigiivisa saaffigisarsinnaasaat allattoqarfimmi akisussaasut aamma allassimanissaat inassutigaarput.	Naamik	§ 27-p nalunaarpaa ilinniartut ineqarfianni najuqartup ilinniartut ineqarfiat inigisani isumannaatusmik isumagisarissagaa, taarsiissuteqartussatullu akisussaasuulluni mianersuaalliorikkut ajoqusikanut, nammineq imaluunniit inoqutimi ilaasa allat ilinniartut ineqarfiannut isersinnaatissimasami piliaannut. Taamaasilluni taamaallaat pineqarpoq ileqqorissaarnissamut allassimaffik, taarsiissuteqartussaatitaanermut aksussaassuseq taarsiissuteqartarnermut malittarisassani nalinginnaasuni allassimammata. Taamaasillunilu ineqartut siunnersuisoqatigiivi taakkuungillat malittarisassat malinneqarnissaannut akisussaasuunngillat.

### Inatsisissatut siunnersuummi aalajangersakkanut ataasiakkaanut nassuaatit

### *§ 1-imut*

#### Imm. 1-imut

Aalajangersakkami Inatsisartut inatsisaata atuuffia aalajangersarpaa. Tamanna isumaqarpoq siunnersummi aalajangersakkat alla aalajangersagaq naapertorlugu nassuiardeqassasut.

Aalajangersagaq ilinniartut ineqarfii pillugit nalunaarummi atuuttumi § 1-ip aamma § 2, imm. 1-ip aamma 2-p ataatsimuelersillugit allanneqarpoq.

Aalajangersakkami Inatsisartut inatsisaanni pingarnertut salliuinneqartut allanneqarput, tak. nassuaatini nalinginnaasuni Namminersorlutik Oqartussat aamma kommunit akornanni suliassat agguataarnerinut tunngasut.

Aalajangersakkamit takuneqarsinnaavoq utaqqiisaasumik attartorneq pineqartoq, tamannalu ilinniarnerup ingerlanera, piffissami ilimagisami naammassineqartussaq tunngavigalugu ilinniartut ineqarfianni inissiap taamaallaat akuerineqarneranut atatillugu isigineqassaaq. Peqatigisaanik tamanna aamma assingaa ilinniarnerup naammassineqarnerani imaluunniit unitsinneqarnerani ilinniartup ilinniartut ineqarfianni inissiaq qimassagaa taamaalillunilu iliniartoq nutaaq inissaqalersillugu.

Aammattaaq aalajangersakkamit paasineqarsinnaalluni nalinginnaasumik attartornermik inatsimmut naleqqiullugu nalinginnaasumik attartornermi pissutsit pineqanngitsut.

#### Imm. 2-mut

Aalajangersakkami Inatsisartut inatsisaanni siunnerfigineqartut nassuiardeqarput. Tassunga atatillugu pineqarpoq ilinniartut ineqarfii pillugit nalunaarummi atuuttumi § 2, imm. 4-mik malittarisassap taamaaqataanik ingerlatitseqqinneq.

Aammattaaq maluginiarneqassaaq aalajangersakkamik atuuttumik nassuaat tassaasimasoq ilinniartut avataaneersut ilinniartitaanermi ilinniartitaanermut toqqaannartumik nuunnerinut atatillugu nunaqavissutut isigineqassanngitsut. Tamatuma assingaa ilinniartoq avataaneersoq, assersuutigalugu ilinnialernissamut piareersarfiusumik ilinniarnermik naammassisqarnissaq siunertalarugu illoqarfimmi ilinniarfeqarfiusumi ilinniartut ineqarfianni inissiamik initaartinneqartoq ilinniartitaanerup naammassineqarnerata kinguninngua illoqarfimmi tessani batcheloritut ilinniarnermik nangitsisoq ikaarsaarnermi nunaqavissutut isigineqassanngitsoq. Tamanna taamaalilluni atuutissaaq ilinniartoq iliniarnissamut piareersaataasumik ilinniarnerup nalaani illoqarfimmi ilinniarfeqarfiusumi inuit nalunaarsorsimaffian ni allanneqarsimasumik najugaqarsimagaluartoq assersuutigalugu ukiuni pingasuni. Nassuaammut tessunga naleqqiullugu allannguinissaq aalajangersakkami siunertaanngilaq.

#### Imm. 3-mut

Aalajangersagaq ilinniartut ineqarfii pillugit nalunaarummi atuuttumi § 2, imm. 3-mut naapertuuppoq. Tassani pineqarpoq ilinniartut ineqarfianni inissiamik pissarsisinnaanermut amerlanertigut avataaneertussaanermut naleqqiullugu ilaatisinnginnermut aalajangersagaq. Aalajangersakkamit takuneqarsinnaavoq taassuma atorneqarnissaanut pinngitsoorani naammassineqartussat marluk naammassineqarnissaannik tunngaveqartoq. Ilinniartut ineqarfianni pineqartut inissaqartitsisoqassaaq peqatigisaanillu ilinniartoq assersuutigalugu inooqatigiinnikkut pisoqarsimanagerik uppernarsaassalluni. Tassani assersuutigalugu pineqarsinnaavoq tassanngaannartumik inissaarussimaneq ilaqtariit avinnerisa malitsigisaannik imaluunniit pissutsit immikkoorluinnartuusut pissutigalugit ilinniartup sunniuteqarfigisinnaanngisai. Peqatigisaanik maluginiarneqassaaq aalajangersagaq taamaallaat utaqqiisaasumik atorneqarsinnaammat aamma piffissamillu apeqqut tassunga atillugu aalajangersimasumik naliliiffigineqassalluni. Tamatuma assingaa piffissaq killeqartoq sipporneqassanngitsoq.

#### *§ 2-mut*

Aalajangersagaq nutaajuvoq aamma ilinniartut ineqarfianni inissiaq taamaallaat ilinniartumut ukiut ataasiakkaarlugit atugassanngortinnejartnera pillugu ilinniartut ineqarfiinut nalunaarummi § 2, imm. 1-imu malittarisassamut taarsiunneqarluni.

Aalajangersakkami aamma allanneqarpoq ilinniartut ineqarfinni inissiap aalajangersimasuunngitsumik iluseqartinnera allanneqarpoq piffissami tamarmiusumut ilinniartut ineqarfianni inissiamik aalajangersimasumik initaartinneqarnissamut pisinnaatitaaneq pillugu ilimagisaqarnissamik pilersitsinngitsoornissaq siunertaralugu.

Peqatigisaanik aalajangersakkamit takuneqarsinnaavoq assersuutigalugu ilinniartitaanermi tapiiiffigineqartussatitaasumi ilinniarnermik ingerlataqarnissamik naammassisaqarnikkut tamanna pillugu pinngitsoorani naammassineqartussat allat naammassineqarsimatillugit ilinniartut ineqarfianni inissiamik taamaallaat initaartitsisoqarsinnaasoq, tak. kapitali 2-mi tamanna pillugu pinngitsoorani naammassineqartussat.

#### *§ 3-mut*

Tassani pineqarpoq piginnaatitsinermik aalajangersagaq annertuutigut inissianik attartorneq pillugu inatsisartut peqqussutaanni nr., 12. maj 2005-imeersumi § 3, imm. 3-mi atuuttumut naapertuuttoq. Aalajangersagaq atuuttoq atorneqarsimanagerik, tak. siunnersuummi nalinginnaasumik nassuaatini kommunini ilinniartut ineqarfiisigut malittarisassaliornerit pillugit allatat.

Aalajangersakkap atulersinneqarnissaa pillugu maannakkut pilersaaruteqanngilaq, tassani lu kommunalbestyrelsit ilangnititinnissaannik tunngaveqassalluni. Kommunalbestyrelsit manna tikillugu taamatut malittarisassaqartitsinissamik kissaateqarlutik nalunaaruteqarsimannngillat.

Piginnaatitsinerup atorneqarnerani Inatsisartut inatsisaata atuuffia aamma kommunit ilinniartunut ineqarfiaat ilaatilerlugit annertusineqartussaassaaq. Allatut oqaatigalugu siunnersummi Namminersorlutik Oqartussat ilinniartunut inissiaataat pillugit malittarisassatut annertutigisumik kommunini ilinniartunut ineqarfiiit malittarisassaqartinneqassallutik.

#### *§ 4-mut*

##### **Imm. 1-imut**

Aalajangersakkami pinngitsoorani naammassineqartussat sisamat aalajangersarneqarput, ilinniartut ineqarfiaanni inissiamut eqqarsaatigineqarnissamut naammassineqartussat.

Aalajangersagaq nutaajugaluartoq ullumikkut atuuttunik pinngitsoorani naammassineqartussanik ingerlatitseqqinneaq pineqarpoq, tamannalu ilinniartut ineqarfii pillugit nalunaarummi atuuttumi ilinniartut ineqarfiaut nalunaarummi ilinniagaqarnersiutit pillugit malittarisassanut innersuussisoqarluni. Siunnersummi § 4, imm. 1-imi inatsisinut allanut innersuussisoqarpoq, tassa aalajangersagaq tunngavinni immikkoortuni pinngitsoorani naammassineqartussanik aalajangersaasoqarmat.

##### **Nr. 1-imut**

Aalajangersakkami imm. 1, nr. 1 taamaalilluni ilinniagaqarnersiutit pillugit Inatsisartut inatsisaanni nr. 12, 22. november 2011-meersumi § 2, imm. 1, nr. 1-imut naapertuuppoq. Tassani pineqarpoq atassuteqarnermut piumasaqaatitut taaneqartut. Nunani tamalaani isumaqatigiissutit pillugit apeqqummut naleqqiullugu nunani tamalaani isumaqatigiissutip Danmarkimut sunniuteqarnera naammassanngilaq, tassa pingaaruinnartumík isumaqatigiissutip Kalaallit Nunaannut sunniuteqarnissaa.

##### **Nr. 2-mut**

Aalajangersakkami nr. 2 ilinniagaqarnersiutit pillugit inatsimmi § 3, imm. 1-imut naapertuuppoq, tessani takuneqarsinnaalluni Kalaallit Nunaanni ilinniartitaanermut ilinniagaqarnersiutinut ilaatigut tunngaviummat Kalaallit Nunaanni aalajangersimasumik najugaqarnissaq. Taamaaqataanik ilinniartut ineqarfiaanni inissiamut naleqqiullugu taamaalilluni aalajangersagaq atuulluni.

Ilinniartoq taamaalilluni inuit nalunaarsorsimanerat pillugu inatsimmi malittarisassat malillugit uppermarsarsinnaassavaa pineqartoq Kalaallit Nunaanni najugaqarluni. Tamatuma kingunerisaatut ilinniartoq Kalaallit Nunaanni najukkamini aalajangersimasumiinngippat ilinniartut ineqarfiaanni inissiamut pisinnaatitaaneq atorunnaassaaq.

### Nr. 3-mut

Aalajangersagaq nr. 3 ilinniagaqarnersiutit pillugit Inatsisartut inatsisaanni § 2, imm. 1, nr. 2-mut tamarmiusumik naapertuuppoq. Aalajangersagaq tunngaviusumik pinngitsoorani naammassisassanik pingasunik imaqarpoq tassaasut ilinniartitaanermi tiguneqarsimanissamut piumasaqaat, ilinniartitaanerup Naalakkersuisunit ilinniagaqarnersiuteqarfiusinnaasutut akuerineqarsimanissa peqatigisaanillu ilinniarnermik ingerlataqartuunissaq.

Soorlu aamma ilinniagaqarnersiutinik tigusaqartarnissamut tunngaviusoq ilinniartup ilinniarnermik ingerlataqartuunissa, ilinniartoq aamma ilinniartut ineqarfianni inissiamut pisinnaatitaanissamut pisussaaffiullu atatiinnarnissaanut ilinniarnermik ingerlataqartuussaaq. Ilinniarnermik ingerlataqartuunissamut piumasaqaat allatigut aamma ilinniartut ineqarfianut nalunaarummi atuuttumi § 3, imm. 1-imit takuneqarsinnaavoq. Taamaalluni paasineqassalluni ilinniarneq illorsorneqarsinnaasumik ingerlanneqartoq, tassunga ilanngullugu ilinniartoq misilitsinnernut soraarummeernernullu tamanut peqataasartoq, suliassani tunniutarlutit kiisalu takkunnissaq pillugu malittarisassanik eqqortitsisarluni.

Ilinniarnermik ingerlataqartuunissamut piumasaqaammik malinninnginnerup inatsisitigut sunniutaa tassaavoq ilinniartut ineqarfianni inissiamut pisinnaatitaanerup annaaneqarnera. Ilinniagaqarnersiutinut akuersissuteqarnermut naleqqiullugu soorlu taamaattoqartoq inuiaqatigiit iliniartut ineqarfianni inissiami iluaqutaasumik inissiatigut initaartitsinissamut tunngaviusoq ilinniartup illuatigut ilinniarnermik ingerlataqartuunini upternarsarsinnaassagaa tamatumalu inerneratut ilinniarnermini ilaatigut siumut ingerlalluni.

Taamaaqataanik ilinniartitaanerup tapiiffigineqartuunissa pillugu apeqqummut naleqqiullugu atuulluni. Soorlu ilinniagaqarnersiutinik pisartagaqarnissamut tunngaviusumik pinngitsoorani naammassineqartussaasoq ilinniartitaaneq tapiiffigineqarsinnaasoq pineqartoq, ilinniartut ineqarfianni inissiamut pissarsisinnaanermut naleqqiullugu pinngitsoorani naammassineqartussat taakku assingi atuupput. Tamanna ilinniartut ineqarfii aamma ilinniagaqarnersiutit pillugit malittarisassat akornanni ataqtigitoqarneranut naapertuuppoq. Tassunga oqaatigineqassaaq ilinniartitaanerup Kalaallit Nunaanni atorneqarsinnaanersoq aallaavigalugu ilinniartitaanerup tapiiffigineqarsinnaanera pillugu apeqqut saqqummiunneqartarmat, tessunga ilanngullugu ilinniartitaaneq kalaallit nunaanni suliffeqarfinit ujartorneqartunik imaqarnersoq.

Peqatigisaanik aalajangersakkamit allami takuneqarsinnaavoq nalinginnaasumik tapiiffigineqarsinnaanngitsunut ilinniartitaanernut aamma piginnaatitsisoqarsinnaammat, immikkorluinnaq pissutsit tunuliaqtalarugit aamma aalajangersimasumik naliliineq aallaavigalugu tapiiffigineqarsinnaanerinik Naalakkersuisut aalajangiisinnaallutik. Taamatut tapiissuteqarneq ilinniagaqarnersiutit pillugit Inatsisartut inatsisaanni § 12 naapertorlugu taamaattoqartillugu tunniunneqarsinnaapput.

#### Nr. 4-mut

Aalajangersakkami nr. 4 ilinniartut ineqarfianni najugaqartup ilinniartut ineqarfiinik aqtsisoqarfimmut isumannaagassani atorunnaarsinneraniit piffissamiit qaammatinik pingasunik sivisunerunngitsumik piffissami siumoortumik aalajangersarneqartumi ilinniartut ineqarfianni najugaqartup, sumiginnaasoqartillugu, ilaatinnginnissaa pillugu nalunaarummi atuuttumi § 45, imm. 2-mik ilaannakkuusumik ingerlatitseqqinnertut isigineqarsinnaavoq.

Aalajangersagarli manna tunniussinissamut piumasaqaatit ilaattut oqaasertalerneqarpoq. Peqatigisaanik aalajangersakkamit takuneqarsinnaavoq pineqartoq akiliinissamut isumaqatigiissummik eqqortitsippat assersuutigalugu ineqarnermut akilummik akiliisimanani pineqartoq akiligassatigut kinguaattoorsimagaluartoq ilinniartoq suli ilinniartut ineqarfianni inissiamut pisinnaatitaassasoq.

#### Imm. 2-mut

Tassani pineqarpoq aalajangersagaq nutaaq imm. 1, nr. 1-imi atassuteqarnissamut piumasaqaammit immikkut akuersisoqarnissaanut tunngavissamik pilersitsisoq.

Aalajangersagaq Qaffasinnerusumik ilinniartitaanerit pillugit Inatsisartut inatsisaanni nr. 14, 12. juni 2019-imeersumi § 36-imut ataqtigiiressineqassaaq. Aalajangersakkami takuneqarsinnaavoq, ilinniarfinni ingerlaqqiffiusuni kalaallit ilinniartut kandidatitut ilinniarnerminni nunani allani ilinniarfimmi najugaqarsinnaanerat.

Tamanna nunani allani ilinniarfeqarfimmik isumaqatigiissuteqarnissamik tunngaveqassaaq immaqalu illusimatitsinermut apeqqummut tunngatillugu ingerlataqartunit attuumassuteqartunik allanik aamma. Tassunga atatillugu tulluartutut nalilerneqarpoq Namminersorlutik Oqartussat paarlattuanik ilinniarfeqarfinnit pineqartuni ilinniartunut tikeraartunik illusimatitsinissamut periarfissanik neqerooruteqarsinnaanerat. Naatsorsuutigineqarpoq inissat killeqartut pineqassasut, kalaallit ilinniartut Kalaallit Nunaanni ingerlaqqiffiusumi ilinniarnerannut atasumik nunani allani semesterimik ingerlatsisut amerlaqataannut naapertuuttut. Qummut piffissatigut killiliussaq allatigut qaangerneqassanngilaq.

#### Imm. 3-mut

Aalajangersagaq nutaajuvoq assersuutigalugulu kalaallimut ilinniartumut assersuutigalugu Danmarkimi ilinniarneranut atasumik Kalaallit Nunaanni semesterimik ingerlataqarneranut naleqqiullugu atorneqarsinnaassalluni.

#### Imm. 4-mut

Aalajangersagaq nutaajuvoq siunertaralugulu tunniussinissamut piumasaqaatit atuuttut aamma ilinniartitaanerup nalaani naammassineqarnissaasa qulakkeerneqarnissaat taamaalillunilu piffissamut tamarmut ilinniartut ineqarfianni inissiamut oqartussaaffigineqartumut. Assersuutigalugu ilinniarnerup ingerlannerani ilinniartitaanermut Namminersorlutik

Oqartussanit tapiiffigineqarsinnaasut nalilinngisaannut nuuttoqarpat, assersuutigalugu piffissap ilaannaani ilinniartitaaneq, ilinniartitaaneq Kalaallit Nunaannut attuumassuteqanngitsoq pineqartillugu, imaluunniit ilinniartoq illusimaffissamik pisariaqartitsiunnaarpat ilinniartut ineqarfian niissiamut pisinnaatitaaffik aamma atatiinnarneqarsinnaassanngilaq.

#### Imm. 5-imut

Aalajangersagaq ilaannakuusumik ilinniartut ineqarfii pillugit nalunaarummi atuuttumi § 3, imm. 3-mik ingerlatitseqqinneruvoq aamma tassani pineqarluni imm. 1, nr. 3-mi ilinniarnermik ingerlataqartuuneq pillugu piumasaqaatimmi immikkut akuersisoqarnissaanut immikkorluinnaq atukkanut periarfissaqarneq.

Tassani assersuutigalugu pineqarsinnaavoq ilinniartitaanermi ingerlaqqiffiusumi ilinniartut ineqarfian najugaqartoq, ilinniarnerminik qaammatit aqqaneq marluk sinnerlugit kinguaattoortoq taamaalillunilu ilinniagaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-imeersumi § 10, imm. 3, oqaaseqatigiit siullit naapertorlugit ilinniarnermik ingerlataqartuusutut isigineqarunnaartoq.

Aalajangersagaq aamma pissutsinut ukununnga naleqqiullugu atorneqarsinnaassaaq, ilinniartoq ilinniartitaanermi pilersaarummi aalajangersarneqartunut misilitsinnernut soraarummeernernullu naammassisqarsimanngippat, suliassanik pisariaqartunik tunniussisimanngippat imaluunniit takkuttussaanermut malittarisassanut tunngatillugu akuerisaasut sinnerlugit sumiginnaasimappat. Pisuni taakkunani aalajangersagaq atorneqassaaq, upternarsarneqarpat ilinniarnermik ingerlataqartuunnginneq ilinniartut ineqarfian najugaqartup pissusianut tunngatinneqarsinnaanngippat, tassa assersuutigalugu napparsimanermik upternarsarneqarsinnaasumik tunngaveqarpat, imaluunniit ilinniarfeqarfiup upternarsarpagu pineqartoq piviusumik ilinniarnermik ingerlataqartusoq.

#### § 5-imut

Aalajangersagaq nutaajuvoq nutaatullu aalajangersarlugu ilinniarnermut atatillugu illusimaffissamik piviusumik pisariaqartitsisoqartoq.

Taamaalilluni illoqarfimmi ilinniarfeqarfiusumi inissiamut inissaqaraanni ilinniartut ineqarfian inissiamut naatsorsuutigineqarsinnaanani. Aalajangersakkap assersuutigalugu ilinniartut ineqarfian najugaqartoq ilinniartut ineqarfian inissiami najugaqartoq peqatigisaanillu assersuutigalugu ilinniartut ineqarfian najugaqartup allamut attartortitaanik illoqarfimmi ilinniarfeqarfiusumi inissiamik piginnittuulluni. Pisuni taamatut ittuni illusimaffissamik pisariaqartitsineq ilinniartup nammineq pissusiatut naatsorsuutigineqassaaq.

Taamaaqataanik atuutissaaq atorfininnermi pissutsit tunngavigalugit ilinniartut ineqarfianni najugaqartoq, tassunga ilanngullugu lærlingini pissutsit, illoqarfimmi ilinniarfeqarfiusumi inissiamik atugassaqartinneqarluni.

### *§ 6-imut*

#### Imm. 1-imut

Aalajangersagaq nutaajuvoq aamma ilinniartut ineqarfianni inissiamik tunineqarnissamut aamma ilinniartut ineqarfianni inissiap atatiinnarnissaanut attuumassuteqartunik paasissutissat eqqarsaatigalugit ajunngitsumik nalunaaruteqartussaatitaaneq. Taamatut paasissutissiisussaatitaaneq ilinniartut ineqarfianni inissiaq pillugu qinnuteqarnermut atatillugu atuuppoq, aamma ilinniartut ineqarfianni najugaqartup ilinniartut ineqarfianni inissiami najugaqarnerani. Akiliineq pillugu apeqqut pingaartumik piffissamut naleqqiullugu attuumassuteqassaaq, isertitat tunngavigalugit ineqarnermut akiliut pillugu malittarisassanik aalajangersaasoqalerpat.

Paasissutissat pineqartut ilusaat pissutigalugu taakku inatsisip oqaasertaani allanneqassapput nassuaatiniunngitsoq.

Illoqarfiup ilinniarfeqarfiusup avataani najugaqarneq pillugu apeqqummut naleqqiullugu tamanna sivikinnerpaamik qaammatini marlunni peqannginnermi ilinniartut ineqarfianni inissiap ilinniartut ineqarfiinik aqtsisoqarfimmut atugassanngortinnissaanut pisussaaffik pillugu siunnersummi § 36, imm. 1-imut atatillugu isigineqassaaq.

Inissiamik pisariaqartitsinermut naleqqiullugu tamanna isumaqarpoq ilinniartut ineqarfianni najugaqartoq inissiamut allamut akisussaanersoq, inissiamut allamut periarfissaqarnersoq imaluunniit allatigut illusimaffissami pisariaqartitsinnginnersoq pillugu ilinniartut ineqarfianni najugaqartup paasissutissiinissamut pisinnaatitaaffeqartoq, tak § 5-imi piumasaqaat.

Paasissutissat pisut naapertorlugit aamma ilinniartitaanermik kipititsinermut, ilinniarnermik ingerlataqartuunnginnej il.il. tunngasuupput.

Aalajangersakkamit aamma takuneqarsinnaavoq paasissutissiinissamut isiginninngitsoorneq attartornermik isumaqatigiisummik taamaatitsisinnaasoq.

#### Imm. 2-mut

Aalajangersakkami pineqarpoq imm. 1-imi taaneqartunik paasissutissat allanngorneri pillugit ilisimatitsinissamut pisussaaffik. Piviusumik paasissutissat ilinniartut ineqarfiinik aqtsisoqarfimmut pineqartumut nassiunneqartussaapput.

### *§ 7-imut*

Aalajangersagaq nutaajuvoq tassaniillunilu piginnaatitsinermut aalajangersagaq.

Aalajangersagaq nalunaarutikkut ilinniartut ineqarfíni inissianut tulleríiaarineq pillugu aamma innersuussineq pillugu malittarisassanik aalajangersaasoqarsinnaaneranik periarfissiivoq.

Aalajangersakkap taassuma atorneqarnissaa pillugu maannakkut pilersaaruteqanngilaq. Aalajangersagaq naatsorsuutigineqarpoq maannakkut ilinniartut ineqarfisigut annertuumik allanngortoqarpat aamma atorneqalissasoq. Ilinniartut ineqarfíni inissiat amerlassusaat piffissap ingerlanerani malunnaatilimmik amerlippata ilinniartut allat tulleríiaarnissaat pillugu eqqarsaasersuuteqartoqarsinnaassaaq, tassunga ilanngullugu nunaqvavissutut taaneqartut ilinniartut.

Taamaaqataanik innersuussineq pillugu malittarisassanik aalajangersaanissaq pillugu eqqarsaasersuutinut naleqqiullugu atuuppoq, annerusumik assersuutigalugu ilinniartut ineqarfíi aalajangersimasut suut ilinniartunut aalajangersimasumut tunniunneqartussat malittarisassaliorssinnaaneq, tassunga assersuutigalugu ilanngullugu ilinniartut 18-it inorlugit ukiullit. Tamanna ullumikkut innersuussinerup ingerlatsivimmi ingerlataqarnermut atatillugu ingerlanneqartarneranut assersuunneqassaaq.

### § 8-mut

Imm. 1-imut

Aalajangersakkamit takuneqarsinnaavoq aallaaviatigut ilinniartut ineqarfíi pillugit Naalakkersuisut aqutsisuusut aamma ilinniartut ineqarfíinut malittarisassat naapertorlugit ilinniartut ineqarfíni najugaqartut attortinnerinut taamaatitsisarnernullu akisussasaasut. Malittarisassat ingerlatsinikkut Ilinniartitaanermut, Kultureqarnermut Ilageeqarnermullu Naalakkersuisoqarfiup maannakkut akisussaaffianiippu.

Malittarisassat piviusumik ilinniartut ineqarfíinik ingerlatsivimmit aqunneqarumaarput.

Ilinniartut ineqarfíinut nalunaarummi § 4, imm. 2 naapertorlugu Nuummi ilinniartut ineqarfíit ataatsimoorlutik Ilinniartut ineqarfíinik aqutsisoqarfiup ataatsimut allaffianit (KAF) aqunneqarput GU-p ilinniartut ineqarfíutai minillugit. Kollegiat allat kollegianik aqutsisunit allanit kollegianik aqutsisunit toqqartorneqartumik aqunneqarput. Ilinniartut ineqarfíinik aqutsisut tassaasinnaapput aqutsisut imaluunniit ilinniarfinni ilinniartut ineqarfíni inissiat attuumassuteqarfigisaanni sulisut.

KAF tassaavoq Ilinniartitaanermut, Kultureqarnermut Ilageeqarnermullu Naalakkersuisoqarfiup ataani immikkoortortaq.

#### Imm. 2-mut

Aalajangersakkami ilinniartut ineqarfii pillugit malittarisassanik aqtsineq Namminersorlutik Oqartussani oqartussanut suliffeqarfinnullu allanut tamakkiisumik ilaannakuusumilluunniit Naalakkersuisut suliassanngortitsisinnaaneranut erseqqissumik tunngavissiivoq. Tamanna annertuitigut taamaareerpoq, tassa assersuutigalugu qitiusumik ilinniarfiit aamma ilinniarnertuunngorniarfiit ilinniartut ineqarfii pillugit malittarisassanik aqutsimmata.

#### Imm. 3-mut

Aalajangersagaq pissutigalugu ilinniartut ineqarfii pillugit malittarisassanik aqtsinerup Namminersorlutik Oqartussat avataanni immikkoortortanut tamakkiisumi ilaannakuusumilluunniit suliakkiisoqarsinnaalerpoq. Tamanna assersuutigalugu tassaasinnaavoq kommunini imaluunniit namminersortuni immikkoortortat assersuutigalugu suliffeqarfik namminersortoq. Aalajangersagaq pisariillisaanissamut eqqarsaatigisat aallaavigalugit atorneqarsinnaavoq, taanna naapertorlugu assersuutigalugu inissianik attartortitsisarnermi inuussutissarsiutigalugu ingerlataqartoq atorneqarsinnaalluni.

Allakkatigut isumaqatigiissuteqartoqarsimanissaanik piumasaqaatip kinguneraa isumaqatigiissutip annertussusiata sapinngisamik erseqqissuutinneqarnissaa, tassunga ilanngullugu piginnaatitaaffiit sorliit suliakkiutigineqarsimancerannut kimullu suliakkiutigineqarsimancerannut tunngatillugu. Allatigut suliakkiinermut tunngaviuvoq ilinniartut ineqarfiini najugaqartut malittarisassat pineqartup akisussaasuanit allaffeqarfimmit aqunneqarneranut naleqqiullugu taamaalillutik ajornerusunik inatsisitigut inisisimalinnginnissaat. Tassunga atatillugu akisussaaffimmi oqartussaasut pisussaapput taamatut suliakkiussinermut tunngaviiit atuuttut aallaavigalugit suliassat naammaginartumik ingerlanneqarneranik nakkutiginnittussaapput.

#### Imm. 4-mut

Aalajangersakkami pineqarput imm. 1-3-mi taaneqartut immikkoortortat ilinniartut ineqarfii pillugit malittarisassanik aqtsinermut annertuumik pingaaruteqartunik paasissutissanik pissarsiniarnissaannut periarfissaq aamma taamatut paasissutissanik atugassanngortillugit ingerlatitseqqinnissaq. Innersuussineq aamma Naalakkersuisunoorpat tak. imm. 1-imut innersuussineq, assersuutigalugu allaffeqarfiiit Naalakkersuisut ataaniittut arlaat soorlu naalakkersuisoqarfik, paasissutissanik kommunit allaffiinut paarlaasseqatigiissinnaaneranik isumaqarpoq. Aalajangersakkami taamaalilluni ilinniartut ineqarfii pillugit aqtsinerup tamakkiisumik ilaannakuusumilluunniit suliassanngortinnissaanut sillimasoqarpoq, tak. imm. 2 aamma 3.

Aalajangersakkami nr. 1-imi siunertaavoq ilinniartut ineqarfii pillugit aqtsinermut atugassanik paasissutissanik oqartussat aqtsisuuusut namminersortulluunniit kikkulluunniit pissarsiniarsinnaanerisa qulakkeerneqarnera.

Paasissutissanik ilinniartut ineqarfii pillugit malittarisassanik aqutsinermut pingaarutilinnik ingerlatitseqqinnej oqartussaasunut immikkoortortanullu nammingersortunut aatsaat pisinnaavoq oqartussaasunut il.il. allanut ingerlatitseqqinnermut tunngasut tamakku pillugit ingerlatsinermi inatsisit malillugit aalajangiiffiqeqartariaqarpata. Tamatumunnga atatillugu taamaallaat sulianik suliarinninnermut aalajangersimasumut atugassanik paasissutissanik pissarsisoqarlunilu ingerlatitseqqittoqarsinnaavoq.

Paasissutissat annertuumik pingaaruteqarnissaat pillugu piumasaqaatip kinguneraa paasissutissat ilinniartut ineqarfii pillugit malittarisassanik aqutsinermut ima pingaaruteqartiginissaat assersuutigalugu ilinniartut ineqarfinni inissiamik qinnuteqaat, imaluunniit ilinniartut ineqarfianni najugaqartup ilinniartut ineqarfianni inissiamik peqaannarnissaa pillugu apeqqut paasissutissat pineqartut ilaatinagat suliarineqarsinnaanani. Paasissutissani assersuutigalugu pineqarsinnaavoq ilinniarnermi ingerlataqartuuneq, tassunga ilanggullugu misilitsinnermi soraarummeernermlu angusat, takkutinngitsornerit, illoqarfuiup ilinniarfeqarfiusup avataani ilinniagaqarneq, akiligassatigut kinguaattoorneq il.il.

Aalajangersakkami nr. 2-mi aalajangersarneqarpoq oqartussaasut allallu 1-3-mi allassimasut ilinniartut ineqarfii pilugit malittarisassanik aqutsisuuusut ilinniartoq pillugu paasissutissanik ilinniagaqarnersiutit pillugit malittarisassanik aqutsinermut pingaarutilinnik imminnut ingerlatitseqqissinnaanissaat. Paasissutissanik atugassinneqarneq assersuutigalugu imatut pisinnaavoq malittarisassanik aqutsisuuusoq, assersuutigalugu Ilinniartitaanermut, Kultureqarnermut Ilageeqarnermullu Naalakkersuisoqarfuiup paasissutissaasiviani nammineq aallersinnaanera. Nr. 1 peqatigalugu taamatut aalajangersakkami siunertaavoq paasissutissanik ilinniartut ineqarfii pillugit malittarisassanik aqutsinermut annertuumik pingaaruteqartunik pissarsiarnissamut, atugassinneqarnissamut ingerlatitseqqinnissamullu tunngavissamik erseqqisumik pilersitsinissaq. Annertujuunissaanik piumasaqaat pillugu apeqqummut naleqqiullugu aalajangersakkami nr. 1-imut tunngatillugu qulaaniittumi allanneqartunut innersuussisoqassaaq, Tamatuma assingaa ilinniartut ineqarfii pillugit malittarisassanik aqutsineq suliamut aalajangersimasumut naleqqiullugu paasissutissat pineqartut pigitinnagat ingerlanneqarsinnaanngitsoq.

#### Imm. 5-imut

Tassani pineqarpoq aalajangersagaq nutaaq tassaasoq piginnaatitsinermut aalajangersagaq.

Aalajangersakkami siunertaavoq ilaatigut qinnuteqartitsisarneq qinnuteqarnissamullu killiliussineq pillugu malittarisassanik aalajangersaanissamut tunngavissiisoqarnissaata qularnaarneqarnissaa. Tassunga atatillugu qinnuteqarnermi suleriaaseq assersuutigalugu NemID atorlugu elektroniskimik ingerlassinnaanera pillugu malittarisassanik aalajangersaasoqarsinnaavoq, tak. digitalimik pisortat allagaat pillugit Inatsisartut inatsisaat.

Aalajangersakkami peqatigisaanik paasissutissani pissarsiarnissamut ingerlatitseqqinnissamullu periarfissaqarneq pillugu malittarisassanik aalajangersaanissamut

periarfissaqarneq. Tamanna ilaatigut pisinnaavoq pisut suut tunngavigalugit imm. 4-mi pisut taaneqartut ingerlateqqinnejarsinnaanerinik erseqqinnerusumik malittarisassaliornissaq siunertaralugu.

Kiisalu aalajangersagaq aamma suliffeqarfimmut tunnganerusunik malittarisassanik aalajangersaanermut atorneqarsinnaavoq, tassani assersuutigalugu ilinniartut ineqarfii pillugit malittarisassanik aqutsineq qitiusumiit ingerlanneqarnissaa imaluunniit immikkoortortami ataatsimut katersorneqassanersut.

Piginnaatitsinerup atorneqarnissaa pillugu maannakkut pilersaaruteqanngilaq.

#### Imm. 6-imut

Aalajangersagaq nutaajuvoq aamma inatsisitigut namminersortunut immikkoortunut suliakkiussineq pillugu nalinginnaasumik ingerlatsivitsigut malittarisassat malillugit suut atuuttuunerinik katersuinerulluni. Suliassangortitsineq, immikkoortortamut namminersortumut aalajangiinissamut piginnaanermik tunniussinermik imaqartoq taamaalilluni kingunerissavaa immikkoortortaq namminersortoq sulianik suliarinninnermik inatsimmi malittarisassanut ilaalissasoq. Allatigut inuk pillugu paasissutissanik passussineq pillugu malittarisassat aamma atorneqassallutik. Tamannali aalajangersakkami allanneqanngilaq, tassa malittarisassanit atuuttunit takuneqarsinnaammat taakkununnga aamma suliffeqarfifit namminersortut ilaasut.

#### § 9-mut

#### Imm. 1-imut

Aalajangersagaq nutaajuvoq aamma ilinniartut ineqarfii pillugit malittarisassanik aqutsinermut suut ilaandersut allanneqarlutik.

Aqutsinerup erseqqinnerusumik annertussusianut pissusaanullu tunngaviussaaq ilinniartut ineqarfii qanoq ittut pineqarnersut, tassunga ilanngullugu iliniartut ineqarfii immikkoortut qassit aqutsinermut ilaatinneqarnersut.

#### Imm. 2-mut

Aalajangersakkami ilinniartut ineqarfii aqutsisoqarfimmut piginnaasat isumalluutilu pigineqartut sapinngisamik pitsaanerpaamik atuinissaannut pisussaaffiliivoq. Tassani pineqarsinnaavoq sulinermik aaqqissuussinerit suleriaatsinillu tulluartunik qulakeerinninneq, tassunga ilanngullugu isumalluutinik atuinermut naleqqiullugu.

#### Imm. 3-mut

Aalajangersakkami siunertaavoq ilinniartut ineqarfii pillugit malittarisassanik aqutsineq ilinniartut ineqarfii najugaqartut soqutigisaat isiginiarlugit pissasoq sianigeqquneqarpoq. Tassani assersuutigalugu pineqarsinnaavoq piffissap soraarummeerfiusup qaangiunnissaanut

pilertortumik nipiliorfiusumik iluarsaassisoqannginnissaa. Tamanna aamma najugaqartut siunnersuisoqatigiivisigut piviusunngortinnejarsinnaavoq, eqqarsaatigisassat taakku isumaginissaannut sakkuusinnaallutik.

### § 10-mut

#### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 6, imm. 2. oqaaseqatigiinnut siullernut naapertuuppoq.

Malittarisassat tassaapput ineqarfiup iluani malittarisassat, ilinniartut ineqarfiannik aalajangersimasumik atuinermut atasut. Assersuutigalugu qitiusumik ilinniartut ineqarfiinik aqutsisoqarfik ilinniartut ineqarfiinut arlalinnut tamanulluunniit malittarisassanik ataatsimoorussanik aalajangersaanissaanut akornusiisoqanngilaq.

Nalinginnaasumik nassuaatini soorlu eqqaaneqartoq aalajangersakkap assigiinnarpaa siunissami malittarisassanik ineqarfimmik taamaallaat malittarisassaliortoqassasoq, akerlianilli nalunaarummi atuuttumi ileqqoreqqusut taaneqartut inatsisinit peerneqassallutik. Tassunga atatillugu piumasaqataavoq malittarisassat tamanut saqqummiunneqassasut, taamaalilluni malittarisassat suut atuunnersut qularutigineqarnani.

Aalajangersagaq atatinneqassaaq § 6, imm. 2, oqaaseqatigiit aappaannik maanna nalunaarummi atuuttumiittunik ingerlatitseqqinnertut. Ileqqorissaarnissamut malittarisassat taamaasillutik tunngasuusinnaapput eqqiaasarnermut, uumasuuteqarsinnaanermut, takkuttarnissamut pisussaaffeqarnermut, nipiliunnginnissamut, pulaartoqarsinnaanermut, imigassanik aalakoornartulinnik atuisinnaanermut atuisinnaannginnermulluunniit, aanngajaarniutinik paasisaqartarnernut, tamatumani aamma ileqqorissaarnissamut malittarisassanik unioqqutitsisoqartillugu mianersoqqussuteqartarnermut imaluunniit anisitaasarnermut.

Taamaalilluni silaannarissaaneq, atisat illup iluani panersigassanngorlugit nivinngarneqassanngitsut, ulluni imaluunniit piffissani aalajangersimasuni nipiliorfiusumik iluarsaassisoqassanngitsoq il.il. pillugit malittarisassanik aalajangersaasoqarsinnaavoq. Malittarisassanik sanioqqussinermut inatsisitigut sunniutit allanneqarnerinut naleqqiullugu oqaatigineqassaaq inatsisitigut sunniutit siunnersuummit takuneqarsinnaasunit allanik ilaneqarsinnaanngimmata.

#### Imm. 2-mut

Aalajangersagaq nutaajuvoq aamma immikkoortortat suut malittarisassanik aalajangersaasinnaanersut allanneqarluni. Soorunami suliassanik suliakkiinermut atatillugu immikkoortortat ataasiakkaat malittarisassanik aalajangersaanissamut periarfissaqassammata. Taamaalilluni sumiiffinni

immikkut pisariaqartitsinerit sillimaffigineqarsinnaallutik. Malittarisassalli taamatut ittut taakkununnga piumasaqaatinik naammassinnissaasa qulakkeerneqarnissaat Naalakkersuisut akisussaaffigaat, taamaattumik taakku Naalakkersuisunit akuerineqartussaallutik.

#### Imm. 3-mut

Tassani pineqarpoq aalajangersagaq pisinnaatitsissutaasoq. Pisinnaatitsissut atorneqarsinnaavoq nalunaarusiornikkut aalajangersagaliornernut, pissutsit qanoq ittut ileqqorissaarnissamut malittarisassani aalajangersarneqarsinnaanersut, tamatumani aamma ilinniartut ineqarfianni najugaqartunut ileqqorissaarnissamut malittarisassat qanoq nalunaarutigineqartassanersut. Soorlu ersittoq aammattaaq nalunaarusiornikkut malittarisassiortoqarsinnaavoq ileqqorissaarnissamut malittarisassanik unioqqutitsinermi qanoq pineqaatissiisoqartassanersoq pillugu, tamatumanilu aamma ilaasinnaallutik pineqaatissiissutaasut pillugit piffissalersuinerit.

#### § 11-mut

##### Imm. 1-imut

Aalajangersagaq ilinniartut ineqarfinitut nalunaarummi atuuttumi § 8-mik ingerlatitseqqinneruvoq tassaniillunilu utaqqisut allattorsimaffianik eqquassinissamut periarfissaq. Tassani paasineqarpoq ilinniartut ineqarfiiisa akornanni nuuttarnernut atugassat immikkut allattorsimaffik.

##### Imm. 2-mut

Aalajangersagaq nutaajuvoq paasiuminartoqarnissaanillu kissaateqarnermik tunngaveqarluni, taamaattumik utaqqisut allattorsimaffimmi inisisimanermut piumasaqaatit tamanut saqqummiunneqassallutik.

#### § 12-imut

Tassani pineqarpoq ilinniartut ineqarfii pillugit nalunaarummi atuuttumi § 10, imm. 1-imik ingerlatitseqqinnej.

Ilinniartut ineqarfianik aqutsisoqarfik ilinniartut ineqarfinitut ataasiakkaanut oqartussatut akisussaasutut najugaqartut siunnersuisoqatigiivinik pilersitsisoqarsimaneranik naliliisussaavoq. Tamanna pillugu ilinniartut ineqarfianni najugaqartut amerlanerussuteqartut erseqqissumik kissaateqarpata tamanna malinneqartariaqassaaq. Tamatuma saniatigut aalajangersakkami najugaqartut siunnersuisoqatigiivisa sunik suliassaqarnersoq allanneqarpoq. Tassunga atatillugu ilisimatitsissutigineqarsinnaavoq ullumikkut ilinniartut ineqarfiiisa ilaanni najugaqartut siunnersuisoqatigiivinik pilersitsisoqareersimammatt.

Najugaqartut siunnersuisoqatigiivini sulineq aallaaviatigut akissarsiaqarfiunngilaq, kisiannili siunnersummi § 8, imm. 5 naapertorlugu najugaqartut siunnersuisoqatigiivini immikkut suliaqnerit akissarsiaqarfiunissaat pillugu malittarisassanik aalajangersaanissamut periarfissiivoq.

### § 13

#### Imm. 1-imut

Aalajangersakkami pineqarpoq attartornermi isumaqatigiissummik isumaqatigiissuteqarnissaq. Aalajangersagaq annertuitigut ilinniartut ineqarfii pillugit nalunaarummi atuuttumi § 12, imm. 1, oqaaseqatigiinnut siullernut ilaatigullu oqaaseqatigiit pingajuannut naapertuuppoq. Nalunaarummi ineqarnermut akiliutip attartorermik isumaqatigiissummik takuneqarsinnaanissaat pillugu § 12, imm. 1, oqaaseqatigiit aappaanni malittarisassat peerneqarpoq. Tamatumunnga pissutaavoq siunnersummi § 18 tunngavigalugu tamatuma aalajangersarnissaat naatsorsuinermi malittarisassat tunuliaqtigalugit ineqarnermut akiliutip aalajangersartarnissaat, taamatullu aalajangersaasoqarnissaata tungaanut ineqarnermut akiliut aningaasanut inatsisikkut aalajangersarneqartassalluni, tak. siunnersummi § 53, imm. 2.

Pequtit pillugit takussutissiaq anilluni nutsernermut naleqqiullugu attuumassuteqarpoq, ilusissaanillu piumasaqaammut pissutaalluni paasissutissat il.il. attuumassuteqartut tamarmik qulakkeerneqarnissaanik peqatigisaanillu assigimmik suleriaaseqarnissap qulakkeerneqarnissaata eqqarsaatigineqarneri.

#### Imm. 2-mut

Attartornermi isumaqatigiissutip kingusinnerpaamik qaugu atsiorsimanissaat aalajangersakkami malittarisassaliorneqarpoq. Aalajangersakkami siunertaavoq ilinniartut ineqarfianni najugaqartup ilinniartut ineqarfianni inissiamik tigusinerani piffissami kingusinnerpaamik isumaqatigiissutip isumaqatigiissutigineqarsimanissaata qulakkeerneqarnissaat.

#### Imm. 3-mut

Aalajangersagaq nalunaarummi atuuttumi § 12 imm. 2-mut naapertuuppoq. Siunissamili malittarisassat assilineqarneri kisimik tunniunneqartussaassapput ileqqoreqqusat assilineri pinnagit, taakku inatsimmit peerneqarnissaat siunnersuutaammat. Aalajangersakkami siunertaavoq ilinniartut ineqarfianni najugaqartup malittarisassanik ilisimasaqarnissaat qulakkeerniarneqarpoq taamaalilluni ilinniartut ineqarfianni najugaqarnissanut atuuttut piumasaqaatit sapinngisamik siusissukkut ilisimaneqalerlutik.

### § 14-imut

Aalajangersagaq annikitsumik allannguuteqartillugu ilinniartut ineqarfii pillugit nalunaarummi atuuttumi § 13-imik ingerlatitseqqinneruvoq, tassani pineqarluni qularnaveeqqusiinermik akiliineq.

Tassani pineqarpoq oqaasertaliussap annikitsumik allanngortinnera, tassa aalajangersakkami assersuutigalugu qaammammut ataatsimut ineqarnermut akiliummut naapertuutumik qularnaveeqqusiinerup aningaasatigut killiliisoqanngimmat, soorlu ilinniartut ineqarfiiinut nalunaarummi atuuttumi taamaattoq. Ineqarnermut akiliutip annertussusaa allanngorarsinnaammatt immaqalu siunissami ineqarnermut tapiissutissani appasisorujussuusinnaalluni, qularnaveeqqusiinerup qanoq annertussuseqarnissaa siumoortumik annertussusilerneqannginnissaa tulluartutut nalinerneqarpoq. Tassunga oqaatigineqassaaq § 18 malillugu qularnaveeqqusiineq pillugu malittarisassanik erseqqinnerusunik aalajangersaasoqarsinnaammatt.

#### *§ 15-imut*

Aalajangersakkami pineqarpoq ineqarnermut akiliummik akiliineq. Peqatigisaanik aalajangersakkamit takuneqarsinnaavoq kiassarnermik, innaallagissamik, gassimik imermillu atuinermut aamma akiliisoqartassasoq.

Aalajangersakkamit takuneqarsinnaavoq ineqarnermut akiliut aamma atuineq angissutsit immikkoortuusut marluk taamaalillunilu atuineq manna tikillugu ineqarnermut akiliummik akiliinerup ilaatut isigineqassanngitsoq.

Ineqarnermut akiliutip aalajangersarnissaanut naleqqiullugu siunertaavoq ineqarnermut akiliutip aalajangersarnissaanut naatsorsuineremi piumasaqaatinik aalajangersaasoqassasoq, tak. § 18. Taakku § 16, imm. 1-imti taaneqartut eqqarsaatigisassat tunuliaqtalaralugit aalajangersarneqassapput.

Aamma nalinginnaasumik tamanna pillugu nassuaatinut allanneqartunut innersuussisoqarpoq.

Imm. 2-mut

Aalajangersagaq nutaajuvoq aamma atuinermik naatsorsuinermut atassuteqarluni.

Aalajangersakkami oqaaseqatigiinni siullermi piviusumik atuineq paasineqassaaq atuineq assersuutigalugu innaallagissamut kiassarnermullu uuttuitini atuarneqarsinnaasoq atuinertut paasineqarsinnaasoq taannalu ilinniartut ineqarfianni ingerlatsinermi nalunaarsorneqarsinnaalluni. Piviusumik atuineq taamaalilluni ilinniartut ineqarfianni najugaqartup atuisarneranut pissusaannullu atassuteqarpoq taakkunani lu pissutsinik

sunnerneqarluni. Ataasiakkaat atuinerat naatsorsorneqarsinnaanngippat immikkoortortami tassani ilinniartut ineqarfianni najugaqartumut atasimi agguaqatigiissitsinermik naatsorsuineq tunuliaqutaralugu piviusumik atuineq naatsorsorneqarsinnaassaaq. Tamanna pillugu malittarisassanik erseqqinnerusunik aalajangersaasoqarnissaa naatsorsuutigineqarpoq.

Aalajangersakkami oqaaseqatigiit aappaanni siunertaavoq assersuutigalugu ilinniartut ineqarfiata oqorsarluarsimannginnera tunngavigalugu allanut naleqqiullugu qaffasissumik atuinermut akiliisarnissamut qulakkeerineq.

Siunnersummi § 52-imit peqatigisaanik takuneqarsinnaavoq aalajangersagaq aatsaat piffissami kingusinnersumi atulersinneqassasoq naatsorsuutigineqartoq. Siunnersummi tamanna pillugu nalinginnaasumik nassuaatini allanneqarsimasunut allatigut innersuussisoqarpoq.

### *§ 16-imut*

Imm. 1-imut

Aalajangersagaq nutaajuvoq aamma ineqarnermut akiliutip aalajangersarnerani eqqarsaatigisassat suut ilangunneqassanersut aalajangersarneqarluni.

Soorlu aalajangersakkamit takuneqarsinnaasoq siullermik ilinniartut ineqarfianni inissiap angissusaa eqqarsaatigineqassaaq. Tamatuma qularnangitsumik kingunerissavaa inissiaq angineruppat aallaaviatigut ineqarnermut akilummik annertunerusumik akiliisoqassasoq.

Ilinniartut ineqarfianni najugaqartup taassumalu inoquqtigivila isertitaannut pissutsit pillugit apeqqummut naleqqiullugu ilaatigut inoquqtigiiit tamakkiisumik isertitaat tunuliaqutaralugu ineqarnermut akiliut aalajangersarneqassasoq. Isertitanik naleqqussarneqartumik ineqarnermut akilummik eqquassinissamut tunuliaqutaasoq pillugu nassuaatini nalinginnaasuni nassuaatigineqartut eqqarsaasersuutit aalajangersakkami aallaavagineqarput. Inoquqtigiiit isertitaat annertuneruppata taava ineqarnermut akiliut qaffasinnerussasoq naatsorsuutigineqassasoq aallaaviatigut aallaaviusussaasoq.

Ilinniartut ineqarfianni inissiaq pequtilersoreerlugu atugassanngortinnejassanersoq pillugu apeqqut eqqarsaatigalugu tassani naatsorsuutigineqarpoq ilinniartut ineqarfianni inissiamit pequtilersugaanngitsumut naleqqiullugu pequtilersugaasumut annertunerusumik akiliisoqartassasoq, tassa inissiap pequtilersugaasup kingunerimmagu ilinniartut ineqarfianni najugaqartoq inissiap pequtilersornissaanut nammineq aningaasartuuteqassanngimmat.

Imm. 2-mut

Aalajangersagaq nutaajuvoq aamma Inatsisartut inatsisaannut aalajangersagaq taaneqartoq naapertorlugu ineqarnermut akilummik ingerlaavartumik iluarsiisoqartassammat.

Aalajangersakkami siunniunneqarpoq ineqarnermut akiliutip nalinga piffissap ingerlanerani milliartunnginnissaata qulakkeerneqarnissaa.

### *§ 17-imut*

#### Imm. 1-imut

Aalajangersagaq annertuutigut ilinniartut ineqarfii pillugit nalunaarummi atuuttumi § 15. imm. 1-imik issuaaneruvoq tassanilu pineqarluni ineqarnermut akiliutip akilerneranu piffissaq. Imm. 4-mut aalajangersakkami innersuussinermi pineqarpoq Namminersorlutik Oqartussaniit ilinniagaqarnersiutinik pisartagaqartunut ilinniartut ineqarfianni najugaqartunut naleqqiullugu ingerlaannartumik ilanngaassisarnissamut periarfissaq.

#### Imm. 2-mut

Aalajangersagaq annertuutigut ilinniartut ineqarfii pillugit nalunaarummi atuuttumi § 15. imm. 2-mik issuaaneruvoq tassanilu pineqarluni ineqarnermut akiliutip qaqlugu kingusinnerpaamik akilernissaa piffissaq.

#### Imm. 3-mut

Aalajangersagaq ilinniartut ineqarfii pillugit nalunaarummi atuuttumi § 15. imm. 3-mik ingerlatitseqqinneruvoq tassanilu pineqarluni ilinniartut ineqarfiinik aqtsisoqarfiup akiliiffissamik paassisutissiinissamut pisussaaffia. Imm. 4-mut aalajangersakkami innersuussinermi pineqarpoq Namminersorlutik Oqartussaniit ilinniagaqarnersiutinik pisartagaqartunut ilinniartut ineqarfianni najugaqartunut naleqqiullugu ingerlaannartumik ilanngaassisarnissamut periarfissaq.

#### Imm. 4-mut

Tassani pineqarpoq ilinniartut ineqarfii pillugit nalunaarummi atuuttumi § 15, imm. 4-mik ingerlatitseqqinneq, tassanilu aalajangersakkami pineqarluni ineqarnermut akiliutip aamma atuinermut akiliutip ilinniartut ineqarfianni najugaqartup ilinniagaqarnersiutitut pisartagaanit ilanngaassinissamut ilinniartut ineqarfiinik aqtsisoqarfiup periarfissaqarnera. Akiliisarnerit pisariillisarnissaat Naalakkersuisunit tulluartutut isigineqarpat aamma assersuutigalugu piffissaq eqqorlugu akiliisarnerup qulakkeerneqarnissaa siunertaralugu aalajangersakkap atorneqarnissaa Naalakkersuisunit aalajangiiffingeqarsinnaavoq. Atuinermut akiliinermut naleqqiullugu tunngavigineqartussaavoq siunnersuummi § 15-ip atulersinnissaa, tak tamanna pillugu siunnersuummi § 53-imut innersuussineq.

### *§ 18-imut*

Aalajangersagaq nutaajuvoq tassanilu pineqarluni nalunaarummik atulersitsinissamut Naalakkersuisunut pisussaaffik piginnaatisissut, tassani aalajangersakkami immikkoortut taaneqartut malittarisassaliornerit erseqqinnerusumik aalajangersarneqarlutik.

Isertitanik naleqqussarneqartumik ineqarnermut akiliummut aamma atuinermi il.il. akiliinermut naleqqiullugu siunnersuummi siunniussaq, tak. § 15 aamma 16, taamaalilluni aalajangersakkami immikkoortunik taaneqartunik erseqqinnerusumik malittarisassaliortumik nalunaarummik aatsaat atulersitsisoqarpat piviusunngortinnejarsinnaapput.

Ineqarnermut akiliutip erseqqinnerusumik aalajangersarnera aamma atuinermik akiliisarnerup equnneqarnera aamma ilinniagaqarnersiutinut atatillugu isumagineqartariaqarpoq.

Ineqarnermut akiliut ukiumoortumik iluarsineqartassanersoq taamaattoqassappallu suna tunngavigineqassanersoq pillugu apeqqummut naleqqiullugu siunnersuummi § 16, imm. 2-mut innersuussisoqarpoq. Taamaalilluni isertitat naatsorsornerinik nassuaanerit ilisimaneqareersut aallaavigalugit sulisoqartariaqassaaq akigitallu procenti aaqqiissutissaq naapertorlugu iluarsiivigineqartassalluni, tak. procenti aaqqiissutissaq aamma maannakkorpiaq aningasarsiat pillugit Inatsisartut inatsisaat.

Soorlu qulaani § 15, imm. 2-mut nassuaatini taaneqartoq atuineq eqqarsaatigalugu anguniagaavoq piviusumik atuinermut naleqqiullugu innaallagissamut, kiassarnermut il.il. atuinermut siunissami aallaaviatigut akiliisoqartassasoq. Tamanna pillugu maleruagassanik aalajangersaanissami ilinniartut ineqarfiiinut allanut sanilliullugu ilinniartut ineqarfii ilaat kiassarnissaat akisunerulersinnaammat eqqarsaatigisariaqarpoq, atuisullu akiliuteqartarnissaasa atulerneratigut ilinniartunut tapiissutinut akigititat aamma qaffattariaqarnissaat eqqarsaatigalugit.

Peqatigisaanillu tunngavigineqassalluni § 18-imi piginnaatitsissutip atorneratigut erseqqinnerusumik malittarisassaliorneq soqutigisaqaqtigijit attuumassuteqartut suleqatigeqqissaarlugit pisussaammat, tassunga ilanngullugit Aningaasaqarnermut Naalakkersuisoqarfik, Isumaginninnermut Inatsisinillu atuutsitsinermut Naalakkersuisoqarfik kiisalu Ineqarnermut Attaveqarnermullu Naalakkersuisoqarfik, taakkunaniillutik inatsisinut akisussaaffiit sulinermut pingaaruteqartut.

Peqatigisaanik oqaatigineqassaaq piginnaatitsinerup atorneqarnissaanut piffissaliussamik erseqqissumik aalajangiinissaq suli ajornarmat.

### *§ 19-imut*

Imm. 1-imut

Aalajangersakkami pineqarpoq ilinniartut ineqarfii pillugit nalunaarummi atuuttumi § 2, imm. 5-isulli apeqqutip assinga.

Inuit taaneqartut tulleriaariffiusunut ilaangikkaluartut taamaattumillu ilinniartunut allanut unammilleqatigiinnermi inisisimannngikkaluartut ilinniartut ineqarfianni inissiamik aalajangersimasumik initaartsinermut atatillugu ilaqtut ilaaatinnejartut pillugit apeqqummut isummernissanut tulluartutut isigineqarsimavvoq. Ilinniagaqarnersiutit pillugit malittarisassani

akiliunneqarluni angalasinnaanermut periarfissamut innersuussinermut ilaavoq nalinginnaasumik aalajangersimasumik sivisussuseqartumik ilinniarfimmi najugaqarnissaq pineqartarmat. "Ilinniagaqarnersiutit pillugit malittarisassani" paasineqarpoq ilinniagaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-imeersumi malittarisassat, ilinniagaqarnersiutit pillugit Inatsisartut inatsisaat nr. 12, 22. november 2011-meersumi tunngaveqartumik atulersinneqartoq.

Imm. 2-mut

Ilinniartut ineqarfianni inissiamik aalajangersimasumik angissuseqartumik pissuseqartumillu piumasaqarsinnaannginnejq pillugu malittarisassamut atutereersumut aalajangersagaq katersuivoq, tak. aamma nassuaatini nalinginnaasumi tamanna pillugu allataq. Aammattaaq imm. 1-imut innersuussinermut tamanna atuulluni, tassani taamaallaat ersersinneqarluni piginnaasat pigineqareersut aallaavigalugit ilaquattat ilaatinneqartut sillimaffigineqassasut. Peqatigisaanik tamatuma assingaa ilinniartut ineqarfianni najugaqartup ataatsip ilinniarnermi ingerlanera tamaat ilinniartut ineqarfianni inissiamti tassani najugaqaannarnissani aamma naatsorsuutigisinnaanngikkaa, tak. aamma § 35.

Tamanna oqaatigineqartutut ilinniartut ineqarfiinik tatisimanninermik tunngaveqarpoq, siumoortumik initaartinneqarnissamut malittarisassanik pitsaasunik aalajangersaanissaq ajornartillugu.

Aalajangersakkap aamma kingunerisaanik ilinniartut ineqarfianni nammineq ineerassamik pissarsinissamik tunngaviatigut aamma piumasaqartoqarsinnaanngilaq, tassa ilinniartut ineqarfianni najugaqartoq ilinniartut ineqarfianni inissiamik pineqartup ilinniartut ineqarfianni najugaqartunik allanik avitassaanik innersuunneqarsinnaammat.

Ilinniartut ineqarfianni inissiaq qanoq ittoq neqeroorutigineqarsinnaanera pillugu apeqqut taamaattumik ingerlatsivimmik suliaqartuniippoq. Ingerlatsinermi inatsisit nalinginnaasut aallaavigalugit innersuussineq naatsorsuutigineqarpoq sapinngisamik tulluartumik isumagineqassasoq, tassunga ilanngullugu inissiat avinneqartussat pillugit apeqqummut naleqqiullugu, assersuutigalugu ukiunut suaassusermullu naleqqiullugu agguaassinerup pinissaa.

§ 20, imm. 2-mut innersuussineq isumaqarpoq ilinniartut ineqarfinni najugaqartoq piumasaqarsinnaasoq ilinniartut ineqarfianni inissiap tiguneqarnerani eqqiarneqarsimassasoq illersorneqarsinnaasumillu pitsaassuseqassasoq.

§ 21-imut innersuussineq isigineqassaaq atasutut nalunaarusiornikkut malittarisassiorsinnaanermut, taamaalillunilu ilinniartut ineqarfianni najugaqartup naatsorsuutigisinnaalissallugu ilinniartut ineqarfiata aalajangersimasumik pitsaassuseqarnissaa, imaluunniit aalajangersimasunik atortulersugaanissaa.

## *§ 20-mut*

### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 17 imm. 1-imik ilaatigut ingerlatitseqqiineruvoq.

Aalajangersakkami piffissaq ilinniartut ineqarfianni najugaqartup ilinniartut ineqarfianni inissiamik tigusinissaa pillugu malittarisassaliorpoq.

### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 17, imm. 2-mik ilaatigullu § 17, imm. 1-imik ingerlatitseqqinneruvoq. Aalajangersakkami nalunaarneqarpoq ilinniartut ineqarfianni najugaqartup ilinniartut ineqarfianni inissiamik piffissami tigusinerani ilinniartut ineqarfianni inissiaq qanoq pitsaassuseqassanersoq.

Aalajangersagaq ilassuserneqarsinnaavoq malittarisassanik § 21 naapertorlugu aalajangersarneqartunik.

## *§ 21-mut*

Aalajangersagaq nutaajuvoq. Tassani pineqartoq aalajangersagaq pisinnaatitsissutaasoq, taannalu tunngavigalugu Naalakkersuisut nalunaarusiornikkut aquassinnaavaat ilinniartut ineqarfimmiq attartornerup aallartinnerani pitsaassusissaat.

Pisinnaatitsissullu assersuutigalugu atorneqarsinnaavoq malittarisassanik aalajangersaanermut, ilinniartut ineqarfiaata eqqiarneqarsimasunissaanik aammalu kumannik uumasuaqqanillu allanik soqannginnissaanik, qilaat aamma iikkat qalipanneqarsimanissaannik, natillu lakerneqarsimanissaannik maleruagassiornernut. Pissutsillu qanoq ittuuneri apeqqutaatillugit aamma maleruagassiortoqarsinnaavoq ilinniartut ineqarfianni igalaat, skaviit matui aamma matut innarlerneqarsimasannginnissaannik. Aalajangersagaq aamma atorneqarsinnaavoq maleruagassiornermut matuersaaserfiit atorsinnaasuunissaannut, aamma ilinniartut ineqarfianni innaallagissamut atortulersuutit ajoquteqannginnissaanut. Kiisalu aamma aalajangersagaq atorneqarsinnaavoq aqtsinermut qanoq pequsersuisimanissamik atortulersuisimanissamillu ilinniartut ineqarfianni, assersuutigalugu errorsiviit assigisaallu eqqarsaatigalugit.

2015-imi ilinniartut ineqarfii pillugit ataatsimiinnermut atatillugu kaammattuutigineqarpoq inoqtigiit amerlassusaat inuit 18-it sinnerlugit ukiullit kiisalu meeqaat atuartut amerlassusaannut naapertuuttumik matuersaatinik tunniussisoqartariaqartoq.

Pisinnaatitsissullu aamma pissutsit pineqartut pillugit aqtsinermi atorneqarsinnaavoq.

## *§ 22-mut*

### Imm. 1-imut

Aalajangersagaq ilaannakuusumik ilinniartut ineqarfii pillugit nalunaarummi atuuttumi § 17, imm. 4-mik ingerlatitseqqinneruvoq tassanilu pineqarluni ilinniartut ineqarfianni inissiami amigaataasinjaasunut tunngatillugu maalaaruteqarnissamut naleqqiullugu ilinniartut ineqarfianni najugaqartup iliuuseqarnissamut pisussaaffia.

Nalunaarummi atuuttumi aalajangersakkap assinga ilinniartut ineqarfiinik aqutsisoqarfik equnngitsumik iliuuseqarsimappat piffissaliussap atuussinnaannginnera pillugu ilassummik aalajangersagaq tapertaqarpoq. Tamannali oqaasertaliussami nutaami ilanngunneqanngilaq, tassa tunngavagineqarmat ingerlatsivik equnngitsumik iliuuseqassanngitsoq. Tamatuma saniatigut niuerfimmi atukkatigut nalinginnaasumik isumaqatigiissuteqarneq pineqarnani.

Aalajangersakkami oqaaseqatigiit aappaanni pineqarput amigaatit takussaanngitsut, tamatumali saniatigut aamma ilaasinnaalluni ilinniartut ineqarfianni najugaqartoq arlaannik peqquteqarluni piffissami kingusinnerusumi ilinniartut ineqarfianni inissiamut aatsaat iserterluni.

### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 17 imm. 5-imik ingerlatitseqqiineruvoq.

Aalajangersakkap assingaa piffissami attartorfiusumi sapaatit akunnerini siulliit marluk iluanni ilinniartut ineqarfianni najugaqartup ilinniartut ineqarfiinik aqutsisoqarfimmut uparuarsimasaanut ilinniartut ineqarfianni inissiami amigaatinut naleqqiullugu ilinniartut ineqarfiinik aqutsisoqarfik akisussaatisisinjaanngitsoq.

## *§ 23-mut*

### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 18, imm. 1-imik issuaaneruvoq tassanilu pineqarluni ataatsimoorfiusutut taaneqartut soorlu ataatsimiittarfinnut, errorsisarfimmut, cykkilit inaannut il.il. naleqqiullugu ilinniartut ineqarfiinik aqutsisoqarfiup aserfallatsaaliinissamut pisussaaffia.

### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 18, imm. 2-mik issuaaneruvoq.

Aalajangersagaq nalinginnaasumik attartortitsinermik ingerlataqarnerup iluani nalinginnaasumik tunngaviusunut naapertuuppoq, illumik attartortitamik piginnittooq illumi

attartortitami teknikikkut ikkussukkat, innaallagissamik ikittaait il.il.  
illorsorneqarsinnaasumik aserfallatsaaliorissaannut pisussaaffeqarluni.

Imm. 3-mut.

Aalajangersakkami qanoq akulikitsigisumik nutarterineq imaluunniit iluarsaassineq  
pisassanersoq pillugu apeqqut pineqarpoq.

#### *§ 24-mut*

Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 21, imm. 1,  
oqaaseqatigiinnik siullernik ilaannakuusumik issuaaneruvoq aamma iliniartut ineqarfianni  
inissiami ajoqsiinerit pillugu ilinniartut ineqarfianni najugaqartoq ilinniartut ineqarfianik  
aqutsisoqarfimmut nalunaaruteqarnissamut pisussaaffeqarluni. Aalajangersakkami atuuttumi  
ajoqsiinerit kinguartinneqarsinnaanngitsut ajoqsiinerillu allat akornanni  
immikkoortitsisoqarpoq. Taamatut immikkoortitsineq uani peerneqarpoq, tamatumalu  
kingorna ajoqsiinerit tamarmik pingaaruteqarlutik taamaattumillu ingerlaannartumik  
nalunaarutigineqassallutik.

Nalunaaruteqartussaatitaaneq tassunga atatillugu ilinniartut ineqarfianni najugaqartup  
nammineq ilinniartut ineqarfianni inissiaanut killeqartinneqarpoq, kisiannili  
nalinginnaanerusumik nalunaaruteqartussaatitaaneq, ilinniartut ineqarfiannut atassuteqartoq §  
29-mi malittarisassaqartinneqarlni.

#### *§ 25-mut*

Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 21, imm. 2-mik  
issuaaneruvoq tassanilu pineqarlni ilinniartut ineqarfianik aqutsisoqarfiup ilinniartut  
ineqarfianni inissiamut isersinnaanera.

Aalajangersakkap kingunerisaanik aalajangersakkami taaneqartunik pisuni ilinniartut  
ineqarfianni najugaqartoq ilinniartut ineqarfianik aqutsisoqarfiup ilinniartut ineqarfianni  
inissiamut isertinnissaanut pisussaaffeqarpoq.

Ilinniartut ineqarfianik aqutsisoqarfiup isernissaanut itigartitsinissamut suna naammaginartutut  
tunngaviusinnaanersoq aalajangersimasuni nalilerneqartariaqarpoq, pisulli naapertorlugit  
tassunga ilaasinnaalluni assersuutigalugu napparsimaneq. Tassunga atatillugu peqqutaasoq  
ilinniartut ineqarfianik aqutsisoqarfiup isernissamut pisariaqartitsinera qanoq  
nukinginnarluinnartuuneranut ataqtigissinneqartariaqarpoq. Assersuutigalugu imermik  
ajoquertoqarsimaneranik paasisaqarnermi, ingerlaannartumik akuluttoqarnissaanik

pisariaqartitsisoqarluni, isernissamut nukinginnarluinnartumik isernissarli pisariaqarpat pissuseq akerlianik imm. 3, oqaaseqatigiit aappaanut ilaasussaassaaq.

#### Nr. 1-imut

Aalajangersakkami nr. 1-imut assersuutigalugu ilaasinnaavoq ilinniartut ineqarfianni najugaqartoq akuerineqarnani inisimasoqarnera imaluunniit iliniartut ineqarfianni inissiamik tamakkiisumik ilaannakuusumilluunniit attartortitsisimaneranik tunngavissaqartumik pasitsaassaqarneq.

#### Nr. 2-mut

Aalajangersakkami nr. 2 assersuutigalugu atorneqarsinnaassaaq ilinniartut ineqarfiinik aqutsisoqarfiup assersuutigalugu pisarneq naapertorlugu misissuinermut atatillugu ilinniartut ineqarfianni najugaqartut inissiaannik ataasiakkaanik misissuinissamik pisariaqartitsinerani.

#### Nr. 3-mut

Nr. 3-mi pineqarpoq nalinginnaasumik taamaallunilu nukinginnarluinnanngitsut iluarsaassinerit, tak. imm. 3, oqaaseqatigiit aappaat.

#### Nr. 4-mut

Aalajangersakkami nr. 4-mi amerlanertigut ilinniartut ineqarfianni inissiap sivitsunngitsumi attartoqqinneqartussanngorpat, ilinniartut ineqarfianni najugaqartup inissiamit nuuttussanngornera pissutigalugu.

#### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 22, imm. 3-mik ingerlatitseqqinneruvoq tassanilu pineqarluni assersuutigalugu nakkutilliinermut atatillugu ilinniartut ineqarfiinik aqutsisoqarfimmit paasineqarluni attartorneqartup paarineqarnissaanut pisussaaffiminik ilinniartut ineqarfianni najugaqartoq piaaralugu imaluunniit ingasattumik sumiginnaanikkut pisussaaffiminik sumiginnaasimasoq. Aalajangersagaq ilinniartut ineqarfianni najugaqartup pitsaasumik illorsorneqarsinnaasumillu ilinniartut ineqarfianni inissiamik passunnissaanut nalinginnaasumik pisussaaffeqarneranut atatillugu isagineqassaaq.

Ilinniartut ineqarfiinik aqutsisoqarfik assersuutigalugu ilinniartut ineqarfianni inissiamik iluarsaassinerut atatillugu paasisaqarpat piffissami sivisuumi eqqiarneqartarsimannnginnerra pissutigalugu ipertoorujunngorsimasoq ajoquserneqarsinnaalluni ilinniartut ineqarfianni inissiap sukumiisumik eqqiarneqarnissaanik ilinniartut ineqarfianni najugaqartoq ilinniartut ineqarfiinik aqutsisoqarfimmi qinnuigineqarsinnaavoq. Taamaaqataanni atuutissaq assersuutigalugu igalaani ajoqusersimanerit paasineqarpata, qarsorsartartoq igalaamut qajannaarut atornagu igalaat ammatillugit silaannarissaasoqarsimanera imaluunniit kamippaat silami atortakkat illup iluani atorneqarneri pissutigalugit natermi ajoqusersimanerup paasineqarnera pissutigalugu.

### Imm. 3-mut

Aalajangersagaq ilinniartut ineqarfii pillugit nalunaarummi atuuttumi § 21, imm. 4-mik ingerlatitseqqinneruvoq ilinniartut ineqarfianni najugaqartup inissiaqarfiani ilinniartut ineqarfifiik aqutsisoqarfiiup sulinermik aallartitsisinnaanera tassani pineqarluni. Tassani pineqarsinnaavoq igaffiup uffarfiulluunniit nutarterneqarnera, matut igalaallu taarserneqarneri, taamaalilluni sukumiinerup aallartinneqarnissaanut nukinginnartumik pisariaqartitsisoqarnani, akerlianillu aalajangersakkami oqaaseqatigiit aappaanni pineqarluni ilinniartut ineqarfifiik aqutsisoqarfiiup ingerlaannartumik isumagineqarnissaannik iluarsaassinerit nukinginnarluinnartut.

### Imm. 4-mut

Aalajangersagaq ilinniartut ineqarfii pillugit nalunaarummi atuuttumi § 21, imm. 5-imik ingerlatitseqqinneruvoq ilinniartut ineqarfifiik aqutsisoqarfiiup sulineranut atatillugu pisariaqanngitsumik ajoqsiinermut akornusersuinermulluunniit naleqqiullugu iliniartut ineqarfifiik najugaqartumik illersuinissamik kissaateqarnermik tunngaveqartoq. Aalajangersakkami oqaaseqatigiit aappaanni pineqarpoq sulinerup annertunerusumik naammassineqarnerata kingorna aamma naggataarutaasumik kingornatigut annikitsunik iluarsaassissoqartussaatillugu. Tassani assersuutigalugu pineqarsinnaapput ilinniartut ineqarfifiik aqutsisoqarfiiup kiassaatitoqqanik assigisaanilluunniit peersisimanera iikkamilu annertuunik putoqalersimalluni kingornatigut iluarsanneqartussat.

Tassunga atatillugu pineqarpoq aalajangersagaq nalinginnaasoq sulinerit assigiinngitsut tamarmik pineqarsinnaallutik.

### § 26-mut

Aalajangersagaq ilinniartut ineqarfii pillugit nalunaarummi atuuttumi § 23-mik ingerlatitseqqinneruvoq tassanilu pineqarluni malittarisassanik eqqortitsinissamut pisussaaffik. Aalajangersakkamut taamaalilluni ilaavoq ilinniartut ineqarfifiik najugaqartup pulaartuisa ilinniartut ineqarfimiinneranni ilinniartut ineqarfifiik najugaqartup akisussaanera, tak. assersuutigalugu § 27, imm. 1 ataaniittoq.

### § 27-mut

### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 24-mik issuaaneruvoq tassanilu pineqarluni ilinniartut ineqarfifiik najugaqartup taarsiinissamut akisussaanera, tassunga ilanngullugit ajoqsiinernut ilinniartut ineqarfifiik najugaqartup pulaartuisa illersorneqarsinnaanngitsumik ilinniartut ineqarfifiik pissusilorsornerinut naleqqiullugu. Tassunga atatillugu aalajangersagaq malittarisassani najoqqtassatut isigineqarsinnaavoq, tassa taamatut taarsiinissamut akisussaaneq aamma nalinginnaasumik taarsiinissamut malittarisassanit takuneqarsinnaammat.

*§ 28-mut*

Imm. 1-imut

Aalajangersagaq nutaaajuvoq siunertaralugulu nalinginnaasumik suliffiup avataani ilinniartut ineqarfianni najugaqartoq isersinnaajunnaarsimanagerani taamaattumillu pineqartup isernissaanut sulisunik aggersaasoqarluni imaluunniit paarnaarsaasiortumik atorfissaqartitsisoqalernerani aningaasartuutit matussusernissaannut erseqqissumik tunngavissamik pilersitsinissaq.

Aalajangersagaq 2015-imi ilinniartut ineqarfiiit pillugit ataatsimiinnermi tamanna pillugu siunnersuuteqarnerup kingunerisaanik ilanngunneqarpoq. Tassunga atatillugu aamma allanneqarpoq amerlanertigut tamanna ajornartorsiutaasartoq unnukkut atuuttartoq, pingartumik sapaatit akunnerisa naaneranni.

Imm. 2-mut

Aalajangersagaq nutaaajuvoq aammattaarlu 2015-imi ilinniartut ineqarfiiit pillugit ataatsimiinnermi tamanna pillugu siunnersuuteqarnerup malitsigisaanik ilanngunneqararluni, tassani immikkut allanik matuersaatinik pissarsinermut aningaasartuutit akilerneqarnissaannut tunngavissamik erseqqissumik pissarsisoqarnissaanik kissaateqartoqarluni.

*§ 29-mut*

Aalajangersagaq ilinniartut ineqarfiiit pillugit nalunaarummi atuuttumi § 25-mik ingerlatitseqqiineruvoq.

Tassani pineqarput ilinniartut ineqarfianni najugaqartup nammineq inissiaanut tunnganngitsunut ajoqsiinernut naleqqiullugu nalunaaruteqartussaatitaaneq, tassunga tunngatillugu takujuk § 24, kisianni aamma ineqarfimmik immikkoortuni allani. Aalajangersagaq taanna malillugu nalunaaruteqartussaatitaanermi taamaalliluni assersuutigalugu ataatsimoorfiusuni ajoqsiinerit, ilinniartut ineqarfianni najugaqartumit alaatsinaanneqartussat. Tamanna ilinniartut ineqarfianni illusimatitsinerup immikkut inissiaqarfiuneranut atatillugu isigineqassaaq, tassaniilluni ilinniartut ineqarfiannut taamatut akisussaaneq, tassunga ilanngullugit ilinniartut ineqarfianni najugaqartut allat. Nalunaaruteqartussaatitaanermi apeqquutanngilaq kina ajoqsiinersoq imaluunniit qanoq ajoqsiisoqarnersoq.

*§ 30-mut*

Aalajangersagaq ilinniartut ineqarfiiit pillugit nalunaarummi atuuttumi § 27-mik ingerlatitseqqinneruvoq.

#### Nr. 1-imut

Aalajangersakkami nr. 1-imut pineqarput pulaartut unnuisut imaluunniit pulaartut ima akulikitsigisumik ilinniartut ineqarfianni inissiamiittarlutik pineqartup pivusumik nuussimasutut isikkoqarluni.

#### Nr. 2-mut

Aalajangersakkami nr. 2 attartortitsinermut nalinginnaasumik tunngasuussaaq. Tassunga atatillugu pingaaruteqanngilaq ilinniartut ineqarfianni inissiap ilinniartut ineqarfianik aqutsisoqarfimmi akuersisoqarnani ilinniartut ineqarfianni najugaqartunut allanut tunniunneqarnersoq. Aamma taamaappoq ilinniartut ineqarfianni inissiamik atuinermut akiliummik akiliisoqarsimanginnera uppermarsarneqarluarpalluunniit. Aalajangersakkami aamma ilinniartut ineqarfianni najugaqartoq inissiamik iliniartut ineqarfianni najugaqartumik allamik taarsiippat.

Assersuutit taaneqartut tamakkiisuunngillat, tassa aalajangersakkami ilinniartut ineqarfianni inissiamik eqqunngitsumik atuineq pineqarmat. Taamaalilluni aamma assersuutigalugu nujaleriffimmik, ulluunerani paarsisarnermik imaluunniit tuniniaasarnermik il.il. ilinniartut ineqarfianni inissiamit inuussutissarsiuutigalugu ingerlatsisoqassanngilaq.

#### § 31-mut

Aalajangersagaq tamarmiulluni nalunaarummi atuuttumi § 27-mut naapertuuppoq tassanilu pineqarluni ilinniartut ineqarfianni najugaqartoq qanoq annertutigisumik ilinniartut ineqarfianni inissiammi allannguisinnaanera pillugu apeqquut.

#### Nr. 1-imut

Allannguinissamut killeqartumik periarfissaqarneq utaqqiisaasumik illusimatitsinerup pineqarneranut atatillugu isigineqartariaqarpoq, aamma ilinniartut ineqarfianni inissiaq piffissap sivikitsup iluani ilinniartut ineqarfianni najugaqartumut nutaamut atugassanngortinneqartussaammat. Tamatuma saniatigut naatsorsuutigineqarpoq allannguinernik annertunerusunik aallartitsineq ilinniartut ineqarfianni inissiam aamma ilinniartut ineqarfia illutaanut annertuumik ajoqsiisinnaasoq taamaalillunilu siunissami ilinniartut ineqarfianni najugaqartussanut ajoqsiilluni.

#### Nr. 2-mut

Nr. 2 aamma malittarisassanik atuuttunik ingerlatitseqqinneruvoq pingaartumillu eqqiluisaarnissamik tunngaveqarluni assersuutigalugu ilinniartut ineqarfianni najugaqartut sapigaqartut eqqarsaatigineqarlutik.

#### Nr. 3-mut

Aalajangersakkami nr. 3-mut naleqqiullugu sakkut pilligit inatsimmi atuuttumi § 6-imit takuneqarsinnaavoq politimesterip assersuutigalugu sakkunik peqarnissamut akuersissummik

nalunaaruteqarneranut atatillugu aamma toqqortarinissaannut periarfissaanerinullu tunngasunik akuersissummi piumasaqaatinik aalajangersaasinnaasoq, isumannaatsuunissaq eqqarsaatigalugu piumasarineqartussatut naatsorsuutigineqarsinnaasunik.

### *§ 32-mut*

Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 28-mik ingerlatitseqqinneruvoq kinguneralugulu ilinniartut ineqarfianni najugaqartoq nammineq akilikkaminik ilinniartut ineqarfianni inissami assigiinngitsunik ikkussuisinnaanera, tamatumunnga ikkussuiffissat piareersarneqarsimanngippata.

Aalajangersakkami assersuutitut taaneqartut tamakkiisuunngillat, tassa taakkununnga aamma ilaasinnaammat assersuutigalugu errorsivik, panersiivik imaluunniit erruissut.

Imm. 2-mut

Aalajangersakkami takuneqarsinnaavoq ilinniartut ineqarfiinik aqtsisoqarfik ilinniartut ineqarfianni najugaqartup kissaataanut akerliusinnaasoq, ilinniartut ineqarfiinik aqtsisoqarfip uppernarsarpagu assersuutigalugu ilinniartut ineqarfiata aaqqissugaanera piginnaasaalu innaallagissamik pilersornera kuuffialu eqqarsaatigalugit ikkussugassanut kissaatigineqartut naammassanngitsut.

Ilinniartut ineqarfianni najugaqartoq allatigut pisuni tamani ikkussuinerit isumaginissaat sioqqullugu akuersissummik ilinniartut ineqarfiinut aqtsisoqarfimmut qinnuteqartassaaq. Tamatumunnga pissutaavoq ilinniartut ineqarfiannut tamarmiusumut iliniartut ineqarfiinik aqtsisoqarfip soqtigisanik isumaginnittuunera, tassunga ilanggullugu ilinniartut ineqarfianni najugaqartumut pineqartumut sanilit kiisalu ilinniartut ineqarfianni najugaqartut allat.

### *§ 33-mut*

Aalajangersagaq ilinniartut ineqarfii pillugit nalunaarummi atuuttumi § 30-mik issuaaneruvoq aamma ilinniartut ineqarfianni najugaqartunut immikkut pisariaqartitsisunut atassuteqarluni.

Aalajangersakkap kingunerisaanik ilinniartut ineqarfianni najugaqartoq, immikkut atortunik pisariaqartitsisoq, tamanna pillugu ilinniartut ineqarfiinik aqtsisoqarfimmiit siumoortumik akuersissummik pissarsereermigut tamakkuninnga ikkussuisinnaatitaavoq. Aalajangersakkami oqaaseqatigiinni siullerni assersuutit taaneqartut tamakkiisuunngillat, kisiannili atortut ilinniartut ineqarfianni najugaqartumut pineqartumut immikkut pisariaqartinneqartuussallutik.

Aalajangersakkami oqaaseqatigiit aappaata assingaa oqaaseqatigiinni siullerni  
akuersissummut ilinniartut ineqarfiinik aqutsisoqarfiup piumasarisinnaallugu  
kommunalbestyrelsip akuliunneratigut atortut ikkussuunnissaat sioqqullugu pissutsimut  
ilinniartut ineqarfianni inissiap utertinneqarneranut aningaasartuutinut  
qularnaveeqqusiisoqassasoq.

Pilerseqqinnejarnissaanut piumasaqaat aamma utaqqiisaasumik illusimatitsinerup  
pineqarnera, aamma ilinniartut ineqarfianni inissiap piffissap ungasinngitsup iluani ilinniartut  
ineqarfianni najugaqartumut nutaanut atugassanngortinneqarnissa, qularnanngitsumik  
assinganik pisariaqartitsinngitsoq, tassunga ikkussukkat akornutaasinnaaneri  
tunuliaqutaralugu isigineqassaaq.

Ilinniartut ineqarfiinik aqutsisoqarfiup siumoortumik akuersissuteqarnissa pillugu  
piumasaqaammut pissutaavoq § 30-mut nassuaammi naatsorsuutigineqartoq allannguinernik  
annertunerusunik aallartitsineq ilinniartut ineqarfianni inissiami, inunnut aamma ilinniartut  
ineqarfiata illutaanut annertuumik ajoqusiisinnaasoq taamaalillunilu siunissami ilinniartut  
ineqarfianni najugaqartussanut ajoqusiilluni.

Allatigut nalinginnaasumik taarsiinissamut malittarisassat malillugit ilinniartut ineqarfianni  
najugaqartup ikkussugaanik peqquteqartumik ajoqusiinernut ilinniartut ineqarfianni  
najugaqartoq taarsiisussaatitaavoq. Allatigut aamma ilinniartut ineqarfiinut nalunaarummi  
atuuttumi § 31-mi erseqqisumik takuneqarsinnaavoq. Inatsisilli oqaasertaanut matumunnga  
ilanngunneqarnissaata pisariaqartuusoq nalilerneqarnani, tassa tamanna nalinginnaasumik  
taarsiinissamut malittarisassanit takuneqarsinnaareermat.

#### *§ 34-mut*

Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 32, imm. 1-imik  
ingerlatitseqqinneruvoq tassanilu pineqarluni nuunneq ilinniartut ineqarfiinik  
aqutsisoqarfimmik isumaqatigiissut malillugu ilinniartut ineqarfianni najugaqartup  
pisussaaffiinut qulakkeernissaa.

Aalajangersakkami allatigut ilinniartut ineqarfianni najugaqartup taamaatitsinera  
pineqanngilaq, tassunga § 38 takujuk, kisiannili najugaqartoq qaqlugu ilinniartut ineqarfianni  
inissiamiit piviusumik nuussanersoq pillugu apeqqut pineqarluni.

Aalajangersagaq pissutsinut arlalinnut atassuteqarpoq, tassunga ilanngullugit ilinniartut  
ineqarfianni inissiamik misissuinissamik pisariaqartitsineq. § 42, imm. 1, nr. 4-imik pineqarpoq  
ilinniartut ineqarfiinik aqutsisoqarfimmik isumaqatigiissuteqarnani ilinniartut ineqarfianni  
najugaqartup piffissaanngitsukkut nuunnerani attartornermik isumaqatigiissummik ilinniartut  
ineqarfiinik aqutsisoqarfiup atorunnaarsitsisinnaanera.

## Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 32, imm. 2-mik ingerlatitseqqinneruvoq tassanilu pineqarluni imm. 1 malillugu pisussaaffimmik sumiginnaanerup kingunerisinnaasai.

## *§ 35-mut*

Aalajangersagaq ilinniartut ineqarfii pillugit nalunaarummi atuuttumi § 33-mik issuaaneruvoq tassanilu pineqarluni tamanna pisariaqartinneqarpat ilinniartut ineqarfianni najugaqartup nuutinnissaanut ilinniartut ineqarfiinik aqtsisoqarfiup periarfissaqarnera.

Assersuutigineqartut tamakkiisuunngillat. Taamaattorli namminiinnarsortumik nuunnerussanngilaq, tassa nuunneq piviusorsiorput piumasaqaatit aallaavigalugit tunngavilersorneqassamat.

Aalajangersagaq allatigut ilinniartut ineqarfianni inissiap utaqqiisaasumik illusimaffiunera pillugu tunngaviusumut assersunneqassaaq, aamma ilinniartut ineqarfiisigut tatisimanninnej piisutigalugu pitsaanerpaamik isumalluutitigut atuinissaq siunertalarugu tulleriaartuarnissaq isumagineqartussamat. Taamaattumik inatsimmi ilinniarnerup ingerlanera tamaat ilinniartut ineqarfianni inissiami ataatsimi ilinniartut ineqarfianni najugaqartup periarfissaqarnera pillugu isumalluarnissamik malittarisassanik aamma saqqummiussisoqanngilaq.

## *§ 36-mut*

### Imm. 1-imut

Aalajangersakkami oqaaseqatigiit siullit ilinniartut ineqarfii pillugit nalunaarummi atuuttumi § 34, imm. 3, oqaaseqatigiinnik siullernik issuaanerupput. Aalajangersagaq ilinniartut ineqarfiini tatisimannnginnermik tunngaveqarpoq, piginnaasamik qaqgukkulluunniit takkuttussamik iluaquuteqarnissaq ajornarluni.

Aalajangersagarli oqaaseqatigiit aappaannik nutaamik ilaneqarsimavoq. Taassuma assingaa oqaaseqatigiinni siullerni malittarisassaaq atorneqassanngitsoq, ilinniartut ineqarfianni najugaqartoq ilinniagaqarnersiutit pillugit malittarisassat tunuliaqtaralugit meeqlanik 18-it inorlugit ukiulinnik, aappamik inooqatigisamilluunniit ilaqlanissamik periarfissiippata peqatigisaanillu taakku siunnersuummi § 19, imm. 1 naapertorlugu ilinniartut ineqarfianni najugaqartoq peqatigalugu illusimatinneqarlutik.

Oqilisaassiniissamut malittarisassamut nutaamut pissutaavoq ilaquitat ilaatinneqartut ilinniartut ineqarfian najugaqartup peqanngikkallarnerani aamma nutsertussaappata ilaqtariit taamatut ittut ajornaruinnartumik inissisimalersinnaanerat.

#### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 3, oqaaseqatigiit appaannik ingerlatitseqqinneruvoq aamma ilinniartut ineqarfian najugaqartup peqannginnerani ilinniartut ineqarfianik aqutsisoqarfiup ilinniartut ineqarfian inissiamik attartortitsisinnaaneranut atatillugu isigineqassaaq. Aalajangersagaq aamma ilinniartut ineqarfianik aqutsisoqarfiup allamut atortitaanut ilinniartup inissiamut akiliinissaata naammaginartuunnginneranut oqariartuutaavoq.

#### Imm. 3-mut

Aalajangersagaq nutaajuvoq aamma sulinermi unamminartoq saaffigalugu, tassaasoq ilinniartut ineqarfian najugaqartup pigisaanik passussineq, tassunga ilanngullugu piffissami ilinniartut ineqarfian najugaqartup imm. 1 malillugu inissiamik ilinniartut ineqarfianik aqutsisoqarfimmut atugassiigallarneranut atatillugu pequitit. Tassunga atatillugu suleriaatsimik ullumikkut annertuumik pingaartumik ilinniartut ineqarfian inissiam pequtilersugaanngitsunut naleqqiullugu atorneqartumik katersuineq pineqarluni. Tassani paasineqarpoq ilinniartut ineqarfian inissiap assersuutigalugu pequtinik atortunillu atortulorsorsimannginnera ilinniartup illoqarfimmil ilinniarfeqarfiusumi najugaqarnerani piffissami ilinniartut ineqarfian inissiamissinnaanera ajornarunnaarluni, taamaalillunilu ilinniartup peqanngikkallarnerani ilinniartut ineqarfian najugaqartumit allamit atorneqarsinnaalluni.

### *§ 37-mut*

#### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 35, imm. 1-imik issuaaneruvoq. Aalajangersagaq ilinniartitaanermi ilinniarnermik ingerlataqartumut ilinniartumut ilinniartut ineqarfian inissiat taamaallaat atugassangortinnejartarnissaat pillugu ilinniartut ineqarfii pillugit malittarisassani tunngaveqarnerannut naapertuuppoq. Inooqatigisat aappallu taamaalilluni inatsimmi tulleriaarinermut ilaanggillat, tamannalu ilinniartut ineqarfian inissat amigaataanerinut atatillugu isigineqassalluni.

#### Imm. 2-mut

Aalajangersagaq imm. 1-imut tapertaavoq, tassani takuneqarsinnaalluni inooqatigisaq appaasorluunniit tamanna pillugu nammineq qinnuteqartoqarnera tunuliaqutaralugu atuisinnaatitaanermik tigusisinnaasoq. Tamatumani tunngavigineqassaaq pineqartup nammineq aamma avataaneersuunera aamma ilinniartitaanermi tapiiffigineqartussaasumi ilinniarnermik ingerlataqartuunera.

### § 38-mut

#### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 36, imm. 1-imik issuaaneruvoq tassanilu pineqarluni ilinniartut ineqarfianni najugaqartup taamaatitsinera, tassunga ilanggullugu taamaatitsinissaq pillugu kalerriinermik tunniussineq. Peqatigisaanik aalajangersakkamut ilaavoq ilinniartut ineqarfianni najugaqartumut iluaqutaasumik attartornermi isumaqatigiissummi sivikinnerusumik kalerriinissamik aalajangersaasinnaaneq. Tassunga atatillugu ilinniartut ineqarfianni najugaqartoq attartornermiit sukkanerusumik anisinnaavoq, ilinniartut ineqarfianni najugaqartoq ilinniartut ineqarfianni inissiamik atugaqarnissamut tassanngaannartumik pisariaqartitsiunnaarpat.

Taamaatitsinissamut periarfissaq taamaallaat ilinniartut ineqarfianni najugaqartumut tunngasuuvooq assersuutigalugulu ilaqtut ilaaqunatik, aamma ilinniartut ineqarfianni najugaqartup taamaatitsinissamut periarfissaat atutissalluni, ilinniartut ineqarfianni inissiaq assersuutigalugu ilinniartut ineqarfianni najugaqartumut taassumalu inooqatigisaanut appaanulluunniit ataatsimut inissiaagaluarpualluunniit.

Taamaatitsinerup allanneqarsimanissaq pillugu piumasaqaatip assingaa taamaatitsineq aamma elektroniskimik nassiunneqarsinnaasoq.

#### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 36, imm. 2, oqaaseqatigiinnik siullernik issuaaneruvoq. Aalajangersakkap kingunerisaanik piffissap taamaatitsinissamut kalerriinerup naanissaata tungaanut ilinniartut ineqarfiani inissiamut atassuteqartunik aningaasartuutinik ilinniartut ineqarfiani najugaqartoq akiliissaaq, tak. imm. 1.

#### Imm. 3-mut

Aalajangersagaq ilinniartut ineqarfiiinut nalunaarummi atuuttumi § 36, imm. 2, oqaaseqatigiit aappaannik aamma pingajuannik issuaaneruvoq aamma imm. 2-mi allaaserineqartunut attuumassuteqarluni. Tamatumani pineqarpoq pisoq ilinniartut ineqarfianni najugaqartup piffissaq isumaqatigiissutaasoq sioqqullugu nuulluni aniffigisaa.

Ilinniartut ineqarfianni inissiap inueruttup sapinngisamik sukkanerpaamik attartorteqqinneratigut ilinniartut ineqarfianni najugaqartup aningaasartuutaanik killeqartitsiniarnissamut ilinniartut ineqarfianik aqutsisoqarfik aalajangersagakkut pisussaatinneqarpoq. Ineqarnermut akiliut, piffissami taamaatitsinissamik ilimasaarinerup naanissaq sioqqullugu attartortitseqqinnikkut attartornikkut ilinniartut ineqarfianik aqutsisoqarfip isertitaa ilinniartut ineqarfianni najugaqartumut nuuttumut ilinniartut ineqarfianik aqutsisoqarfip piumasaqaataanit ilanngaatigineqassapput.

Ilinniartut ineqarfianni najugaqartoq assersuutigalugu qularnaveeqquisiinermi qaammammut ataatsimut ineqarnermut akilummik akiliisimappat ilinniartut ineqarfianni najugaqartup qularnaveeqquisiisimanini utertissavai, pineqartup qularnaveeqquisiinerata matussusersimasassaani qaammammi ilinniartut ineqarfianni najugaqartup nuunnerata kinguninnguatigut inissiaq ilinniartut ineqarfiinik aqutsisoqarfimmit attartorteqqinnejarp. Tamannali qularnaveeqqutit taakku aningaasartuutit allat matussusernissaannut atorneqannngippata tamanna aatsaat atutissaaq, tak. § 46, imm. 2.

Aalajangersakkap aamma assingaa suliami pisunik aalajangersimasumik naliliinerup kingorna ilinniartut ineqarfiinik aqutsisoqarfiup piffissami taamaatitsiffiusumi inissiamik attartortitseqqittussaasimagaluarp, kisiannili taamaaliorssimanani, iliniartut ineqarfianni najugaqartoq nuuttoq taamaaqataanik ilinniartut ineqarfiinik aqutsisoqarfimmiit aningaasartuutini taarsertissavai.

#### *§ 39-mut*

Aalajangersagaq ilinniartut ineqarfii pillugit nalunaarummi atuuttumi § 37-mik annertunerusumik ingerlatitseqqinneruvoq tassanilu pineqarluni ilinniartut ineqarfianni inissiap pissusaa pissutigalugu attartornermik isumaqatigiisummik ilinniartut ineqarfianni najugaqartup atorunnaarsitsisinnaanera. Aalajangersagaq assersuutigalugu ilinniartut ineqarfianni inissiaq ipertuppat imaluunniit teknikkut ikkussukkat atorsinnaanngippata atorneqarsinnaassaaq.

Peqatigisaanik amigaatit annertuujuussaanerinik piumasaqaateqartoqarpoq, tamannalu aalajangersimasumik nalilerneqassalluni, pingartumik amigaatit ilinniartut ineqarfianni inissiamik ilinniartut ineqarfianni najugaqartup atuinissaanik qanoq annertutigisumik ajorseriarnera pillugu apeqqut aallaavigalugu.

Aammattaaq aalajangersakkamit takuneqarsinnaavoq atorunnaarsitsinissamut pisinnaatitaaffiup atorneqarnissaanut tunngaviussammat amigaatit ilinniartut ineqarfianni najugaqartumit upuarneqarneranniit ingerlaannartumik ilinniartut ineqarfiinik aqutsisoqarfiup iluarsiiniarsimannginnera. Tassani aamma pineqarsinnaavoq piffissap naammaginartup iluani iluarsiisoqarsinnaannginneranik ilinniartut ineqarfiinik aqutsisoqarfiup paasititsisimanera.

#### *§ 40-mut*

##### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 38, imm. 1-imik issuaaneruvoq. Taamaattorli ilanngunneqarluni ilinniartut ineqarfiinik aqutsisoqarfik aamma ilinniartut ineqarfianni inissiamik najugaqarnissamut ilinniartut ineqarfianni najugaqartoq

piumasaqaatinik naammassinnikkunnaarpat ilinniartut ineqarfianni najugaqartup taamaatinnissaanut pisussaaffeqarpoq. Tamanna isumaqarpoq ilinniartut ineqarfiinik aqtsisoqarfiup ilinniartut ineqarfianni najugaqartoq taamaatissinnaagaa, ilinniartut ineqarfianni najugaqartoq assersuutigalugu arlaatigut illoqarfimmi ilinniarfeqarfiusumi inissiamik oqartussaaffeqalerpat, tassunga ilanngullugu sulisunut inissiaq.

Aalajangersakkap ilinniartut ineqarfiinik aqtsisoqarfiup pisussaaffiata oqaasertalerneranut pissutaavoq ilinniartut ineqarfiini inissianik amigaateqarneq. Ilinniartut ineqarfianni najugaqartup assersuutigalugu ilinniarneq naammassisimappagu imaluunniit kipitissimappagu allatigullunniit ilinniartut ineqarfianni inissiamik najugaqarnissamut piumasaqaatinik naammassinnikkunnaarpat tamatuma assingaa ilinniartut ilinniarnermik ingerlataqartuusut allat, ilinniartut ineqarfianni inissiamik tunineqarnissamut piumasaqaatinik naammassinnittut, ilinniartut ineqarfiini inissiat amigaataanerisa malitsigisaanik ilinniarnermik taamaatiinnartariaqarlugu.

Ilinniartut ineqarfianni najugaqartut ilinniartut ineqarfiini inissianik najugaqarnissamut piumasaqaatinik naammassinninnerinik ataavartumik ilinniartut ineqarfiinik aqtsisoqarfik qulakkeerinissamut taamaattumik pisussaaffeqarpoq.

Aalajangersakkami oqaaseqatigiit kingulliit, ilinniartut ineqarfiinut nalunaarummi atuuttumi § 38, imm. 1, oqaaseqatigiit aappaannik issuaanerusoq, tassaavoq ilinniarnermik ingerlataqartuunnginnermut suup ilaasinnaaneranik erseqqissaaneq, tassanilu aamma ilinniartitaanermiit unikkallarnerit assigiinngitsut aamma ilaallutik.

#### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 38, imm. 2-mik issuaaneruvoq tassanilu pineqarluni ilinniartut ineqarfianni najugaqartup ilinniartut ineqarfianni inissiamik kingusinnerpaamik qaqqugu qimatsisimanissaa pillugu apeqqu. Ullut kingulliit qulit taamanikkut piffissap taaneqartup iluani illoqarfimmiit ilinniarfeqarfiusumiit ilinniarnerup aallartinnissaa sioqquillugu najugaqarfiusumut aalajangersimasumut angalanissaanut naleqqiullugu tulluartumik aallariartornissap qulakkeerneqarsinnaaneranik naliliineq aallaavigalugu aalajangersarneqarpoq.

#### Imm. 3-mut

Aalajangersakkami pineqarpoq ilinniarfeqarfiusup ilinniartut ineqarfianni najugaqartumik ilinniartitaanermiit anisitsinera, assersuutigalugu ilinniarnermik ingerlataqannginneq imaluunniit pissusissanik malinninnginneq tunuliaqtigalugu, ilinniartullu ilinniarfeqarfiusup aalajangiinera allaffissornikkut oqartussanut allanut naammagittaalliuutigalugu. Pisuni taamatut ittuni imm. 3 naapertorlugu ilinniartut ineqarfianni najugaqartoq suli ilinniartut ineqarfianni inissiami najugaqarsinnaassaaq, anisitsineq pillugu inaarutaasumik allaffissornikkut qaffasinnerusumik oqartussaasut aalajangiinissaasa tungaannut. Aalajangersagaq allaffissornikkut qaffasinnerusumik oqartussanut naleqqiullugu taamaallaat

atorneqarsinnaavoq, pisunili anisitsineq eqqartuussivinnut suliassanngortinneqarneraniunngitsoq.

#### *§ 41-mut*

Imm. 1-imut

Aalajangersagaq annertuutigut ilinniartut ineqarfii pillugit nalunaarummi atuuttumi § 49, imm. 1-imut naapertuuppoq tassanilu pineqarluni ilinniartut ineqarfiinut aqtsisoqarfiiup ilinniartut ineqarfianni najugaqartumik taamaatitsinissaa, aalajangersakkamut innersuunneqartunik malittarisassanik imaluunniit ilinniartut najugaqarfianut atuuttunik malittarisassanik ilinniartut ineqarfianni najugaqartoq unioqqutitsippat.

§ 40-p paarlattuanik aalajangersakkami innersuunneqartunik malittarisassanik ilinniartut ineqarfianni najugaqartoq unioqqutitsippat taamaatitsinissamat pisussaaffeqarnani. Tamanna § 41-p atorneqarneratigut ilinniartut ineqarfianni najugaqartoq tunngaviatigut ilinniartut ineqarfianni inissiamik atuisinnaanermut tunngaviusumik piumasaqaatinik suli naammassinninneranut atatillugu isigineqassaaq, paarlattuanillu § 40-mi pineqartut pisut, assersuutigalugu ilinniarnermik ingerlataqartuuneq atorunnaarsimasinnaalluni.

Aammattaaq maluginiarneqassaaq ilinniartut ineqarfiinik aqtsisoqarfik nalinginnaasumik ingerlatsinikkut inatsisini malittarisassanik tunngaviusunillu malinnittussaammat, tassunga ilanngullugu sulianik suliarinninnermut atatillugu atsikkutigiissaartumik suliarinnittarneq pillugu tunngaviup isiginiarneqarnissaa pillugu piumasaqaat. Tassunga ilaapput ilinniartut ineqarfiinik aqtsisoqarfik aalajangersagaq tunngavigalugu pisinnaatitaaffinnik ingerlataqarnermut atatillugu aamma assersuutigalugu nalilersussammagu taamaatitsinissamat tunngavigineqartumi malittarisassamik unioqqutitsineq aamma pingaaruteqarnersoq, imaluunniit annikitsumik sumiginnaaneq taamaallaat pineqarnersoq, assuarliuteqarnikkut isumagineqarsinnaasoq.

Ilinniartut ineqarfiinut nalunaarummit atuuttumit takuneqarsinnaavoq ilinniartut ineqarfiinik aqtsisoqarfik nr. 3 malillugu ilinniartut ineqarfianni najugaqartumik taamaallaat taamaatitsisinnaasoq, tamanna sioqqullugu allakkatigut marloriarluni mianersoqqusisoqarsimappat, ilinniartullu ineqarfiinik aqtsisoqarfik aalajangersakkami nr. 1-ip imaluunniit 2-p atorneqarnerani sioqqutsisumik mianersoqqusisussaanani.

Tamanna maannakkut allanngortinneqarpoq iliniartut ineqarfiinik aqtsisoqarfiiup aalajangersakkamik taamaatitsinissamat periarfissat taaneqartut arlaannik atuisinnaanani siumoortumik ataasiarluni allakkatigut mianersoqqusisimanngikkuni.

Pissusaanut naleqqiullugu unioqqutitsinerit ataasiakkaat pissussaaffinnut innersuussisussoqassaaq aalajangersakkami allanneqartunut.

Aalajangersakkami nr. 3 sukannersumik pisoqartillugu, tassunga ilanngullugu malittarisassanik immikkut ittumik ingasattumik unioqquitsineq, § 42 imaluunniit § 43 malillugu suliamik suliarinninnissaq pisariaqalersinnaasoq maluginiarneqassaaq, taanna malillugu ilinniartut ineqarfiinik aqutsisoqarfip ilinniartut ineqarfianni najugaqartup taamaatinnissaanut taarsiullugu attartorermik isumaqatigiissummik atorunnaarsitsisinnaalluni.

#### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 40, imm. 1-imik ilaatigut ingerlatitseqqiineruvoq. Taamaatitsinerup allagaasimanissaa pillugu piumasaqaammut siullermik pissutaavoq inatsisitigut isumannaatsuunissamik isiginiaakkat aamma suliami uppernarsaatissat eqqarsaatigineqarneri, tassunga ilanngullugu suliap ineriartornera pillugu nalornissutaasinnaasut pinngitsoortinnissaasa eqqarsaatigineqarneri. Tamanna pingaartumik taamaatitsinerup naammagittaalliuutigineqarsinnaaneranut atatillugu pingaarpooq.

#### § 42-mut

Aalajangersagaq ilinniartut ineqarfii pillugit nalunaarummi atuuttumi § 41, imm. 1-imik ilaatigut ingerlatitseqqiineruvoq tassanilu pineqarluni ilinniartut ineqarfiinik aqutsisoqarfip ilinniartut ineqarfianni najugaqartumik attartorneq pillugu isumaqatigiissummik atorunnaarsitsisinnaanera. Tassani taamaatitsinerup paarlattuanik paasineqarpoq, taamaatitsinissamut kalerriineq ilaalluni, ilinniartut ineqarfiinik aqutsisoqarfip attartorneq pillugu isumaqatigiissummik atorunnaarsitsineq pillugu ilinniartut ineqarfianni najugaqartumut nalunaaruteqarnerata piffissami kinguninngua attartorneq atorunnaarluni.

§ 42-imi allanneqartut unioqquitsinerit erseqqinnerusumik misissorniarlugit pisussaaffinni pissutsinut aalajangersakkanut nassuiaatinut innersuussisoqassaaq.

Iliniartut ineqarfii pillugit nalunaarummi aalajangersagaq imm. 2-mik ilassuteqarpoq, tassannga takuneqarsinnaalluni ilinniartut ineqarfianni najugaqartup sumiginnaanera annertuppat aalajangersagaq naapertorlugu attartorermik isumaqatigiissummik ilinniartut ineqarfiinik aqutsisoqarfik taamaallaat atorunnaarsitsisinnaasoq. Tamanna aalajangersakkami nutaami ilanngunneqanngilaq, tassa pissutsit allatorneqartut pissusaat malillugit annertuumik sumiginnaanertut aallaaviatigut isigineqartariaqarmata.

Aammattaaq aalajangersakkami tessani oqaaseqatigiit aappaannit takuneqarsinnaalluni pissutsit iluarsineqarnissaannut allakkatigut ilinniartut ineqarfianni najugaqartoq ilinniartut ineqarfiinik aqutsisoqarfimmit peqquneqartinnagu iliniartut ineqarfiinik aqutsisoqarfik attartorermik isumaqatigiissummik aamma atorunnaarsitsisinnaanngitsoq, tamannalu aamma atuulluni pissutsit iluarsineqarsimappata, iliniartut ineqarfiinik aqutsisoqarfip attartorermik isumaqatigiissummik atorunnaarsitsinissa sioqqullugu. Tamanna aalajangersakkamik

nutaamik oqaasertaliinermi ilanngunneqanngilaq, tassa aalajangersagaq pisariaqanngitsutut isigineqarmat, ilinniartut ineqarfiinik aqutsisoqarfik nalinginnaasumik ingerlatsivinni inatsisini malittarisassanik malinnittussaammat, tak. § 41-mut tamanna pillugu nassuiaammi allanneqartut.

Tassunga ilanngutissaq aalajangersakkap atorneqarnera taamaattumik aamma sulianik suliariinnittarneq pillugu inatsimmi malittarisassat isiginiarlugit pisussaammat, tassunga ilanngullugit tunngavilersuineq, peqataasunik tusarniaaneq aamma naammagittaalliorissamut ilitsersuussineq pillugit. Allatut oqaatigalugu naleqqiussineq pillugu tunngaviup isiginiarneqarnerata saniatigut aamma peqataasunik tusarniaasoqassasoq, aalajangersagaq naapertorlugu attartornermik isumaqatigiisummik atorunnaarsitsinissamik ilinniartut ineqarfiinik aqutsisoqarfip alloriarsinnaanera sioqqullugu.

Nr. 7-imu unioqqutitsineq qanoq ingasatsigineranik apeqqummut naleqqiullugu unioqqutitsinerup qanoq ittuuneranik aalajangersimasumik naliliineq aallaavigineqassaaq, tassunga ilanngullugu siusinnerusukkut assingusumik malittarisassanik unioqqutitsisoqarsimanersoq, tassunga ilanngullugu pissuseq siusinnerusukkut uparuarneqarsimanersoq.

#### *§ 43-mut*

##### Imm. 1-imut

Aalajangersakkap ilinniartut ineqarfii pillugit nalunaarummi atuuttumi § 42, imm. 1-i assigilluinnarpaa tassanilu pineqarlutik pissutsit attartornermik isumaqatigiisummik ingerlaannartumik atorunnaarsitsinermik tunngaviusinnaasut.

Ingerlaannartumik sunniuteqartumik atorunnaarsitsinermi peersitsineq pineqassaaq, § 42 malillugu atorunnaarsitsinermisut pinnani inissiap qimanneqarnissaanut ullualuinnarnik periarfissiisoqarluni.

Tassani pineqarput pissutsit, pissusai malillugit avatangiisinut navianartorsiortitsisut, tassunga ilanngullugit iliniartut ineqarfianni najugaqartut allat kiisalu ilinniartut ineqarfianni sulisut.

Ingerlaannartumik sunniuteqartumik attartornermik isumaqatigiisummik atorunnaarsitsinissamut pisinnaatitaaneq taamaalilluni piviusumik pisinnaasutigullu ajoqusiinerit sunniutaasut pissutsit ilaatinneqarput. Peqatigisaanik ilinniartut ineqarfianni suup qummut killiuneranut oqariartuutaalluni.

##### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 42, imm. 2-mik issuaaneruvoq aamma iliuutsinut pissutsinullu inunnit ilinniartut ineqarfianni najugaqartup ilinniartut ineqarfiannut isertitaanit pisunut ilinniartut ineqarfianni najugaqartup akisussaaneranut oqariartuutaalluni.

Aalajangersakkami assersuutigalugu ilinniartut ineqarfianni najugaqartup pulaartui aamma ilaallutik ilinniartut ineqarfianni malittarisassanik eqqortitsinissamut pisussaaffeqarnerat pillugit § 26-mut naleqqiullugu eqqarsaatigisassat atuuttuusut tunngavilersuutigineqarput. Tamanna isumaqarpoq ilinniartut ineqarfianni najugaqartumut pulaartut ilinniartut ineqarfianniinnerat ilinniartut ineqarfianni najugaqartumit akisussaaffigineqartut. Ilinniartut ineqarfianni najugaqartumut pulaartoq assersuutigalugu ilinniartut ineqarfianni najugaqartumut allanut imaluunniit sulisunut persuttaappat taava ilinniartut ineqarfianni najugaqartoq pulaartumi pissusilersuutaanut akisussaatinneqassaaq.

Peqatigisaanik oqaatigineqassaaq attartorermik isumaqatigiisummik ingerlaannartumik atorunnaarsitsineq tassaammat ingerlatsivimmi inatsisitigut aalajangiineq, taamaattumik ilinniartut ineqarfiinik aqtsisoqarfik pisuni taakkunani aamma nalinginnaasumik ingerlatsivinni inatsisitigut malittarisassat kiisalu sorianik sularinninnermi inatsimmi malittarisassanik isiginiartussalluni.

#### *§ 44-mut*

##### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 43, imm. 1, oqaaseqatigiinnik siullernik ilaatigut naapertuuppoq, tassa oqaaseqatigiit siulliit assigimmagit.

2. Ilinniartut ineqarfianni najugaqartup sumiginnaanerup malitsigisaanik, tassunga ilanngullugu ilinniartut ineqarfianni inissiami ilinniartut ineqarfianni najugaqartup anisitaanerani aningaasartuutit, annaasanut sunulluunniit taarsiinissaai pillugu nalunaarummi atuuttumi immikkoortoq imm. 3-mut nutaanut nuunneqarpoq, tak. ataaniittoq.

Aammattaaq februar 2015-imi ilinniartut ineqarfii pillugit ataatsimiinnermi tamanna pillugu siunnersuut tunuliaqutaralugu oqaaseqatigiit pingajuannik nutaamik ikkussisoqarpoq, oqaaseqatigiinni siullermi malittarisassamut tunngatillugu oqilisaassinerusoq. Malittarisassaaq nutaaq isumaqarpoq ilinniartut ineqarfiinik aqtsisoqarfik aalajangersimasumik naliliinerup kingorna nuunnissaa eqqarsaatigalugu anisitsineq ulla tallimat tikillugit kinguartitsisinnaasoq. Ilinniartut ineqarfiinik aqtsisoqarfik taamaalilluni suliami pisut aalajangersimasut aallaavigalugit aalajangersagaq naapertorlugu aalajangiisinnaavoq, tassunga ilanngullugu navianartup nalilersoneratigut ilinniartut ineqarfianni najugaqartoq suli ullualunniit najugaqartissinnaallugu, assersuutigalugu allap illusimatinnissaannut periarfissaq pillugu apeqqut kiisalu timmisartup imaluunniit umiarsuup tullianik qaqugu aallarsinnaanersoq pillugu apeqqut il.il. ataqtigiissillugit.

##### Imm. 2-mut

Aalajangersagaq nutaajuvoq aamma imm. 1, oqaaseqatigiit aappaanni oqilisaassinermut atatillugu isigineqassalluni.

Aalajangersakkap kinguneraa atorunnaarsitsinissamut tunngavigineqartoq ikiaroornartunik toqqortaqarnermik imaluunniit persuttaanermik imaluunniit tamanna pillugu siorasaarinermik tunngaveqarpat, taava ilinniartut ineqarfiinik aqutsisoqarfip taamaattoq piumasarisinnaavaa ilinniartut ineqarfianni najugaqartoq sumiginnaasoq ingerlaannartumik sunniuteqartumik iliniartut ineqarfiannik qimatsissasoq. Atorunnaarsitsinissamut tunngavigineqartut pissutsit taaneqartut ilinniartut ineqarfianni najugaqartut allat eqqarsaatigalugit immikkut sumiginnaanertut isigineqarput, tassunga ilanggullugu assersuutigalugu ilinniartut ineqarfianni najugaqartut allat persuttaaffigineqartut imaluunnit siorasaarneqartut eqqarsaatigalugit aamma ilinniartut ineqarfianni najugaqartut ukiukinnerusut eqqarsaatigalugit.

#### Imm. 3-mut

Soorlu imm. 1-imut nassuaatini allanneqartoq ilinniartut ineqarfii pillugit nalunaarummi atuuttumi § 43, imm. 1, oqaaseqatigiit aappaannik issuaaneq pineqarpoq.

Ilinniartut ineqarfianni najugaqartup sumiginakkanik pilersitseqqinnissamut pisussaaffimmik aalajangersagaq pilersitsivoq. Aningaasartututinut ilaasinjaapput assersuutigalugu pequtit aserorsimasut aamma ilinniartut ineqarfianni najugaqartup pigisaanik nuutsinermi aningaasartuutit. Malittarisassaq aamma nalinginnaasumik taarsiinissamut malittarisassanik malinnittusoq naatsorsuutigineqarpoq, taamaattorli apeqqutit pillugu nalornissuteqarsinnaanerit pinngitsoortinnissaat siunertaralugu ilangunneqarsimalluni.

#### Imm. 4-mut

Ilinniartut ineqarfianni inissiap inueruttup sapinggisamik sukkanerpaamik attartorteqqinneratigut ilinniartut ineqarfianni najugaqartup aningaasartuutaanik killeqartitsiniarnissamut ilinniartut ineqarfiinik aqutsisoqarfik aalajangersagakkut pisussaatinneqarpoq. Ineqarnermut akiliut, piffissami taamaatitsinissamik ilimasaarinerup naanissaa sioqqullugu attartortitseqqinnikkut attartornikkut ilinniartut ineqarfiinik aqutsisoqarfip isertitaa ilinniartut ineqarfianni najugaqartumut nuuttumut ilinniartut ineqarfiinik aqutsisoqarfip piumasaqataanit ilanngaatigineqassapput.

### § 45-mut

#### Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 42, imm. 1-imik ingerlatitseqqinneruvoq.

Aalajangersakkamit takuneqarsinnaavoq illusimatitsineq eqqarsaatigalugu ilinniartut ineqarfiinik aqutsisoqarfip pisussaaffii taamaatitsinermi atorunnaarsitsinermilu tamarmik atorunnaartartut.

#### Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 45, imm. 2-mut naleqqiullugu annertuumik allanngortinneqarpoq.

Aalajangersagaq maannakkut imatut allanngortinneqarpoq ikiaroornartut imaluunniit persuttaaneq pineqartillugit sumiginnaaneq pissutigalugit atorunnaarsitsinermut naleqqiullugu peqataaqqusinngikkallarneq taamaallaat atorneqarsinnaalluni.

Tassani pineqarput pissutsit immikkut navianaateqartut, aamma ilinniartut ineqarfian ni najugaqartunut allanut ulorianartorsiortitsisinaasut, tassunga ilanngullugit assersuutigalugu ilinniartut ineqarfian ni najugaqartut allat persuttaaffigineqartut imaluunniit siorasaarneqartut eqqarsaatigalugit.

Tassunga atatillugu ilaatisiunnaarnermi ilinniartut ineqarfiat assersuutigalugu ikiaroornartut imaluunniit persuttaaneq pillugit malittarisassanik unioqqutitsiffiusoq kisimi pineqanngilaq, kisianni aamma ilinniartut ineqarfii allat.

Aammattaaq ilaatisiunnaarnermut piffissatigut ukiumik ataatsimik qummut killiliisoqarluni. Tamanna nalunaarummi atuuttumi aalajangersakkap assinganut atatinneqassaaq, tassani ilaatisiunnaarneq ilinniartut ineqarfian ni najugaqartup ilinniartut ineqarfianik aqtsisoqarfimmik isumannaagassami inissinneqarnissaasa tungaanut piffissamut tunngaviatigut ingerlaannassalluni. Tassunga ilanngutissaaq malittarisassat atuuttut malillugit ilaatisiunnaarnissamut pisinnaatitaaneq atorunnaarsitsinermi tunngaviliisunut sumiginnaanernut sunulluunniit tunngaviatigut atorneqarsinnaammatt.

#### *§ 46-mut*

##### **Imm. 1-imut**

Aalajangersagaq ilinniartut ineqarfii pillugit nalunaarummi atuuttumi § 46, imm. 1-imik ingerlatitseqqinneruvoq tassanilu pineqarluni ilinniartut ineqarfian ni issiaq qanoq ittuutillugu ilinniartut ineqarfianik aqtsisoqarfimmut tunniunneqarnissaa pillugu apeqquut.

Apeqqu tip akineqarnera § 20, imm. 2-mik aallaaveqartariaqarpoq, piffissami iserternermi ilinniartut ineqarfian ni issiaq qanoq pitsaassuseqassanersoq tassani allanneqarmat. § 20, imm. 2-mi pissutsit taaneqartut taamaalillutik piffissami tunniussinermi pissutsinik nalilersuinermut malittarisassatut atorneqarsinnaapput. Tamatuminnga nalilersuinermi nungullariartorermik pisoqalerneanillu tunngaveqartut nalinginnaasumik ajorseriarnerit aamma ilanngaatigineqartariaqarput, aamma ilinniartut ineqarfian ni najugaqartup aserfallatsaaliinissamut pisussaaffianut ilaamatik. Tassunga ilanngutissapput amigaataasinnaasut ilinniartut ineqarfian ni najugaqartumit iluarsineqartussaasut.

##### **Imm. 2-mut**

Aalajangersagaq suliareqqinnejarluni ilinniartut ineqarfii pillugit nalunaarummi atuuttumi § 46, imm. 4-mik ingerlatitseqqiineruvoq.

Ilinniartut ineqarfianik aqtsisoqarfik ilinniartut ineqarfian ni jugaqartup nuunneranut atatillugu iserternermisullu ilinniartut ineqarfian inissiap pissuseqalersinnissaanut qularnaveeqqutinik atuisinnaavoq, tak. imm. 1, aamma attartornermut isumaqatigiisummut atatillugu ilinniartut ineqarfian najugaqartumut ilinniartut ineqarfianik aqtsisoqarfip aningasatigut piumasaqaatigisinnaasaanut tamanut matussutissatut.

#### § 47-mut

Imm. 1-imut

Aalajangersagaq ilinniartut ineqarfii pillugit nalunaarummi atuuttumi § 47, imm. 3-mik ilaatigut ingerlatitseqqiineruvoq tassanilu pineqarluni ilinniartut ineqarfian najugaqartup nuunneranut atatillugu misissuinermi nalunaarusiornissaq.

Tassunga tunngatillugu oqaatigineqassaaq ilinniartut ineqarfianik aqtsisoqarfip aamma ilinniartut ineqarfian najugaqartup akornanni ataatsimoirluni misissuinissaq pillugu aalajangersagaq peerneqarmat, tassa ataatsimoirluni misissuineq piviusumik ingerlanneqarneq ajormat. Tamatumunnga pissutaavoq ilinniartup amerlanertigut ilinniarnerup naammassinerata kinguninngua ilinniartut ineqarfian niqisaminik qimatsisarnera.

Misissuinissamut nalunaarummi siunertaq tassaavoq ilinniartut ineqarfian inissiap pissusaa pillugu paasisaqarnissaq, tessunga ilanngullugu amigaataasinnaasut aalajangerneri. immikkoortoq ilinniartut ineqarfii pillugit nalunaarummi atuuttumi § 47, imm. 3, immikkoortut tallimaannut naapertuuppoq tassanilu allanneqarluni ilinniartut ineqarfian najugaqartup akiligassaaniq ilinniartut ineqarfian inissiami suliaqartoqassasoq misissuinermi nalunaarusiamni ilinniartut ineqarfianik aqtsisoqarfip inerniliinera tunngavigalugu ilinniartut ineqarfianik aqtsisoqarfip iliuuseqarnissamut pisussaaffia. Pissutsit suliassat pineqartumut tunngasut misissuinermi nalunaarusiamit takuneqarsinnaanngippata tessunga aningasartuutit ilinniartut ineqarfian najugaqartumut ilinniartut ineqarfianik aqtsisoqarfimmit akileqquneqarsinnaanngillat.

Imm. 2-mut

Aalajangersagaq ilinniartut ineqarfii pillugit nalunaarummi atuuttumi § 47, imm. 4-mut naapertuuppoq tassanilu pineqarluni uppermarsaateqarnissaq, ilinniartut ineqarfian inissiami amigaatit paarsinerlunnerilluunniit patsisigineqartut ilinniartut ineqarfianik aqtsisoqarfimmut saqqummiunneqartussat. Tessunga oqaatigineqassaaq uppernarsaanerup inuit ataatsimik amerlanerusut peqataanerisigut tamatigut pisarnissaa pillugu nalunaarummi atuuttumi piumasaqaat ilanngunneqanngimmat. Tamanna assersuutigalugu pisortanut ingerlatsitatut ilaasutut inaassusersiunnginnermut, inatsisinut naapertuunermut, ilumoortuunermut aamma

assersuutigalugu suliamut attuumassuteqarnermut naleqqiullugu immikkut akisussaaffeqarneq ilinniartut ineqarfianik aqtsisoqarfik pisussaaffeqarmat, tamatuminngalu saneqqussineq suliffimmi akisussaanermik kinguneqarsinnaammat.

Imm. 3-mut

Misissuinermi nalunaarusiaq ilinniartut ineqarfianni najugaqartumut nuuttumut nassiunneqanngippat ilinniartut ineqarfianni najugaqartumut piumasaqaateqarnermut tunngavittut atorneqarsinnaanngilaq.

Ilinniartut ineqarfianni najugaqartup oqaaseqaatai, tak. aalajangersakkamik oqaaseqatigiit aappaat suliap sapinngisamik annerpaamik erseqqissaasoqarnissaanik kissaateqarnermik tunngaveqarpoq.

*§ 48-mut*

Aalajangersagaq suliareqqinneqarluni ilinniartut ineqarfii pilugit nalunaarummi atuuttumi § 48, imm. 1-imik ingerlatitseqqiineruvoq tassanilu pineqarluni misissuinermi nalunaarusiamut oqaaseqaatinik nassiussinnginnermut naleqqiullugu ilinniartut ineqarfianni najugaqartumit nuuttumiit kinguniusinnaasut. Tamanna pisuni taamatut ittuni ilinniartut ineqarfianni najugaqartup misissuinermi nalunaarusiamut akerliliumannginneranik naatsorsuutigisaqarnermik tunngaveqarpoq.

*§ 49-mut*

Aalajangersakkap ilinniartut ineqarfii pillugit nalunaarummi atuuttumi § 49 assigilliunnarpaa.

Aalajangersagaq sorianik peqquteqartumik tunngaveqarpoq, ilaatigut ilinniartut ineqarfianni inissiamut qimanneqartumut naleqqiullugu pissutsinik piumasaqaatini nassiussisinnaaneq, pigisat qimanneqarsimasut nassiunneqarsinnaaneri il.il.

Tassani pineqarpoq torersuutitsinissamut aalajangersagaq pineqaatissiissutaasinnaanngitsoq, kisiannili ilinniartut ineqarfianni najugaqartup qimataanik pigisanik toqqortaqarnissamut ilinniartut ineqarfianik aqtsisoqarfip qanoq sivisutigisumik pisussaaffeqarnera pillugu apeqqummut naleqqiullugu assersuutigalugu pingaaruteqarsinnaasoq, tak. § 50.

*§ 50-imut*

Imm. 1-imut

Aalajangersagaq nutaajuvoq aamma 2015-imi ilinniartut ineqarfii pillugit ataatsimiinnermi tamanna pillugu noqqaaneq tunuliaqutaralugu suliarineqarluni.

Aalajangersakkap kinguneraa ilinniartut ineqarfianni qimanneqartumi tamanna pillugu isumaqatigiissuteqarnani ilinniartut ineqarfianni najugaqartup qimataasa tammernerinut imaluunnit aserornerinut naleqqiullugu ilinniartut ineqarfiinik aqutsisoqarfimmut ilinniartut ineqarfianni najugaqartoq nuuttoq piumasaqaateqarsinnaanngitsoq.

Imm. 2-mut

Aalajangersagaq nutaaajuvoq tassanilu allanneqarluni pigisanik qimatanik ilinniartut ineqarfiinik aqutsisoqarfiuup peersinissa sioqqullugu ilinniartut ineqarfiinik aqutsisoqarfiuup iliuuseqarnissamut pisussaaffia, tamanna pisinnaalluni tunisinikkut, tassunga ilanggullugu akitsorterussineq imaluunnit igitsineq.

Aamattaaq aalajangersakkami oqaaseqatigii aappaannit takuneqarsinnaalluni ilinniartut ineqarfianni najugaqartoq nuuttoq najugaqarfimmik ilisimatitsinngippat sapaatip akunneranik piffissaliineq atuutinngitsoq.

Imm. 3-mut

Aalajangersagaq nutaaajuvoq aamma pigisat naleqarnerusut pineqartillugit piffissami sivisunerusumi toqqortaqarsinnaaneq aalajangersarneqarluni, tamannalu pineqartup pigisaasa suuneri qanorlu pitsaatigner aallaavigalugit aalajangersimasumik naliliisoqassalluni.

Imm. 4-mut

Ilinniartut ineqarfiinik aqutsisoqarfik pigisanik qimatanik iluanaaruteqarsinnaanngitsoq aalajangersakkami oqariartuutigineqarpoq, tassa tunisinermi iluanaarutaasinnaasut ilinniartut ineqarfianni najugaqartumut nuuttumut ilinniartut ineqarfiinik aqutsisoqarfiuup piumasaqaatigisaanut naleqqiullugu atorneqassammata.

### *§ 51-imut*

Imm. 1-imut

Aalajangersagaq suliareqqinnejarluni ilinniartut ineqarfii pillugit nalunaarummi § 50 imm. 1-imik ingerlatitseqqiineruvoq.

Malittarisassanut atuuttunut naleqqiullugu allanguinermut pissutaavoq Namminersorlutik Oqartussani qitiusumik allaffissuarmut ilaasut immikkoortortat aamma assersuutigalugu Namminersorlutik Oqartussani naalakkersuisoqarfiuup akornanni allaffissornikkut qutsinnerusumut naammagittaalliorqarsinnaannginnera. Tamatuma kingunerisaanik aalajangiinerit, assersuutigalugu KAF-imit aalajangiiffigineqartut, Ilinniartitaanermut, Kultureqarnermut Ilageeqarnermullu Naalakkersuisoqarfimmut, ilinniartut ineqarfii pillugit akisussaasumut naammagittaalliuutigineqarsinnaanngillat, tassa KAF-ip piginnaatitaanera naalakkersuisoqarfimmi pineqartumi suliffiuup iluani suliakkiissutaammat.

Imm. 2-mut

Tassani pineqarpoq ilinniartut ineqarfii pillugit nalunaarummi attuuttumi § 50, imm. 2-mik ilaannakuusumik ingerlatitseqqinneq.

Aalajangersakkami oqaaseqatigiinnit siullernit takuneqarsinnaavoq aalajangersakkani taaneqartut oqaaseqatigiinnut siullernut naleqqiullugu aalajangiiffigineqartut pillugit naammagittaalliuutit kingunerissagaat allaffissornikkut inaarutaasumik aalajangiinerup pigineqalernissaata tungaanut ilinniartut ineqarfianni najugaqartoq ilinniartut ineqarfianni inissiami najugaqaannarsinnaasoq.

Taamaaqataanik § 43 malillugu aalajangiiffigineqartut attartornermik isumaqatigiisummik atorunnaarsitsineq pillugu aalajangiinernut naleqqiullugu aalajangersakkami oqaaseqatigiit aappaanut naleqqiullugu aallaaviatigut atuutissalluni, aalajangersimasumik naliliineq aallaavigalugu ilinniartut ineqarfiinik aqutsisoqarfik isumaqanngippat inaarutaasumik allaffissornikkut aalajangiinerup pigilernissaata tungaanut piffissami ilinniartut ineqarfianni najugaqartoq najugaqartariaqanngitsoq. Tamanna pingaartumik ikiaroornartunut imaluunniit persutaanernut imaluunniit siorasaarinernut tunngasuni suliani naleqqutissaq, tak. aamma § 44, imm. 2-mi nassuaatinut tamanna pillugu allanneqartut.

Imm. 3-mut

Aalajangersagaq nutaajuvoq aamma naammagittaalliorqarsinnaaneq pillugu malittarisassanik suli allanik nalunaarutikkut aalajangersaanermut atorneqarsinnaalluni, tassunga ilanngullugu naammagittaalliuuteqarsinnaanerup killeqartinnera.

Aalajangersagaq aamma Namminersorlutik Oqartussat avataanni immikkoortortamut tunngasuni naammagittaalliuuteqarsinnaanermik malittarisassaliornermut naleqqiullugu atorneqarsinnaavoq, § 8, imm. 3 naapertorlugu tamakkiisumik ilaannakuusumilluunniit ilinniartut ineqarfii pillugit malittarisassanik aqutsinermik tunniussiffiusimasunut.

Maalaarutit naleqquttumik suliarineqartarnissaannik qulakkeerinnitsitsisinnaasunik maalaarutinik suliaqartarnerup naammaginartumik killilersornissaa maalaarutit pillugit malittarisassiornermi pingartinneqassaaq.

### *§ 52-imut*

Imm. 1-imut

Tassani pineqarpoq siunnersuutip piffissami atuutilerfissaa, aggustip aallaqqaataanni 2020-mi ukiup ilinniarfiusup nutaap aallartinnerata missaani piffissamut aalajangersarneqartoq, taamaattoq tak. § 53.

Imm. 2-mut

Siunnersuutip atuutilernissaata kingunerisaanik peqatigisaanik malittarisassat atuuttut atorunnaarsinnejassapput. Inissianik attartorneq pillugu inatsisartut peqqussutaanni

aalajangersakkap tunngavissiisup atorunnaarsinnejarnera naatsorsuutigineqarpoq suliassaqarfimmi inatsisisapp nalunaarutigineqarneranit takuneqarsinnaassasoq.

*§ 53-imut*

Imm. 1-imut

Soorlu nassuaatini nalinginnaasuni aamma aalajangersakkanut eqqaaneqartunut nassuaatini allanneqartoq naatsorsueriaatsinik kissaatigineqartunik pilersitsiarluni sulineq pisariaqartoq naammassineqartinnagu aalajangersakkat atuutilernissaat naatsorsuutigineqarpoq.

Imm. 2-mut

Imm. 1-ip kingunerisaatut siunnersuutigineqarpoq ineqarnermut akiliutip aalajangersarnissaanut tunngasut malittarisassat atuuttut aningaasanut inatsimmi aalajangersarneqartassasut, §§ 15, 16, aamma 18-ip piffissami atuutilernissaata tungaanut.

Imm. 3-mut

Atuineq pillugu malittarisassaliorneq ineqarnermut akiliutip aalajangersarnissaanut tunngasuni apeqqummut atalluinnarpoq, taamaattumik pissutsit pillugit malittarisassaliorneq ataqtigiissarneqartariaqarluni, tassunga ilanngullugu piffissatigut.